

tur honores, CHRISTUS ET AN-
 TICHRISTUS, qui mutuam sui ET
 quasi reciprocam pariunt notitiam, ita ut
 alterum si benè noris, alterum etiam i-
 gnorare nequeas. Quemadmodum autem
 vera utriusq; cognitio non nisi ex Scri-
 pturis divinitus inspiratis percipitur: ita
 qui hoc in genere extra liram agri divi-
 ni vagantur, ET rationis suae somnia tan-
 tùm sequuntur, eos bauddubiè delirare,
 ET pro veritate divinâ fabulas humanas
 sectari necesse est; cuius rei luculentum
 exemplum habemus in Iudæis ET Papi-
 colis, quorum illi de CHRISTO, hi de
 ANTICHRISTO tales tantasq; nu-
 gas vendunt, quas sine commotione sple-
 nis nemo legere; sine stupore mentis nemo
 considerare potest. Illud autem singulari
 DEI fato accidit, quod utriusq; partis
 figmenta egregios constituunt parallellos,
 ita ut

Deinde CHRISTUM in fine mundi venturum, juniores Iudæorum contendunt, abusi ijs Prophetarum vaticinijs, in quibus instauratio Ecclesiæ ad finem dierum refertur, qualia sunt Esa. 2, 1. Mich. 4, 1. de omni Domini in vertice montium elevato super omnes colles &c. qua de re legatur Petrus Galatinus lib. 5. de arcan. cathol. veritat. cap. 3. Sic & novelli & nigelli nostri Monachi, horumq; hyperassistæ, Apostatæ, πῖξ καὶ λὰξ contendunt, paucis admodum annis ante finem mundi venturum Antichristum, abusi ijs scripturæ locis, in quibus brevissimum tempus Antichristi imperio adsignatur, qualia extant Dan. 11, 2. Apocal. 12, 12. & cap. 20. &c. idq; ex omnibus Scriptorum Papisticorum de Antichristo libris notum est, & nominatim apud nostrum Apostatam reperitur in Syntag: cap. 1. pag. 57.

certissimumq; est, ante tempora Antichristi, quidquid unquam Romani Imperij ac ditionis fuerit, à decem Regibus occupatum & divisum iri, qui hostilibus animis etiam memoriam Romani nominis perimere & extirpare conentur: idq; sic volente & dirigente Deo, qui eosdem postea Antichristi imperio subijci patietur. *Hæc Apostata noster, quæ cum Iudeorum figmento magnam habere convenientiã, quilibet intelligit. Porro Papicolæ Antichristum suum ex fornicatione nasciturum credunt, & quidem Babylone, è gente Hebræâ, & ex tribu Dan, ubi cum adoleverit, collecto manipulo improbissimorum hominum, Ægyptum invadet, eaq; occupatâ, Æthiopiam, Lybiam & Iudeam capiet, & ut paucis multa comprehendam, Hierosoly-*

Vide
Bellar.
lib. 3. de
Pont. R.
cap. 12.
& Syn-
tag. cap.
2. & 3.

rem habituri sint illicitam. Deum verò
 in medio marmoris efformaturum infan-
 tem, qui rupto marmore vivus in lucem
 proditurus sit: nomen ejus erit Armil-
 lus harascha, improbus ille Armillus,
 quem Christiani dicturi sint Antichri-
 stum. Fingunt eum fore bicipitem, viridi
 pede, rubicundis oculis, proceritate duode-
 cim cubitorum, qui se Messiam, deumq̃
 Romanorum venditabit, à quibus etiam
 recipietur, eorumq̃ præsidio totum Roma-
 norum territorium, universam Iudæam
 & Ægyptum sibi subiciet, Israëlitas in
 exilium pulsos profugos in desertum faciet,
 donec præterierint dies 45, juxta va-
 tadinium, scilicet, Danielis 12, 11. A tem-
 pore cum ablatum fuerit jube sacrifici-
 um, & posita fuerit abominatio desolao-
 tionis, dies 1290; beatus qui expectat
 & pervenit usque ad dies 1335. Ita
 Iudæi

Buxdorf

l. d. p.

641.

viscere ac resurgere se simulabit. Non
minora miracula suo Messiae Ben-Da-
vid attribuunt Iudaei: Inter alia hoc et-
iam, quod Messiam, quem fingunt, Ben-
Ioseph ab Armillo harascha interfectum
à mortuis sit resuscitaturus. &c.

Lubens praetereo multa, quae de Chri-
sto suo memoriae consecrarunt ipsi Iudaei,
quaeq; cum Papicolarum Antichristo per-
quam optime conveniunt: puta, quod Ius-
deorum Christus Iudaeis ex omni angulo
mundi congregatis coenam sit appparatu-
rus, in qua, (credat hoc qui volet) prae-
grandis ille bos (quem Behemos vocant)
maclabitur, de quo scriptum sit in Psalmo
50, 10. meae sunt omnes ferae silvarum,
jumenta in montibus & boves: item
praegrandis ille piscis Leviathan, seu Lis-
pisan, ut ipsi vocant, de quo apud Esaïam
legatur: in die illa visitabit Dominus in
gladio

Buxdorf

l. d. p.

647.

seqq.

Esa. 27,

l.

DEDICATORIA.

suo duro & grandi & forti &
 viathan, & occidet cetum qui
 est: deniq; maculabitur admirans
 nitudinis avis, cujus ovum nido
 duritie sua trecentas cedros con-
 & sexaginta pagos humoribus
 et eluvione quadam absorpserit.
 irum ferculis coenam illam Chri-
 structam fore credunt Iudaei:
 lemum addunt generosissimum
 non hornam aut bihornum; sed
 nitibus paradisi collectum à con-
 do ab Adamo ejusq; posteris in
 diem fuerit ad servatum, juxta
 27, 2. scilicet: in die illa vinea
 abitur: ego Domi. us qui seruo
 nte propinabo ei. & c. His &
 Iudeorum naeniis de suo Christo
 respondent ea, quæ Apostata
 suo Anticristo fabulari pergit:
 qualia

Solera.



Abhk

130 a



DIATRIBE THEOLOGICA

DE

ANTICHRISTO:

IN QVA PAPICOLARVM

*fabula de Vtopico Antichristo ex immotis
scripturarum diuinarum oraculis, & subsequen-
to infallibili temporum euentu suffici-
enter refutantur:*

*In gratiam cuiusdam Gasperis Scioppij
Apostatae, & Amasij Romanae Thaidis
tenerrimi.*

ACCESSERVNT ORATIO-

*nes duae; quibus ex notis partim Personae, par-
tim Regni Antichristiani luculenter ostenditur,
Pontificem Romanum Antichristum illum Ma-
gnum esse; cuius partes agit Epistola &
Syntagma Scioppianum.*

*Cum Indice gemino dictorum scripturae, & Re-
rum memorabilium.*

Autore

FRIDERICO BALDUINO

*SS. Theol. D. & Prof. publico in Aca-
demia VVitebergensi*

Witebergæ, Impensis Pauli Helvvichij

Typis Henkelianis, Anno M D C. VII.

Bayerische
Staatsbibliothek
München



*Reverendissimo, Magnificis, Am-
plissimisq; viris;*

D. POLYCARPO LYSE-
SERO, THEOLOGO CELEBER-
rimo; Serenissimo ELECTORI Sa-
xoniae a Concionibus Consilijs-
que sacris:

D. MARTINO AICH-
MANNO IC^o praestantissimo; Ejusdem
Domini ELECTORIS Consiliario prima-
rio longeq; fidelissimo. Dominis, Patre-
nis ac Fautoribus meis summâ cum
observantia colendis

S. P. D.

DVO SUNT IN MUNDO
velut *antiqua* quaedam numi-
na, Reverendissime, Magnifici,
Amplissimiq; viri, Domini ac Patroni
reverenter & officiosè colendi; quorum
uni de jure, alteri de facto divini praestan-

A 2 tur ho-

tur honores, **CHRISTUS** & **ANTI****CHRISTUS**, qui mutuam sui & quasi reciprocam pariunt notitiam, ita ut alterum si benè noris, alterum etiam ignorare nequeas. Quemadmodum autem vera utriusq; cognitio non nisi ex Scripturis divinitus inspiratis percipitur: ita qui hoc in genere extra liram agri divini vagantur, & rationis suæ somnia tantum sequuntur, eos bauddubiè delirare, & pro veritate divinâ fabulas humanas sectari necesse est; cuius rei luculentum exemplum habemus in Iudeis & Papiolis, quorum illi de **CHRISTO**, hi de **ANTI****CHRISTO** tales tantasq; nugas vendunt, quas sine commotione sple- nis nemo legere; sine stupore mentis nemo considerare potest. Illud autem singulari **DEI** fato accidit, quod utriusq; partis figmenta egregios constituunt parallelos, ita ut

ita ut Iudeorum Christus & Papicola-
rum Antichristus in eodem prorsus vide-
antur esse prædicamento; eodem patre,
eademq; matre nati; id quod ostendere,
exigui, non tamen inutilis, nec injucundi
laboris erit. Primum enim non conte-
mnenda convenientia in eo est, quod Iu-
dei Christum, Papicolæ Antichristum
suum etiamnum expectant, cui tamen
sanguinis adfinitate sunt conjunctissimi,
adeoq; eum in sinu, quod dicitur, illi qui-
dem habuerunt; hi etiamnum fovent.
Nam IESUM Nazarenum sanguine
Iudeum illum à Prophetis promissum
Messiam sive Christum esse, nonnulli
Iudeorum Rabini fassi sunt: Pontificem
Romanum illum à Prophetis & Apo-
stolis descriptum Antichristum non pauci
Pontificiorum Rabini, seu doctores in
Papatu, jam olim agnoverunt, publicisq;
scriptis fassi sunt.

A 3 De-

de Ju-
dæis vi-
de P. Ga-
latinum
lib. 3. c.
6 & seqq.
de Pon-
tific. vi
de Cata-
log. test.
ver. part.
1. lib. 6.
pag. 512.
& seqq.

EPISTOLA

Deinde *CHRISTUM* in fine mundi venturum, juniores Iudæorum contendunt, abusi ijs Prophetarum vaticinijs, in quibus instauratio Ecclesiæ ad finem dierum refertur, qualia sunt Esa. 2, 1. Mich. 4, 1. de omni Domini in vertice montium elevato super omnes colles &c. qua de re legatur Petrus Galatinus lib. 5. de arcan. cathol. veritat. cap. 3. Sic & novelli & nigelli nostri Monachi, horumq; hyperassistæ, Apostatæ, πῖξ καὶ λὰξ contendunt, paucis admodum annis ante finem mundi venturum Antichristum, abusi ijs scripturæ locis, in quibus brevissimum tempus Antichristi imperio adsignatur, qualia extant Dan. 11, 2. Apocal. 12, 12. & cap. 20. &c. idq; ex omnibus Scriptorum Papisticorum de Antichristo libris notum est, & nominatim apud nostrum Apostatam reperitur in Syntag: cap. 1. pag. 57.

Inter

DEDICATORIA.

Inter alia signa adventum Christi antecedentia Iudæi & hoc ponunt, quod antequam ipsorum Christus veniat, Deus exuscitaturus sit tres reges, qui abolito omni Regum Israëlitarum imperio, rerum sint potituri, & inauditâ planè tyrannide exactionibus & cædibus subditos suos persecuturi: inprimis autem ex regno Edomitico (ita vocant Romanum imperium) exsurrecturum esse aliquem, qui mensibus novem dominus totius universi futurus sit, quem tandem unâ cum cæteris tribus tyrannis Messias Ben-Ioseph aggredietur bello, sibiq; subjugabit. Simile figmentum est Papicolarum, quod verbis Apostatæ Scioppij (in cuius gratiam isthæc præfari placuit) recitabo: Ei enim ex traditione præceptoris sui Bellarmini, Maluendæ, & aliorum hujus farine, exploratum

Johan.
Buxdorf
in synag.
Judaica
cap. 36.
pag. 626.

Syntag.
cap. 1.
pag. 45.

certissimumq; est, ante tempora Antichristi, quidquid unquam Romani Imperij ac ditionis fuerit, à decem Regibus occupatum & divisum iri, qui hostilibus animis etiam memoriam Romani nominis perimere & extirpare conentur: idq; sic volente & dirigente Deo, qui eosdem postea Antichristi imperio subijci patietur. *Hæc Apostata noster, quæ cum Iudæorum figmento magnam habere convenientiã, quilibet intelligit. Porro Papicolæ Antichristum suum ex fornicatione nasciturum credant, & quidem Babylone, è gente Hebræã, & ex tribu Dan, ubi cum adoleverit, collecto manipulo improbissimorum hominum, Ægyptum invadet, eaq; occupatã, Æthiopiam, Lybiam & Iudæam capiet, & ut paucis multa comprehendam, Hierosoly-*

Vide
Bellar.
lib. 3. de
Pont. R.
cap. 12.
& Syn-
tag. cap.
2. & 3.

ierosolymam instaurabit, Ecclesiam in de-
 sertum profugabit, Iudæos inprimis sedu-
 cet, quibus persuadebit, se esse illum per
 Prophetas promissum Christum seu Mes-
 siam &c. Eadem de Christo suo credunt
 Iudæi, quem in Babyloniâ nasciturum,
 imò jam natum, & in Paradiso pilo mu-
 lieris nescio cuius alligatum, sed ob pecca-
 ta hominum, nondum revelatum esse scri-
 bunt: qui cum venerit, collecto ingenti
 exercitu totum orientem occupabit, Hie-
 rosolymam inprimis obtinebit, Iudæosq;
 ex omni angulo mundi congregatos eò e-
 vocabit. Inprimis autem hæc Papicola-
 rum fabula de Antichristi ortu & pro-
 gressu congruit ad ea, quæ Iudæorum Ra-
 bini quoq; de Antichristo commenti sunt.
 Fingunt enim Romæ marmoream esse
 statuam venustissimæ virginis, non hu-
 manis manibus, sed divinâ virtute ita
 fabricatam, cum qua scelerati homines

de his
 vide P.
 Galati-
 num lib.
 4. cap.
 12. & Joh
 Buxdorf
 synag. c.
 6. p. 624.
 seqq.

Buxdorf
 l. d. p.
 635.

rem habituri sint illicitam. Deum verò
 in medio marmoris efformaturum infan-
 tem, qui rupto marmore vivus in lucem
 proditurus sit: nomen ejus erit Armil-
 lus harascha, improbus ille Armillus,
 quem Christiani dicturi sint Antichri-
 stum. Fingunt eum fore bicipitem, viridi
 pede, rubicundis oculis, proceritate duode-
 cim cubitorum, qui se Messiam, deumq;
 Romanorum venditabit, à quibus etiam
 recipietur, eorumq; præsidio totum Roma-
 norum territorium, universam Iudæam
 & Ægyptum sibi subiciet, Israëlitas in
 exilium pulsos profugos in desertum faciet,
 donec præterierint dies 45, juxta va-
 tadinium, scilicet, Danielis 12, 11. A tem-
 pore cum ablatum fuerit jure sacrificii
 um, & posita fuerit abominatio desolatio-
 tionis, dies 1290; beatus qui expectat
 & pervenit usque ad dies 1335. Ita
 Iudæi

DEDICATORIA.

Iudæi de Antichristo fabulabantur, in quibus ipsissimam videas Antichristi delineationem. Sed redeo ad Iudæorum Christum. Nugantur illi, unâ cum Christo apperiturum Eliam & Enochum: hos enim duos è sede beatorum in terras redituros esse, antiquissima Iudæorum opinio fuit, quemadmodum constat ex Siracide cap. 44. & 48. Idem figmentum Papicolas Iudæi ante hodieq; retinere mordicus, notissimum est; quia & ipsi Eliam Thesbiten & Enochum cum Antichristo suo redituros in mundum habent sibi persuasissimum, id quod omnibus suis de Antichristo disputationibus crepare solent.

Papicolarum Antichristus etiam miraculis erit clarus: inter alia palam in luce & conspectu populorum mori se simulabit, mortuiq; specie aliquandiu jacebit; Sed tandem sua sponte reviviscere

Pellar.
lib. 3. P.
R. cap.
5. syn-
g. cap.
5.

Buxdorf

l. d. p.

641.

viscere ac resurgere se simulabit. Non
minora miracula suo Messiae Ben-Da-
vid attribunt Iudaei: Inter alia hoc et-
iam, quod Messiam, quem fingunt, Ben-
Ioseph ab Armillo harascha interfectum
à mortuis sit resuscitaturus. &c.

Lubens praefero multa, quae de Chri-
sto suo memoriae consecrarunt ipsi Iudaei,
quaeq; cum Papicolarum Antichristo per-
quam optime conveniunt: puta, quod Ius-
deorum Christus Iudaeis ex omni angulo
mundi congregatis cœnam sit apparatu-
rus, in qua, (credat hoc qui volet) prae-
grandis ille bos (quem Behemos vocant)
maetabitur, de quo scriptum sit in Psalmo
50, 10. meae sunt omnes ferae silvarum,
jumenta in montibus & boves: item
praegrandis ille piscis Leviathan, seu Lis-
pisan, ut ipsi vocant, de quo apud Esaïam
legatur: in die illa visitabit Dominus in
gladio

Buxdorf

l. d. p.

647.

seqq.

Esa. 27,

l.

gladio suo duro & grandi & forti &
 super Leviathan, & occidet cetum qui
 in mari est: deniq; mactabitur admirans
 de magnitudinis avis, cujus ovum nido
 eiecium, duritie sua trecentas cedros con-
 fregerit, & sexaginta pagos humoribus
 suis velut eluvione quadam absorpserit.
 His nimirum ferculis cœnam illam Chri-
 sti sui instructam fore credunt Iudæi:
 quibus demum addunt generosissimum
 vinum, non hornam aut bihornum; sed
 quod è vitibus paradisi collectum à con-
 dito mundo ab Adamo ejusq; posteris in
 eum usq; diem fuerit adservatum, juxta
 illud Esa. 27, 2. scilicet: in die illa vinea
 meri cantabitur: ego Domi. us qui servo
 eam, repente propinabo ei. & c. His &
 similibus Iudæorum nœniis de suo Christo
 non malè respondent ea, quæ Apostata
 noster de suo Antichristo fabulari pergit:
 qualia

qualia sunt quod Iudæos sub finem mun-
 di credituros opinatur, Antichristum so-
 lem sistere, maria siccari, naturæq; leges
 ex arbitrio ponere posse: imò quod credit
 ipse, Antichristum unius triennij & sex
 mensium spacio, universum orbem terra-
 rum peragraturum, per fraudes & dolos
 regnum Iudæorum adepturum, mox cons-
 scripto milite Ægyptum, Lybiam, Æ-
 thiopiam, & tandem totum mundum de-
 victurum; à Iudæis omnibus ubiq; loco-
 rum de gentibus pro Messia agnitum iri,
 Hierosolymam jampridem dirutam soloq;
 æquatam denuò ædificaturum; effectus
 rum etiam, ut toto orbe cessent publicæ re-
 ligionis ceremoniæ, & jure sacrificium
 Ecclesiæ. Hæc omnia ab Antichristo ge-
 ri, quidem uno triennio geri posse,
 tam credibile est, quàm quæ de
 Christi sui cœnâ Iudæos hætenus fabula-
 ri audis

ri audivimus. Et tamen hasce nugas, fabularumq; quisquilias omnes Apostata noster S. Bibliorum autoritate se confirmasse impudenter jactitat, nimirum, ne hoc quoq; nomine à Iudæis, Papistarum patriarchis, degenerare videatur. Illi enim sua quoq; de Christo figmenta scripturis Prophetis subinde incrustabant, sed tam scurriliter & ridiculè, ut qui legerit, à risu sibi vix quidem temperare possit: id quod ex allegatis Gaslatini & Buxdorfij ad oculum patet. Adeò verum est, quod scripsit alibi Irenæus: Coguntur multa malè interpretari, qui nolunt unum rectè intelligere.

Hæc ergo est præclara illa harmonia, qua Papizantes Iudæi, & Iudaiizantes Papistæ pulcerrimum ἐνωσιον inter se constituunt: quo quidem in genere

Papistæ

Papicolæ deteriores adhuc sunt Iudeis.
 Hi enim ex cæcitate errant, illi ex malitia:
 nam absq. dubio pleriq. eorum caute-
 riatâ conscientia sub his tarvati sui Antichristi
 netulis mysterium iniquitatis oc-
 cultare, & filium perditionis, in cuius si-
 nu hærent, tegere student, & veluti
 Diogenis faculâ in ipso meridie lucentis
 Evangelij quærere etiamnum pergunt:
 Quam quidem ad rem Apostata noster,
 homo, ut de seipso scribit, non omninò nul-
 lius consilij, operam suis gregalibus non
 contemnendam navasse videtur. Cujus
 quidem Thraſonicam jaçantiam & cas-
 ninam planè impudentiam ut curemus,
 tantùm abest, ut miremur potius diaboli-
 cam ejus audaciam (Romanâ simplicitas
 te loquor) quod sine fronte quidem, sed
 non sine horribili profanatione nominis
 divini ex solis solis Biblijs confirmare
 audet,

audet, quod Pontificij Scriptores alij non nisi ex Traditionibus non scriptis peti debere docuerunt; quibus probant, quidquid aliàs vel sine vel contra Scripturam defendere solent. Sed utut sit, patiamur Apostatam nostrum sola Bibliorum autoritate sua, quod ait, confirmare: interim dum in eo laborat, occinimus ei illud, quod Augustinus olim Donatistis: Profer aliquid, quod interprete non egeat, nec unde convincaris, quod de alia re dictum sit, & tu illud ad tuum sensum detorquere coneris. &c. Si enim aliud declamas vel recitas, nos post vocem pastoris nostri per ora Prophetarum, per os proprium, per ora Evangelistarum orbis apertissimè declaratam, voces vestras non admittimus, non credimus, non accipimus. Tales enim ipse scripturas adjert Biblicas quæ ne quidem

de unitate Ec-
cles. cap.
16.

ibid. c.
11.

crinibus ad institutum trahi possunt: vel
 si quid ad rem facere videntur, in novâ
 Sciopiani cerebelli officinâ ita sunt dedo-
 latae, ut non tam scripturae divinae, quam
 nugae humanae esse appareant omnibus
 absq; praejudicio judicantibus: id quod sub
 finem anni superioris privato studio brevi;
 quadam *Διγτε* *Εἰ* demonstrare conabar;
 quam postea superiorum jussu atq; volun-
 tate publicâ disputatione examinandam
 in Scholâ nostrâ proponebam: non quod
 vererer, ne nugis illis Scioppianis detri-
 menti quidquam caperet Respub. Christi-
 ana: sed partim, ut nonnullis, qui eo nomi-
 ne mihi aures vellicabant, obtempera-
 rem; partim etiam ut gratificarer ijs ex
 juventute nostrâ, quibus Critici istius ne-
 quitiarum magistri nomen ex quibusdam
 Priapeijs Carminibus *Εἰ* obscænis epi-
 stolis nuper evulgatis innotuerat. Quid-
 quid igitur hîc pro gloriâ *DEI*, debitaq;
 divina

divinorum oraculorum adsertione suscep-
 tum est laboris atq; studij, id omne editio-
 ne iteratâ, & auctariolo quodam dota-
 tâ, in amicum vestrum sinum expono. Res-
 verendissime, Magnifici, Amplissimiq;
 viri, Domini, Fautores ac Patroni cum
 observantiâ honorandi: quod ut bonâ
 cum pace veniaq; vestrâ mihi facere lice-
 at, peramanter & officiosè rogo. Non
 enim tam patronos hujus meæ opellæ,
 quàm Censores; ac, si per R.V.M. & A.
 licet, Sequestrum istius de Antichristo
 Controversiæ apud vos quæro: quos
 (quod præfiscini dixerim) omnium & o-
 ptimè & candidissimè de Religionis ne-
 gotijs judicare posse & solere scio. Neq;
 etiam præter rem me facturum putavi,
 si, quemadmodum Apostata Scioppius,
 qui mihi hæc otia fecit, Paullino Pon-
 tificis Datario Antichristiano suo Syn-
 tagmate diem unum atq; alterum perdi-

dit; ego vicissim **V O B I S**, Electoralium Consiliariorum selectissimis Duum-
 viris, & rerum Scholasticarum Eccle-
 siasticarumq; Ephoris dignissimis, hoc
 Christiano Syntagmatis istius antidoto
 dieculam aut horas aliquas dieculæ falle-
 rem: idq; jure quodam à me postulari
 videbatur. Nam cum **V O B I S**, loco
 Serenissimi Electoris nostri **C H R I -**
S T I A N I II. Domini nostri Clemen-
 tissimi, ad reddendam otij negotijq; mei
 rationem obstrictus sim: commodum pu-
 tavi, imò æquum atq; necessarium, ut hæc
 ceu $\delta\upsilon\omicron\lambda\epsilon\pi\iota\alpha$, pro mea tenuitate in ærari-
 um Ecclesiæ collata, apud vos deponerem.
 Ut igitur Reverendissimæ vestræ Ma-
 gnificentiae & Amplitudines hanc Ma-
 gnifici sui nominis compellationem, ex
 humili & observantiæ pleno pectore pro-
 sectam, sibi gratam esse patiantur, ea qua
 par est, animi subjectione oro. Ita Domi-

DEDICATORIA.

nus IESUS VOBIS vestrisq; omnibus
benefaciat, cui R. M^{as}. A^{sq} V^{ras} serijs a-
nimi suspirijs commendo. Scripsi VVite-
bergæ. a.d. 20. Februar. Anno Christiano
c10 10 cv11. quo die, anno Christi 1077,
Rodolphus Sueviæ Dux, repudiato Hene-
rico IV. principe fortissimo, Imperator e-
ligitur Furchemiæ, jubente Gregorio VII.
Papa, qui novo Imperatori novo E^s in-
usitato exemplo coronam auream misit
cum hac inscriptione: Petra dedit Petro,
Petrus diadema Rodolpho; insigne edens
specimen tyrannidis E^s ἀντιχριστοῦ Anti-
christianæ, de qua Daniel loquitur c. 11.
vers. 36. E^c.

R. M^{as} A^{sq} V^{ras}

Observantissimus

Fridericus Balduinus D.

*D. Bernhardi testimonium de
Pontifice R. & ejus Ecclesia Antichri-
stiana ser. 33. super Cant.*

S Erpit hodie putida tabes per omne corpus Ecclesiæ; & quò latius, eò desperatius, eoque periculosius, quò interiorius. Nam si insurgeret apertus inimicus hæreticus, mitteretur foras & aresceret: si violentus inimicus, absconderet se forsitan ab eo. Nunc verò quem ejciet, aut à quo abscondet se? Omnes amici & omnes inimici: omnes necessarij & adversarij: omnes domestici, & nulli pacifici, omnes proximi & omnes, qui sua quærunt. **MINISTRI CHRISTI** sunt, & **SERVUNT ANTICHRISTO**: honorati incedunt de bonis domini, qui domino honorem non deferunt. Inde is quem quotidie vides meretricius nitor, historicus habitus, regius apparatus: inde aurum in frenis, in sellis & calcaribus, & plus calcaria quam altaria fulgent. Inde splendida mensæ & cibis & typhis: inde commestationes & ebrietates inde cithara & lyra & tibia: inde redundantia torcularia & promptuaria plena eructantia ex hoc in illud. Inde dolia pigmentaria; inde referta marsupia, pro hujusmodi volunt esse & sunt Ecclesiarum præpositi, decani, archidiaconi, episcopi, archiepiscopi. Nec enim hæc meritò cedunt, sed negotio illi quod perambulat in tenebris. Olim prædictum est, &

nunc tempus adimpletionis advenit. Ecce in pace amaritudo mea amarissima. Amara prius in nece martyrum : amarior post in conflictu hæreticorum ; amarissima nunc in moribus domesticorum. Non fugare non fugere eos potest, ita invaluerunt, & multiplicati sunt super numerum. Intestina & insanabilis est plaga Ecclesiæ, & ideo in pace amaritudo ejus amarissima. Sed in qua pace ? & pax est, & non est pax. Pax a paganis, & pax ab hæreticis : sed non profectò a filiis. Vox plangetis in tempore isto : filios enutrivì & exaltavi : ipsi autem spreverunt. Spreverunt & macularunt me à turpi vita, à turpi questu, à turpi commercio, à negotio deniq; perambulante in tenebris. Superest ut jam de medio fiat daemonium meridianum ad seducendos si qui in Christo residui sunt, adhuc permanentes in simplicitate suâ. Siquidem absorbuit fluvios sapientium & torrentes potentium, & habet fiduciam ut Jordanis influat in os ejus, id est, simplices & humiles in Ecclesia. IPSE ENIM EST ANTICHRISTUS, qui se non solum diem, sed & meridiem mentietur, & extolletur super id quod dicitur aut quod colitur deus quem Dominus JESUS interficiet spiritu oris sui, & destruet illustratione adventus sui, utpote verus & æternus meridies. sponsus & advocatus Ecclesiæ, qui est super omnia Deus benedictus in secula Amen.



*CAPITA SEPTEM
HUIUS TRACTATIONIS.*

Primum agit de Tempore Adven-
tus Antichristi.

Secundum de Ortu & Progressu
Antichristi.

Tertium de Imperio & potentia
Antichristi.

Quartum de Sede imperij Anti-
christi.

Quintum de Doctrina & Religio-
ne Antichristi.

Sextum de Confirmatione & pro-
pagatione doctrinae atq; im-
perij Antichristi.

Septimum de Exitu sive Interitu
Antichristi.

LECTO.



LECTORI CHRISTIANO SALUTEM

& amorem. P.



ETSI NON SINE SINGULARI utilitate Reipub. Christianæ multiplices Romanæ synagoga fraudes ac errores multorum libris passim ubiq; deteguntur; tamen compendium fidei & veritatis facere videntur, qui ex immotis fundamentis ostendunt, Pontificem Roman. esse Antichristum illum Magnum, quem Apostolus Paulus filium perditionis nominat. Antichristi enim doctrinam & vitam impiam & hæreticam esse nemo Christianorum dubitat, ita ut si hoc in genere causâ ceciderint Romanenses, omnes ipsorum disputationes aliæ hac una quasi liturâ deleantur. Ideo in nupero Ratisbonensi Colloquio ad Antichristi nomen tantum, non modò cohorrerunt, sed & satis aptum abrumpendi colloquij prætextum sese reperisse putaverunt, quod audissent, Papam à Collocutoribus Evangelicis Antichristum fuisse appellatum. Bellarminus etiam fere nusquam in toto suo opere tanto sudavit opere, licet irritò prorsus & frustraneo, quam ut hoc telum à R. Pontificis

B

cer vice

cer vice protelaret. Hunc potissimum secutus novitius quidam nescio quis aulae Romanae adulator, Gasper Scioppius, bene se de Repub. R. Pontificis mereri posse speravit, si dedecus ejus ingenio suo obumbraret, ut verbo Tertulliani utar, hoc est, si omnibus eruditionis suae nervis eo contenderet, ut totus mundus, scilicet, intelligeret, Papam Antichristum non esse. Eam in rem superiore anno proximo edidit Syntagma & Epistolam de Antichristo, ad illustrissimum quendam Germaniae Principem scriptam; in quorum utroque Pseudolum potius & Palestri- onem quendam egit, quam candidum & apertum Papae advocatum. In Epistola parum est, quod ad rem Antichristianam faciat: suas Pontificis & sui laudes decantat, se spectata vitae morumque integritate & candore, ab omni suspitione privati commodi remotum, hominemque non prorsus nulli consilij esse, neque eorum, quae ad medicinam adfectae Germaniae faciendam usui esse possunt, imperitum, praedicat: ceteris in singulis fere paginis impudenter convitium facit: Praedicatores Lutheranos concionatoriae levitatis homines appellat, quae- stum exstimulandis & concitandis seditionibus comparare solitos, &c. Principem ad quem scribit, non tantum ad desertionem veritatis, sed & ad coercendas vociferationes praedicatorum & in Pontificem ac Catholicos debacchationes (ita vocat orthodoxam & debito zelo temperatam

Pag. 22.

Pag. 33.

Pag. 41.

peratam veritatis defensionem) hoc est, ad vim
libertati atq; officio ministrorum Ecclesiae facien-
dam instigat; & tandem cum in omnibus libidini
suae satisfacisset, protestatur tamen impudenti ore,
se nihil horum attentasse, hoc est, ubiq; officium fa-
cit Apostatae sanguisugae, acerrimus ordinis sui
persecutor, nimirum, instar adulterae illius Salo-
moneae, abstergens os suum, & dicens, non sum o-
peratus malum. Illis igitur vel ostentationibus
exagitandis, vel convitiis refutandis, vel insti-
gationibus impediendis, diu immorari velle, ani-
mi esset nimium impotentis: idcirco epistola ista,
ut intempestivum Germanici incendij flabellum
maleferiato isti Herostrato non immerito remitti-
tur. Non enim tam dolor debet apud nos,
quam pudor loqui, (inquit Cyprianus) ne quis
provocatus videatur maledicta potius, quam
crimina & peccata congerere. In syntagmate
verò compilavit ea ferè omnia, quae alij scripto-
res Pontificij de Antichristo comportarunt, qui-
bus tamen suum quoq; addit ἐν τῷ λόγῳ μέγας, mul-
tis consarcinatum fabellis, ex quibus omnibus
talē depinxit Antichristū, qualem, nisi rerū omni-
um ordo inverteretur, vel fore, vel fuisse, vel es-
se posse ūquā, nemo crediderit, qui sanae mētis est.
Sed in his omnib. impunè sese fabulari posse puta-
vit, quod scribit hæc ad ejusmodi principē, cui se de
minimè vulgari nota cōmendatū esse credit: quod
scribit ut Catholicus, (quod sæpè repetit) h. e. Romæ-
næ Synagogæ filius, qui Romæ in gremio veræ,

16id.

Prov. 30.

pag. 19.


si Deo placet, Ecclesiæ sedeat, cui propterea ad te-
genda pudenda meretricis Babylonice quidvis
fingere, est officium obsequentis filij, imò bonæ
conscientiæ facere: quod deniq; scribit (de se si credi-
tur ipsi) pacis & concordiae inter dissentientes
conciliandæ gratia; ejus verò concordiae, quæ fit
cum jactura veritatis, quæ propterea maledicta,
& non nisi eorum est, qui nomen tantum Christia-
norum habent, & ore diaboli loquuntur, ut Atha-
nasius alicubi loquitur. Preinde nugis & fabellis
istis parcere debuisset tam illustri animo, cui ist-
hæc scribit, benevolentiamq; semel partam non
mendaciis & convitiis, sed pietate & officiis tue-
ri: nisi forsan officium esse putat, mentiri & falle-
re. Neq; enim, quod ipse videri vult Catholicus;
quod Ecclesiam Romanam veneratur; quod pa-
cis & concordiae nomine superbit; idcirco suas de
Antichristo nugas excusabit; imò potius causam
non bonam pejorem faciet. Unum enim mo-
neo, inquit Hilarius Episcopus Pictaviensis con-
tra Auxent. sub finem: cavete Antichristum:
malè vos parietum amor cœpit, malè Eccle-
siam in tectis ædificijsq; veneramini: malè
sub his pacis nomen ingeritis: anne ambi-
guum est in his Antichristum esse sessurum?
Et in eodem libro Antichristum in Ecclesia Ro-
manâ superbè grassantem graphicè descripsit his
verbis: Antichristos plures esse, etiam Apo-
stolo Johanne prædicante, cognovimus.
Quisquis enim Christum, qualis ab Aposto-
lis

lis est prædicatus, negavit, Antichristus est. Nominis Antichristi proprietas est, Christo esse contrarium. Hoc nunc sub opinione falsæ pietatis efficitur, hoc sub specie prædicationis Evangelicæ laboratur; ut Dominus JESUS CHRISTUS, dum prædicari creditur, denegetur. Ac primum miserari licet nostræ ætatis laborem, & præsentium temporum stultas opiniones congemiscere: quibus patrocinari DEO humana creduntur, & ad tuendam Christi Ecclesiam ambitione seculari laboratur. Oro vos Episcopi, qui hoc vos esse creditis, quibusnam suffragijs ad prædicandum Evangelium Apostoli usi sunt? Quibus adjuti potestatibus Christum prædicaverunt: gentesq; ferè omnes ex idolis ad Deum transtulerunt? Anne aliquam sibi assumebant à Palatio dignitatem? hymnum Deo in carcere, inter catenas, & post flagella cantantes? edictisq; Regis Paulus cùm in theatro spectaculum ipse esset, Christo Ecclesiam congregabat? Nerone, se, credo, aut Vespasiano, aut Decio patrocinantibus tuebatur, quorum in nos odijs confessio divinæ prædicationis effloruit. Illi manu atq; opere se alentes intra cœnacula secretaq; coeuntes, vicos & castella, gentesq; ferè omnes terra ac mari, contra Senatusconsulta & Regum edicta peragrantes claves, credo, regni cœlorum habebant? Aut non manifesta se tum

Dei virtus, contra odia humana porrexit: cum tantò magis CHRISTUS prædicaretur, quantò magis prædicare inhiberetur? At nunc, proh dolor, divinam fidem suffragia terrena commendant, inopsq; virtutis suæ Christus, dum ambitio nomini suo conciliatur, arguitur. Terret exilijs, & carceribus Ecclesia, crediq; sibi cogit, quæ exilijs & carceribus est credita: pendet à dignatione communicantium, quæ persequentium est consecrata terrore: fugat sacerdotes, quæ fugatis sacerdotibus est propagata: diligi se gloriatur à mundo, quæ Christi esse non potuit, nisi eam mundus odisset, &c. Hæc Hilarius de Antichristo jam circa annum Domini 360, magno animo publicè docuit, & admonuit. Cui sanè paternæ admonitioni nugivenda noster locum dare, & manum de tabulâ in hoc de Antichristo syntagmate abstinere debuisset: sed nec hoc facit, & insuper fabularum suarum operculum in sacrosancto Codice Biblico reperisse sese opinatur: ideò gloriatur in frontispicio scripti, Omnia S. Bibliorum autoritate se confirmasse. Quæ me impudentia movit, ut superioribus septimanis illam de Antichristo præfationem diligentius inspicerem, loca Biblica à Rapsodo compilata, corrupta atq; vitiosa in integrum restituerem; & sic in hac materia, pro tenuitate meâ, preciosum à vili discernere. Quæ quidem opellâ illud me effecisse spero, ut, quibus amor Christi cordi est, intelli-

intel'igant, Apostatam istum Papam Romanum
ab Antichristianismo nondum vindicasse: quod ut
liquidius constaret, publicæ disquisitioni hoc Exa-
men Scioppiani Syntagmatis nuper subijcere, Ad-
versariumq; in refutando & modo sequi volui, ne
quidquam, quod ad rem faciat, de industriâ omis-
sū videatur. Hæc præmittenda videbantur, Amice
Lector, Tu boni isthæc omnia consule, conati-
bus q; meis benè apprecare.
Vale.







DE ANTICHRISTO DIATRIBE

Theologica.

*Adversus quendam G. Sciop.
Romanæ Thaidis amasium & Apo-
statam.*

PROOEMIUM.

RECTè atque ordine facis,
Apostata, quod ante, quam tua
de Antichristo *μερμερλύνει* in
proscenium Ecclesiæ producis,
de ipso nomine nonnulla mones, & Anti-
christi vocem interdum propriè, interdum
typicè & mysticè accipi notas: in qua tamen
annotatione tuâ te in primo statim limine
impingere, haud abs re animadvertimus.
Primum enim ejusmodi proponis descri-
ptionem Antichristi propriè sic dicti, quæ si
vera est, parùm abest, quin tuum nobis de-
scripseris Pontificem. Is enim verè sum-
mus *Christi adversarius est & æmulus*: qui
quidem CHRISTI partes vicarias sese age-
re pro-

re profitetur, sed subdolè & proditorum in morem exercitum contra Christum conscribit; non secus ac olim Antiochus Epiphanes, Antichristi typus, tutorio nomine regnum pupilli fraudulenter invasit, Dan. II, 23. Atque hoc revera est Antichristum esse, si vocis etymon respicias, nimirum non tantum Christi adversarium, sed & vicarium ejus vocari, & nomine vicarij, Adversarium agere: Id enim præpositio *ἀντί* significat, non oppositionem tantum, sed & substitutionem, quod Grammatici sciunt; &, si res ex sacris æstimanda est, constat idem ex Luc. II, II. frustra contradicente Bellarmino lib. 3. de Rom. Pontif. cap. I. Porro si de tempore adventus quæris, utiq; negari non potest, Romanum Pontificem paulò antè *adventum Christi ad judicium* in mundi venisse: nam dominatus ejus ante Gregorij Magni tempora, hoc est, ante annum Christi sexcentesium orbi terrarum nondum innotuit; quæ sanè tempora multò magis, quam Johannis Apostoli seculum, horam novissimam appellare possumus. *Illos, qui credere noluerunt CHRISTO, signis & prodigiis mendacibus in errorem duxit Pontifex*, quod testantur tot miracula, olim historiâ Lombardicâ, hodie commentis Esavitarum descripta; *ἀντιόχος* Bennonis Magi Misnensis, in Bavariâ; Casimiri in Lituaniâ; Mariæ virginis Hal-

1. Ioh. 2.
vers. 18.

lensis in Brabantia; aliorum sanctiorum in
 Japonia. *In primis in errorem inducit Iudæos.*
 His enim synagogas permittit in ipsa urbe;
 & ut tu ipse scribis, *in Apol. cont. Hunn. cap. 3. pag.*
4. quot hebdomadis ad sacra eos COGIT, ho-
 mines nimirum Christianæ fidei expertes, &
 ad seducendum faciles, quippe superstitioni
 & idololatriæ naturâ vicinos, teste Petro Ga-
 latino, *lib. 2. de arcan. Cathol. verit. cap. 1.* Chri-
 stianos cæteros, qui Papisticam fidem non a-
 gnoscunt, excludit; quos perinde seducere
 non potest; ut nec homines suos, qui jam an-
 te non quidem seducti, sed in errore nati
 sunt. Et licet verbis non persuadeat Judæis,
 (quod in descriptione Antichristi additur) se
 esse illum, quem expectant, Messiam (hoc e-
 nim quomodo posset homo Christianæ pro-
 fessione addictus?) eandem tamen ferè beati-
 tudinem politicam eis pollicetur, qualem
 quantamq; a Messia suo expectare vix pote-
 rant. Quod si etiam attendantur ea, quæ ve-
 teres de Antichristo tradidisse scribit Bene-
 dictus Pererius Esavita l. 8. in Dan. mihi p. 445.
simulaturum illum Messiam, eaq; ratione Iudæorū
animos studiaq; rapturum; rursusq; ædificaturū
Hierosolymam, templumq; instauraturum: quili-
 bet, cui cerebrum non in calcaneis sed capite
 est, intelligit, te Pontificē vestrū insciē deli-
 neasse. Antiochū Epiphanem; Neronem ac
 Impera-

Imperatores Ethnicorum alios, Christianorum persecutores, impietate ac tyrannide sua si non superat, certè æquat: id quod Hispanicæ inquisitiones, lanienæ Gallicæ, exilia Germanica, & denique sanguis ille tot martyrum innocenter effusus prolixè docet, & propterea quotidie in cælum clamat: usque adeò bestia illa habens agni cornua & vocem draconis, fecit omnem potestatem prioris bestię, Cæsarum Romanorum, Ecclesię persecutorum, juxta vaticinium Apocal. 13, 11. unde non mentietur, qui Antiochum illum, Neronem, & tyrannos cæteros Pontificis Romani hoc in genere typum esse dixerit. Simonem Magum dona Spiritus sancti pecuniā licitari solitum testantur Acta Apostolica cap. 8, 19: hypocrisi fictitijsq; miraculis orbem terrarum dementasse, annotavit Eusebius lib. 2. histor. Eccles. cap. 1. idem facere Pontificem Romanum, cæcus est qui in tantâ luce Evangelij non videat, quod viderunt, qui in ipsâ cæcitate Pontificiâ nati & educati fuerunt, quemadmodum ex ipsorum querimonijs de Simoniâ Papæ constat, & vel sola Taxa Cancellariæ Apostolicæ locuples esse testis potest. *Largitionibus* (inquit Platina scriptor Pontificius in vita Steph. VI. & Sergij III.) *Pontificium munus quærunt & ambiunt*: & in Sylvest. III. eò Pontificatus deveniat,

*venerat, ut qui plus largitione & ambitione non
 dico sanctitate & doctrinâ, is tantum dignitatis
 gradum, bonis oppressis & rejectis, obtineret:
 quem morem utinam non aliquando retinuissent
 nostra tempora. Hypocriseos insuper & ficti-
 tiorum miraculorum exempla tam illustria
 sunt in Papatu, ut, si hoc nomine Simon iste
 Antichristi typus est, nullius magis quam
 Papæ Romani typus & antecessor esse pos-
 sit. Ebionem & Cerinthum malletm tacuif-
 ses, Apostata: neque enim adducor, ut cre-
 dam, te in omnibus ipsorum erroribus An-
 tichristi typum quærere; alioquin mirum
 ex Antichristo monstrum nobis conflabis.
 Si ergò in aliquibus; quis nobis divinabit,
 quænam ista sint? nosti quid de illis duobus
 funigantibus titionibus referat Eusebius
 lib.3.hist.cap.27.& 28. illum docuisse, omninò ne-
 cessariam esse legalem obseruantiam, quasi non
 sit salus per solam in Christum fidem: hunc verò
 inimicum esse scripturis Dei: quorum utrumq;
 qui in Papa Romano non agnoscit, Tirefia
 cæcior sit, oportet. Et hic primus est scru-
 pulus in annotatione tua de Antichristi de-
 scriptione, quem removebis nobis prius,
 quam progrediaris. Deinde aliter nobis An-
 tichristum describis ex i. Johan.2. quod sitis,
 qui negat Patrem & Filium: quam quidem
 descriptionem, si ita vis, facili negotio ad
 Roma-*

Romanum Pontificem applicabimus; qui & voluntatem Patris, & officiū Filij abnegando vel corrumpendo, & Patrē & Filium abnegavit, à cuius naturā & essentiā officium est inseparabile, quemadmodum impij, abnegando providentiam Dei, Deum ipsum abnegasse dicuntur Psal. 14, 1. Voluntatem Patris abnegavit Pontifex, quando consecutionem salutis ac vitæ æternæ non fidei sed operibus hominum adscribit, contra mentem, voluntatem ac decretum Patris æterni: *hæc enim est voluntas Patris mei, qui misit me* (inquit Christus Joh. 6, 40.) *ut omnis, qui videt Filium, & credit in eum, habeat vitam æternam.* Officiū Filij negavit; dum præter Christum sanctos etiam Mediatores & Redemptores nobis obtrudit, *cum tamen unus tantum sit mediator Dei & hominum, homo Christus Iesus, qui dedit redemptionem semetipsum pro omnibus*, 1. Tim. 2, 5. Ita in hoc quoq; loco S. Johannis Pontifex Romanus suum habet spicilegium. *Quid enim prosunt syllabæ nominis Christi, ubi resistitur fidei Christi?* inquit Augustinus tract. 53. in Johan. Attamen, ut dicam quod res est, si hic locus ad Magnum illum Antichristum referendus est, multò rectius de Orientali illo, qui est extra Ecclesiam, intelligeretur, quia S. Johannes scripsit hæc contra Ebionem & Cerinthum, qui Deitatem

tem ruij negabant, & hoc errore Mahometanis bipatentes aperiebant portas: atque sic primò de istis hæreticis, Mahometicæ blasphemix prodromis; consequenter de Mahometistis & Antichristo orientali accipitur. De illo verò Antichristo, quem Pontificij fingunt, intelligi nequaquam potest. Johannes enim loquitur de Antichristo tali, qui ex Ecclesia egressus fuit: Papicolæ verò fictitium suum Antichristum extra Ecclesiam, Babylone, ex tribu Dan, parentibus Judæis proditurum, nec baptisatum iri credunt. Viderit igitur Apostata qualem & quē nobis Antichristum hic descripserit: Nunc ad Examen Septem illorum capitum Antichristi Scioppiani accedimus.

C A P U T I.

De Tempore Adventus Antichristi.

DE tempore Adventus Antichristi tria ponuntur in hoc capite, animadversione digna. 1. Antichristum venturum in fine mundi. 2. Certa temporis istius definitio, videlicet dies 1290, seu menses 42, seu anni tres cum dimidio ante adventum Christi ad iudicium. 3. Signorum duorum notificatio: quæ sunt duo priora ex sex illis, quæ habet Bellarminus

minus lib. 3. de Pontif. Rom. cap. 4. Primum Apostata sine ulla ratione posuit. Nam ἐπιξήνησι ista quam mox addit de 1335. diebus, in secundo membro examinabitur. Hoc certum est, nusquam extare in Scripturâ (unde hæc omnis controversia dirimenda est) Antichristum in fine mundi *ven-
turum* : sed hoc constat, Antichristum paulò ante finem mundi *revelandum*, & cum jam pridem mysterium iniquitatis in occulto agitare, fraudes ejus detegendas, potestatemq; ejus imminuendam esse, donec CHRISTUS glorioso suo adventu eum prorsus è medio tollat, & in ignem æternum præcipitem agat. Ea verò revelatio jam facta est feliciter, ita ut inter alia ex hoc quoq; signo adventum Christi ad judicium præ foribus esse colligamus. Secundum membrum septem scripturæ locis probare conatur pag. 55. seqq. 1. ex Dan. 7. vers. 8. ubi de parvulo cornu dicitur, *quod Propheta illud aspexerit, donec throni positi sint*; unde Antichristi durationem usq; ad extremum judicium concludit Apostata, exceptis tamen 45. diebus : qua exceptione probationem suam tollit, & Apostolo in 2. ad Thess. 2. contradicit impudenter, ut infra audiemus. 2. ex ejusdem capituli versiculo 24, ubi de quodam rege loquitur Propheta, in cuius manu sint futuri sancti *usq; ad tempus, tempora*

tempora & dimidium temporis. 3. ex cap. 12. Dan. vers. 7. seqq. ubi eadem temporis notatio repetitur. 4. ex cap. 9. Daniel. vers. 27. ubi abominatio desolationis prædicitur in dimidio hebdomadis, hoc est, tribus annis & dimidio, sive diebus 1290. ut ipse supputat. 5. ex Apocalypsi cap. 11, 2. ubi de manipularibus Antichristi scribitur, quod civitatem sanctam conculcaturi sint mensibus quadraginta duobus. 6. ex Apoc. 12, 14. ubi de muliere, hoc est, Ecclesia refertur, quod alatur in deserto per tempus & tempora & dimidium temporis, à facie serpentis, id est, propter serpentis & Antichristi metum, interprete Apostata. 7. ex cap. 13, 5. ubi potentia Antichristi mensibus 42. terminatur.

Hæc omnia mutuatus est Apostata ex Bellarmini l. 3. de Pontif. Rom. c. 8. ubi tamē cum præceptore suo dupliciter impingit, in ἑλεγχον τῆς ἐπερωτησέως & fallaciā petitionis principij: partim quia loca nonnulla accipit de Antichristo, quæ vel ne ἔξω de eo habent, vel non nisi per typum, & quasi per transfennam ad eum respiciunt: partim quia confundit Antichristum orientalem & occidentalem: partim etiam, quia numeros illos annorum, mensium ac dierum perperam interpretatur, ut jam ordine videbimus.

Et i. quidem etsi non negamus, Antichristū

*Parvulum
cornu apud
Danielen.*

usq; ad extremum judicium duraturū : conficietur enim claritate adventus Jesu 2. Thess. 2.) tamen locus ab Apostata laudatus hoc non probat. Nam corniculum illud, de quo Daniel cap. 7, 8. nequaquam de Antichristo intelligi potest. 1. Hic enim ab ipsis Pontificijs, ut Pseudoapostolus, & sic ut persona Ecclesiastica introducitur : corniculum illud à Propheta, ut potentissimus quidam princeps secularis describitur, è decem cornibus, hoc est, è medio Principum egressurus. 2. Hic portatur à bestia seu Romana Monarchia adhuc integra & illæsà Apocal. 17, 7. imò plagam bestię illatam sanat, Apocal. 13, illud plagam infligit, & tria cornua bestię dejicit, vel, ut angelus interpretatur, tres Reges humiliabit. Dan. 7, 8, 25 3. Hic venit cum prodigijs & multis miraculis, 2. Thess. 2. illi non miracula tribuuntur, sed vis, sævitia ac blasphemia : imò Mahometh eo nomine despectus fuit ab Arabibus, quod nulla ederet miracula : quibus ille respondit; se non egere miraculis, quod eandem illam doctrinam adferret, quam olim Moses & Christus miraculis confirmarint; se verò missum esse à Deo in potestate gladij, non miraculorum. Rectissime igitur accipimus hoc exile cornu Danielis de Turcico tyranno, quem Antichristum orientalem & extra Ecclesiam regnan-

gnantem nominamus. Is enim a vili principio in ipsis imperij visceribus ortus est: exiguo temporis spacio potentia ejus crevit: tria cornua, Asiam, Ægyptum, Græciam, vel ut Hieronymo placet, Ægyptum, Africam & Æthiopiam, Imperio Romano evulsit: in omnes articulos fidei Christianæ extreme blasphemus, ita ut jam eventus, optimus vaticiniorum magister ac interpres, convincat, ea quæ huic corniculo adsignantur, non nisi de Turcico tyranno, & regni sui colluvie intelligenda esse: quem etiam ultimum fore nominis Christiani hostem novissimis temporibus, constat ex Ezech. 39. unde nihil ex hac relatione Prophetica, de parvulo cornu, concludi potest de tempore adventus Antichristi.

Negare quidem non possumus, Hieronymum super cap. 7. Daniel. Augustinum lib. 20. de civ. Dei, cap. 23. Greg. lib. 32. moral. cap. 12. & alios Patres, hoc corniculum de Antichristo interpretatos fuisse: sed auctoritatibus illis hoc in loco non movemur, siquidem scriptura non est privata interpretationis, 2. Pet. 1, 21. *Et omnis prophetia antequam habeat efficaciam, enigma & ambiguitas est hominibus*, inquit Irenæus lib. 4. contra Valent. cap. 43. *cum autem venit tempus, & evenit, quod Prophetatum est, tunc de-*

num habet liquidam & certam expositionem.
 Et Deus apud Jeremiam cap. 28. 9. *cum vene-*
rit verbum ejus, inquit, scietur Propheta, quem
mittit Deus in veritate : imo Danieli in spe-
 cie præcipitur, *ut claudat sermones suos, & ob-*
signet librũ usq; ad tempus statutum, hoc est, do-
 nec eventus respondeat Dan. 12, 4. unde mi-
 rum non est, S. Patres in expositione horum
 vaticiniorum interdum hallucinatos esse.
 Ejusdem farinae est, quod secundo loco af-
 fert ex eodem cap. vers. 24. Cohærent enim
 hæc cum præcedentibus ut interpretatio vi-
 sionis cum ipsa visione; ac proinde iisdem
 argumentis ostendimus, hic nihil prorsus
 de Utopico Papicolarum Antichristo re-
 periri, sed de Turcico tyranno loqui Ange-
 lum. Is enim posterior fuit regibus Romani
 Imperij, uno infelici partu cum Antichristo
 occidentali in oriente à diabolo in lucem
 editus: fuit etiam potentior, & humiliavit
 tres Reges, ut jam modo demonstravimus:
 sermones contra excelsum locutus est in Al-
 corano: sanctos Altissimi conterit continuis
 & catenatis bellis: putavit etiam se mutare
 posse tempora & leges, quod factum est,
 quando dies festos & Judæorum & Christia-
 norum abolevit, & peculiari quodam insti-
 tuto diem Veneris feriari voluit; inprimis
 autem, quando annos solares Ecclesiæ &

Scripturæ

Scripturæ usitatos mutavit in Lunares, quos Hegiras vocant, quorum unus est dierum 354, horarum 8, & 48, minutorum: legem Domini non mutavit tantum, sed & prorsus abjecit, & aliam huic omnino contrariam commentus est. Durationem hujus tyrannidis notavit Propheta phrasi vaticinijs Spiritus sancti planè singulari: *Sancti, inquit, tradentur in manus ejus usq; ad tempus & tempora & dimidium temporis*: quam temporis periodum Apostata eandem esse putat cum annis tribus & dimidio; diebus 1290, mensibus 42, quorum in reliquis vaticinijs fit mentio: eosq; annos menses & dies, cum Bellarmino & socijs, de vulgari temporum periodo accipit, ut ita certum tempus adventus Antichristi hinc excogitare possit. Sed hæc omnia ficta & vana sunt. 1. enim nullus potest monstrari Scripturæ locus, in quo Tempus annum, Tempora biennium præcisè significant, neque etiam אֶלְפָּא (quo vocabulo utitur Propheta) semper æquale dimidium totius significat; sed partem aliquando majorem aliquando minorem: voluit ergò Spiritus S. hæc tempora indefinitè ponere, ut temeritatem hominum in dimetiendis his mysterijs compesceret. 2. Illa periodorum Synonymia falsa est. Nam si annum intelligas Solarem, tum dies 1290, nequaquam

De phras:
tempus,
tempora, di-
midium
temporis.

constituunt tres annos cum dimidio : nam ubi annus continet dies 365, horas ferè 6. tres anni cum dimidio habent dies ferè 1228 : si mensem intelligas lunarem, quales duodecim cum diebus undecim annum Hebræorum constituuisse, autor est Johannes Lucius lib. 1. Chron. cap. 5. tum anni tres cum dimidio constituunt menses 43. cum diebus novem : ita quoque te vertas, ista annorum, mensium & dierum synonymia nulla est : dies certè planè non conveniunt : nam modò numerantur mille ducenti sexaginta Apocal. 11. modò mille ducenti nonaginta, modò mille trecenti triginta quinque Dan. 12. Quæ omnia evidenter docent, annos illos tres cum dimidio, vel tempus, tempora & dimidium temporis, quod Antichristo adsignatur in scripturâ, non de vulgari mensura temporis accipiendum esse. 3. Accedit testimonium Apostoli Pauli 2. Thessal. 2. qui scribit, jam tum suo tempore mysterium iniquitatis incepisse : ab eo vero tempore anni vulgares plusquàm mille quingenti quinquaginta effluerunt. 4. Denique juxta hunc Pontificiorum computum expeditum esset scire diem novissimum, quod à CHRISTIANIS alienum esse dicit salvator Matth. 24. Mar. 13. Actor. 1.

Proinde, quæ de mille annis, quibus ligatur

gatur diabolus Apocalip. 20, scribit Apostata noster pag. 79. & 80. *hic mille anni* (inquit) *vocantur totum illud tempus, quod est à CHRISTI adscensione ad finem usq; mundi, numerus certus pro incerto: quod si expressisset numerum, potuisset certò dici dies extremi iudicii*: eadem sibi quoq; in hac quæstione de trib. annis & dimidio responsi loco habeat. Nam cum sanioribus Ecclesiæ doctoribus statuimus, in illis temporum periodis *vel* tempus certum pro incerto poni, & tempus certum quoad numerum non quidem exprimi; esse tamen aliquod, tacitè insinuari: *vel* annos & menses magnos ac angelicos, quos vocant, intelligendos esse, quorum singuli tot annos ac menses complectuntur, quæ alioquin dies, quod insinuasse videtur Dominus illo Ezechielis cap. 4, 6. *diem pro anno dedi tibi*: quemadmodum etiam septuaginta septimanæ Danielis ab omnibus intelliguntur de septimanis annorum. Neque vero huic interpretationi obstat, quod ex Bel-lar. obijcit Apostata de brevissimo tempore imperij Antichristiani, quod ex Apocal. 12. vers. 12. planum esse indicat pag. 57. Nam quis iussit Apostatam brevissimum illud tempus ad certos & definitos annos ac menses temerè restringere? Breve sanè erit Antichristi dominium in Ecclesia, respectu

ipsius Ecclesiæ, cujus regnum & altius habet initium, & in æternum durabit : breve etiam, respectu Dei, in cujus oculis mille anni sunt instar hesternæ diei 2. Pet. 3, 3. breve, pro consuetudine scripturæ, quæ horam novissimam & tempus ultimum vocat spacium aliquot seculorum, ut ex epist: 1. Johan. cap. 2, 18, & Apostolo Paulo 1. Cor. 10, 11. constat : breve deniq; est, quia abbreviabuntur dies, propter electos, dicente Christo, Matth. cap. 24, 21. neq; pro lubitu grassanti Antichristo frena laxabuntur, quam diu ipsi visum fuerit. Ita brevitatis illa temporis, Antichristi regno adsignata in scripturâ nihil quicquam facit ad tres annos & dimidium Antichristi, sed fit à Pontificijs ex illa modici temporis notatione absurda à non distributo ad distributum collectio : multò sanè rectius D. Aug. in 1. Ep. Johan. qui novissimam horam S. Johannis non de certis horis aut annis, sed *de ultimâ ætate* interpretatur, quæ Bellarmino fatente, non paucos annos, sed totum hoc tempus à Christo usq; ad finem mundi complectitur.

Deinde inutilis & inutilis est instantia Bellarmini, qua scribit, *hebdomadas, quidē annorū dici, sed non menses aut dies annorū : quia sicut septem dies dicuntur hebdomada dierum, ita septem anni hebdomada annorum : mensem autem anno-*

rum

*rum vel diem pro anno nusquam legi, nam mens-
sem non denominari à numero aliquo, sed à cursu
Lunæ, qui xxx. diebus absoluitur. Hæc Bel-
larm. lib. 3. de Pontif. Rom. cap. 8. Hic non
multum immorabor in refutando eo, quod
absq; discriminine mensem 30. diebus absol-
vi scribit. Quod si de mensibus Hebræorum
intelligit, refutatur ab ijs, qui de anni Hebræi
ratione scripserunt, docueruntq; , Hebræos
ufos esse mensibus inæqualibus, quorum u-
nus triginta, alter viginti novem dies habuit.
Si de mensibus in genere loquitur, didicisse
debuit ex Ludovico vive, qui refert in lib. 15.
de civ. Dei cap. 10. menssem dupliciter consi-
derari posse, vel de spacio temporis, quo Lu-
na discedit & redit ad idem punctum, quod
fit diebus 27, vel dum solem, percurso signi-
fero circulo, consequitur; idq; fit diebus un-
de triginta, horis duodecim, & minutis qua-
draginta quatuor. Ex quibus constat, illam
30. dierum mensuram Bellarmini figmen-
tum esse. Sed ad rem ipsam accedamus.
Quod igitur ex præcepto divino expressè di-
citur de annorum hebdomadibus Levit. 25,
8. sciat Esavita, hoc de mensibus ac diebus
annorum colligi ex eventu vaticiniorum,
qui optimus & certissimus est Prophetarum
interpres; colligi, inquam potest: nam invi-
etâ dñi dei q̄ nos destitui in his mysterijs, quo-
rum*

*Vide Lala-
mantium de
anni He-
bræi ratios
ne. Pag.
63.*

*Vide etiam
Christia.
Adricho-
mium in
præ at.
chronici sui,
p. 191.
theatri
terra sancta*

Rob. Ab.
bat. in da-
monstr. An-
tichr. cap.
8. ex ioh.
Exo.

rum *אֶלֶּיָּהוּ* Deus sibi reservavit, nō diffite-
mur. Sanē nō desunt, qui mēses istos per Sab-
bata numerant, prout hebdomadæ Danielis
per sabbata computantur. Quemadmodū .n.
mensis apud Hebræos propter noviluniū ab
innovatione nomē habet; & septimus dierū
& annorum numerus apud eosdem reb. inno-
vandis destinatus erat, ut constat ex Exo. 20,
12: 21, 2. Lev. 25, 4. Deut. 15, 1: ita ad hebdoma-
das annorū etiam menses renovari posse pu-
tant, ita ut mensis quisq; sabbatum annorum,
h. e. septem annos complectatur: quam qui-
dem opinionē suo loco relinquimus. Ex nu-
mero autem horarū diem, ex numero dierū
mensē colligere (quod facit Bellarminus)
in scripturā valde lubrica est ratio: quia &
mensis dierū legitur pro integro mense Gen.
29, 14. & mensis pro quovis tempore, Job. c.
29, v. 2. Sic & dies interdum significat integrū
annū, quemadmodū illud exponitur, 1. Sam.
27, 7. *fuit numerus dierum, quib. habitavit David
in regione Philistinorū dies & menses quatuor*, h.
e. annus integer cum quatuor mensib. Neq;
verō necesse est, fingere, quod fingit Bellar-
minus, Ezechielem c. 4, 6. per annos integros
390. dormivisse super latus sinistrū, quia dixit
D E U S, diem pro anno dedi tibi: sed dies illi
somnia Ezechielis respondebant totidem an-
nis, quibus Judæi sub Regibus suis peccave-
rant.

rant, atq; sic dies pro anno erat, dicente Domino, non ut per tot annos, quot essent dies, dormiret Propheta; sed ut tot annorum peccata tot diebus repræsentarentur: erat enim visio, non viva rei gerendæ actio. Et si igitur & annos & menses illos angelicos tam exactè supputare non possumus, ut calculus præcisè respondeat ijs rebus, quibus describendis ista temporis notatio adhibetur: tamen sufficiat hoc, quod evidentia rei monstrat, tempora isthæc propriè sumi non posse in illis vaticinijs, quorum eventus alium omnino calculum requirit: alioquin dies & annos in his mysterijs præcisè supputare prohibemur interdicto divino, eò quod Deus suæ potestati eos unicè reservatos voluit, Act. 1, 7. Adde, quod Pererius Esauita lib. 15. in Dan. pag. 915. illos tres annos cū dimidio secundū literā non intelligit; sed dicit addendos insuper esse dies decem: sed & hoc absurdum est. Nam de ista additione nihil habet Scriptura; & tres illi anni cum dimidio non constituunt 1290, sed 1260. dies, si mēsis est dierū 30, quod vult Bellarminus. Ex his, quæ jam dicta sunt, quilibet intelligit, locos cæteros ab Apostata laudatos (quorū plerosq; de Antichristo loqui concedim⁹) nihil facere ad probandū certum & determinatū tempus adventus Antichristi, quod præcisè annorū triū cū dimidio
ante

ante novissimum judicium fore fingunt, ut nihil dicam, quod hoc adseverare nimis sit temerarium, & ipsis quoq; Pontificijs probatu impossibile. Fieri enim non potest, ut Utopicus iste Antichristus res tam varias, tam miras, tot hostium strages; tot regnorū victorias; tam præclaram sui notitiam inter Judæos in orbe universo; Hierosolymæ, urbis tam amplæ ædificationem, tot religionum omnibus in locis innovationem, & nescio quæ alia, quæ deprædicare solent Papi-colæ, tantillo temporis spaciolo expediret. Valeant igitur nugæ istæ, in quibus tamen non exiguum causæ suæ momentum locavit Adversarius: jam ad duo illa signa progredior, unde probare voluit, Antichristum illum magnum, in cujus tamen sinu ipse hæret, nondum advenisse.

Pag. 44.

De prædicatione Evangelij in universo mundo.

Pag. 54.

57.

58.

Unum signū (inquit) est, cū Evangelium fuerit in universo orbe omnibus gentib. prædicatum, per certos & præsentēs ministros, nō per auditionē aut famam, &c. Sed certum est (addit) hodie q̄ plurimas & copiosissimas esse gentes, ad quas Christi nomen fortē ne rumore quidem aut fando unquam perlatum fuerit. Signi hujus certitudinem demonstrare conatur 1. ex cap. 24. Mat. Prædicabitur hoc Evangelium regni in universo orbe in testimonium omnibus gentibus, & tunc veniet consummatio, 2. ex Psal. 2. Postula à me, & dabo

& dabo tibi gentes hereditatem tuam, & possessionem tuam terminos terræ: & huc congerit testimonia de vocatione gentium ad Ecclesiam; ut Psal. 71. (in Hebræo est 72.) vers. 8. & 9. Zach. 10, 11. Soph. 2, 11. Malach. 1, 11. Hæc omnia tantum non de verbo ad verbum ex Bellarmino exscripsit, quibus tamen nihil quicquam ad institutum proficit. Nam fundamentum reliquorum dictorum ferè omnium est locus, Matth. 24, 14. quem, si diligenter inspiciamus, apparet ab Apostata male fuisse lectum & intellectum. Nam quod ille de consummatione seu fine mundi tantum accipit, hoc ex textu liquet, de consummatione seu excidio partim urbis Hierosolymæ, partim totius universi accipiendum esse: de utroq; enim discipuli interrogaverant versiculo 3. Eat igitur nunc & vanitatis aut mendacij arguat hoc Christi vaticinium, si ante devastationem Hierosolymitanam non in omnibus mundi angulis, omnibus omnino gentibus in individuo Evangelium prædicatum fuerit. Deinde monstret nobis, quæ & ubi sint illæ plurimæ & copiosissimæ gentes, ad quas Christi nomen fortè ne rumore quidem aut fando UNQUAM perlatum fuerit. Certè ante, quam excinderetur Hierosolyma à Romanis, quod quadraginta ferè annis ab adscensu CHRISTI in cœlos factum esse constat;

constat; prædicatum fuit Evangelium ab Apostolis omnibus gentibus in quatuor orbis partibus disseminatis, teste Apostolo Paulo Rom. 10. 18. *Nunquid non audierunt? siquidem in omnem terram exiit sonus eorum, & in fines orbis terræ verba eorum:* & in universo mundo fructificare & crescere Evangelium scripsit ad Colloſſenſes cap. 1. versu 6.

Ad hoc enim erant a Christo missi, Matth. 28, 19. Aut igitur mandato Christi non satisfecerunt Apostoli, & sic negligentiae accusantur: aut mandatum Christi contra expressam literam, non ad omnes omnino gentes pertinuit, sed Christus aliquib. Evangelium prædicari noluit; quod esset Christum Dominum cum Calvinianis detestandæ hypocriseos & inaudite prorsus inhumanitatis arguere. Eligat utrum velit Apostata, utroque maleferiatus Christi & Apostolorum Aristarchus reperitur. Ad hoc etiam, ut omnibus gentibus prædicarent Evangelium, erant a Christo testes vocati Apostoli, Actor. 1, 8. ad hoc denique eos veluti mundum inter se distribuisse, traditur, ita ut Thomas & Bartholomæus Orientem; Simon & Matthæus Meridiem, Philippus & Thaddæus Septentrionem; Matthias & Jacobus minor Mediterraneas regiones, Johannes & Andreas provincias maritimas; Petrus & Jacobus ma-

jor

jor Occidentem, Paulus denique totum mundum peragraret.

Vnde est illud vel in primis *μνημόνευτον*, quod Tertullianus adversus Judæos confirmat, *credidisse Christo Getulorum varietates, & Maurorum multos fines, & Britannorum inaccessa Romanis loca, & Sarmatarum & Dacorum & Germanorum, & Scytharum, & abditarum muliarum gentium & provinciarum & INSULARVM MULTARVM NOBIS IGNOTARVM, & quæ enumerare non possumus.* Cum quo consentit Hieronymus in cap. 24. Matth. Non puto, inquit, aliquam remansisse gentem, quæ Christi nomen ignoret. Ubi ergo tuum illud certum est, Apostata, plurimas & copiosissimas remansisse gentes, quæ ne fando quidē unquam aliquid de Christo audiverunt? Testantur Apostolorū Acta, quam felici successu Apostolus Petrus viris religiosi ex omni natione quæ sub cælo erat, Evangelium prædicaverit Actor 2, 5. quomodo postea aliam quasi coloniam Ecclesiæ per totam Judæam, Galilæam & Samariam duxerint, Actor. 9, 21. 8, 1. 11, 13. Quomodo Philippus non tantum multis oppidulis Samariorum, sed & Æthiopi; & deniq; pertransiens cunctis civitatibus a Gaza ad Cæsaream usq; Evangelium prædicaverit, Actor. 8, 5, 25, 26, 39. Quomodo solus Paulus cum paucis

paucis locijs, peragratâ Pamphiliâ & Pisidiâ,
 Antiochenâ, Iconiensem, Lystrensê, Derbe-
 nensem, Pergensem Ecclesiâ fundaverit, Act.
 13, quomodo Evangelium prædicaverit in
 Phrygia, Galatia, Mysia, Macedonia, Achaia,
 Græcia, Italia, Actor. 16. seqq. unde & ipse
 scripsit, se prædicasse ab urbe Hierosolyma
 per circuitum ad Illyricum usq; Rom. 15, 19.
 & quidem ijs in locis, ubi nondum nomina-
 tus fuerat Christus vers. 20. Quo nomine
 Theodoretus Apostolo Paulo hoc testimo-
 nium perhibuit, quod ipse cum cæteris Apo-
 stolis ad legem Evangelicam non Romanos
 solum, & qui sub Romano viverent Impe-
 rio; sed Scythas quoque & Sauromatas, In-
 dos, Æthiopas, Persas, Seres, Hyrcanos, Bri-
 tannos, Cimmerios, Germanos, denique o-
 mne genus hominum, & omnes nationes
 induxerit. Et si verò non omnes omninò per-
 reptarunt mundi angulos, vicos aut pagos;
 sufficit tamen ad complementum vaticiniij
 CHRISTI, peragrasse ipsos quatuor orbis
 partes, & quidem summâ cum diligentia E-
 vangelium, quâ voce, quâ scriptis, in ijs præ-
 dicasse, unde profectò non tenuis quædam
 auditio (quam Apostata vocat) sed illustris
 de CHRISTO fama insonuit & innotuit
 gentibus, quam quia pleræq; admittere no-
 luerunt, inde factum est, ut nulla vel Dei cul-
 pâ, vel

pa, vel Apostolorum & virorum Apostolico-
 rum negligentia, sed propria partim ignavia,
 partim contemptu prædicatione Evangelij
 hodieque destituantur, & sic nihilominus Ev-
 angelium de Christo vel sibi vel majoribus
 prædicatum, habebunt in testimonium con-
 tra se, ut sint ἀναπολόγητοι in novissimo die,
 quod consilium Dei adversus seipso adspers-
 nati fuerint. In horum autem gratiam Deus
 novum aliquod (quod Papicolæ expectant)
 vaticinij Christi complementum haudqua-
 quam instituet. Eodem prorsus modo hoc
 vaticinium explicat D. Chrysostomus, qui il-
 lam Evangelij prædicationem consumma-
 tionem Hierosolymorum antegressam clarè
 & præclare docet hom. 76. in Matth. his ver-
 bis. *In universo orbe prædicabitur, inquit, Evan-
 gelium hoc in testimonium omnibus gentibus, &
 tunc veniet consummatio: consummatio scilicet
 Hierosolymorum. Quod enim sicut prædixit, vel
 ante Iudæorum urbis eversionem per mundum
 Evangelium effusum erat, Paulum audi: In o-
 mnem terram exiit sonus eorum, & rursus, à
 spe Evangelij quod audistis, quod prædicatum est
 in universa creatura, quæ sub calo est. Et videas
 eum in Hierosolymis ad Hispaniam usq; curren-
 tem. Quod si unus in tanta parte orbis prædica-
 vit, cogita, quid à reliquis factum fuerit. Sed &
 alibi Paulus de Evangelio scripsit, quod fructum*
 D ferat,

ferat, & crescat in omni creatura, quæ sub cælo est. Quid autem est, in testimonium omnibus? ubiq; inquit, prædicabitur, sed non omnes ubiq; credent. In testimonium autem non credentibus ubiq; prædicabitur; hoc est, in redargutionem, repræhensionem & testimonium. Nam, qui crediderunt, adversus incredulos testabuntur, & condemnabunt eos; idcirco posteaquam Evangelium in universo orbe prædicatum fuerit, Hierosolyma evertetur, ut nec umbra excusationis ingratis relinqueretur, &c. Hæc Chrysostomus, cum quo consentit Hilarius in cap. 24. Matth. & Theophylact. in cap. 13. Marci. Proinde, ad impletionem vaticinii CHRISTI non necesse vel fuit ante excidium Hierosolymitanum, vel etiamnum est ante consummationem mundi, ut Evangelium per proprios prædicatores, ut Bellarminus loquitur) seu ut Scioppius interpreta- tur, per vivam prædicatorum vocem ad omnes omnino gentes deferatur, ut sit ipsis in testimonium: potest id fieri scriptis doctorum Evangelicorum, quæ nunc per Dei gratiam instar Angeli illius Apocalyplici Apoc. 14. per mediū cæli volant, & satis illustrē de CHRISTO famam spargunt etiam apud infideles, quorum multi hoc medio conversi suum de Christo testimonium sanguine obsignarunt; cæteri verò verbum vel lectum vel auditum in testimonium habent contra seipsos, quod dilectam

dilectam veritatem recipere nolentes, hæreditate CHRISTI ex gentilitate colligenda suapte culpâ exciderunt. In hanc sententiam scribit Ambrosius in epist. ad Rom. cap. 10. super illa Psalmi verba: In omnem terram exivit sonus eorum: Quod Psalmographus, ait, de creaturis dixit, hoc Apostolus de Evangelistis: quia ubiq; audita est & in omnem locum pervenit prædicatio nominis CHRISTI. Vbi enim prædicantis hominis præsentia defuit, sonus tamen & fama pervenit, sicut pervenerat opinio factarum virtutum in Ægypto ad omnes gentes, teste Rahab meretrice, &c. Et hæc de primo signo Sciopiani Antichristi.

Alterum signum, inquit, est excidium & eversio Romani nominis & imperij, cuius ne vestigium quidem ullum sit reliquum. Exploratum enim certissimumq; esse, quidquid unquam Romani imperij ac ditionis fuerit, à decem Regibus occupatum & divisum iri, qui hostilibus animis etiam memoriam Romani nominis perimere & extirpare conentur: idq; sic volente & dirigente DEO, qui eosdem postea Antichristi imperio subiici patietur, ut ita non à suis, sed alienis viribus, à Romano scilicet imperio per decem Reges ad se translatis Antichristi fortitudo roboretur.

Hæc est jucunda Bellarmini *quæstia* lib. 3. de Rom. Pontif. cap. 5. cui suum quoq; addit

Pag. 45.

De excidio
imperij Tur-
cici & Ro-
mani.

in *ἀποστασία* *μὴ* *ἔ* Apostata noster, probabilem &
 tantum non certam esse opinionem, Turcicum im-
 perium ante tempora Antichristi penitus extin-
 ctum, terramq; sanctam rursus à Christianis occu-
 patum & secure habitatum iri. Utrumq; ho-
 rum est falsissimum, cujus contrarium ex
 scripturis ad oculum demonstrari potest.
 Nam prius quod attinet, Bellarminus ipse fa-
 tetur, successionem quatuor regnorum fore
 usq; ad finem mundi lib. 3. de Rom. Pont. cap.
 5. in primis autem testatur Daniel cap. 2, 35.
 quartam Monarchiam, hoc est, imperium
 Romanum, duraturum, donec lapis ille de
 monte sine manibus avulsus percutiat statu-
 am in pedibus ejus ferreis & fictilibus, &
 comminuat eos; quibus verbis quartæ Mo-
 narchiæ verus describitur interitus: & donec
 idem ille lapis excrescat in montem, totumq;
 orbem terrarum expleat, & regnum incoet
 æternum: quod non nisi perpetuæ duratio-
 nis est descriptio, donec nimirum alterum il-
 lud æternitatis seculum post finem mundi in-
 coetur. Posterius adfirmatum Apostata ipse
 probabilem tantum opinionem nominat, nos o-
 mnino falsam appellamus. Nam Turcam
 ante tempora Antichristi, sive veri sive Uto-
 pici istius quem Pontificij fingunt, penitus
 extinguendum esse, ostendat prius, quam
 hanc opinionem ut *tantum non certam* Eccle-
 siæ

ſiæ CHRISTI obtrudat. Nam Turcicum
 imperium eo tempore demum cepiſſe, quo
 verus ille, ex ſententia Gregorij Magni Anti-
 chriſtus, hoc eſt, Oecumenicus Episcopus in-
 notuit, ex historijs conſtat. Tunc temporis
 enim cum Mahumetes magnam futuri im-
 perij Turcici potentiam ex vili principio de-
 duceret in oriente; interim in occidente, pro-
 curante Phoca Cæſaricida Bonifacius III.
 Pontifex, univerſalis Episcopi titulum ſibi ar-
 rogavit, quem qui ambiret, Antichriſti præ-
 cuſſorem vocavit Gregorius epist. 30. lib. 6.
 unde ſequitur, qui eum non tantum ambit,
 ſed uſurpat, Antichriſtum eſſe. Deinde po-
 ſtremum Eccleſiæ hoſtem in hoc ſeculo fore
 Turcicum tyrannum, aperte colligitur ex E-
 zech. 39, 7. & Dan. 7, 9. Simili ſutilitate nititur
 illud de Terra ſancta recuperandâ, & Hiero-
 ſolymâ reſtaurandâ. Hoc enim impoſſibile
 fore, expreſſe prædixit Propheta Daniel cap.
 9, v. 27. ubi, interprete Chriſto Matth. c. 24, 15.
 de ultimâ deſolatione templi loquitur, eam-
 que ad finem perfeveraturam prædixit. Et ad-
 huc clarius de ſecunda templi devaſtatione
 vaticinatur Dominus apud Jeremiam cap. 19,
 11. *Sic conteram populum iſtum & civitatem iſ-
 tam, ſicut conteritur vas figuli. QUOD NON
 POTEST ULTRA INSTAURARI.* Om-
 nium autem clariffimè, Eſa. 25, 2. *Posuiſti ci-*

vitatem in tumultum, urbem fortem in ruinam, domum alienorum; ut non sit civitas, ET IN SEMPERNITERNUM NON AEDIFICABITUR. Unde illud Hieronymi in Jeremiam lib. 4. cap. 19. *Civitas Hierusalem in aeternos cineres collapsa est.* Veritatem horum vaticiniorum luculenter comprobavit eventus, quando Judæi tempore Hadriani & Constantini Magni Impp. in primis autem Juliani Apostatae opibus adjuti templum & urbem restaurare tentaverunt, sed partim armis Romanorum, partim etiam ardentibus flammarum globis repressi ab instituto destiterunt, qua de re videatur Socrates lib. 3. hist. Eccles. 17. Euseb. lib. 4. hist. cap. 6. Sozom. lib. 5. cap. 22. & Chrysost. homil. 2. cont. Jud. deinde, quando Christiani principes, duce Godefrido Billionæo Principe Lotharingæ, instigante Hellebrando Pontifice Romano, qui se Gregorium VII. vocabat, & alijs Papis, magnum exercitum in Palæstinam deduxerunt sub prætextu de sepulchro Domini à tyrannide Turcica vindicando; sed quam omnino infraudem vaticiniorum divinorum, horribilis virorum tam præstantium clades contestata fuit.

Ex his igitur omnibus futilitatem utriusque figmenti Scioppiani reiectam esse iudico: prius tamen illud de everfione Rom. Im-

perij ex scripturis deducere audet. Et i. quidem ex Dan. 2, 40, ubi Romanum Imperium comparatur tibijs, quibus digiti sint decem, partim ferrei, partim fictiles, hoc est, decem reges, alij alijs potentiores. Ad quod testimonium addit Apostata: *Sicut, ubi pedum digiti incipiunt, ubi nihil amplius de cruribus seu pedibus reliquum est; ita cum decem illi Reges erunt, iam Romanum imperium penitus deletum fuerit.* Hæc ille. Ubi primum hoc notari velim, Prophetam nihil habere de D E C E M digitis, sed hoc de suo addit Apostata: alioquin, quomodo inclinante quarta Monarchia, regna R. Imperij alia alijs fortiora & debiliora facta fuerint, experientia comprobavit. Deinde, si glossa Scioppiana vera est, vaticinium hoc jam pridem suam veritatem consecutum est. Nam Gothi potuerunt esse illi decem reges, conjurati in urbem Romam; quam & aliquoties ceperunt, & Totilas, unus ex ipsis, tandem eam incendit, & ex *ῥώμη πόμω* fecit, ex Româ ruinam & vicum, circa annum Christi 550, à quo tempore Romanum Imperium pristinam suam dignitatem recuperare non potuit, donec Leo III. Pontifex Rom. circa annum Christi 797. Imperij tandem, Roma applaudente, coronam imposuit Carolo tantiq; insignia regni, ut Mantuanus de hoc facto cecinit: idque factum est juxta vaticinium Apo-

cal. 13, 15. ubi de Antichristo scriptum est, datum ei esse, ut daret spiritum imagini bestiae, hoc est, ut reviviscere faceret Imperatores Ethnicos: quod sanè accidit, quando Papa Imperium ex oriente transtulit in occidentem ad Carolum Magnum Francorum regem, in quo nonnihil illud respirare cepit. Et hoc istius vaticinii complementum agnoscit etiam Pererius Esavita lib. 2. in Dan. p. 123. ubi ex Hieronymo annotavit: Imperium Romanum fuisse ferreum, serè usq; ad irruptionem Gothorum & aliarum gentium barbararum in Romanam ditionem, posthac autem factum esse terreum, quippe tum maiorem in modum Romani Imperij majestas deformari, diminui amplitudo, potentia debilitari cepta est.

Ibid.

At, inquis, habemus etiamnum (Deo gratia) Romanum Imperatorem tam re, quam nomine, eumq; tanta dignatione & autoritate, ut ne potentissimus quidem Hispaniorum & Indiorum Monarcha eum ut superiorem (quomodo autem, nisi quia Romanus Imperator? nam Regi Germaniae quid est, cur tantus Rex cedat?) colere dubitet: ipsi etiam Lutherani Principes, sacri Romani Imperij Electores & Principes se appellari gaudent.

Sed esto, habeat Romanus Imperator apud Regem Hispaniorum & Principes Germaniae summam dignitatem, quam etiam ut diu habeat,

habeat, precamur: quod si tamen rem recta lance appendamus, non nisi titulari quadam potestate eam habet, permittente Papa; atque sic profecto nudo nomine magis, quam re *Romanus* Imperator est. *Romani majestas populi*, inquit Aventinus lib. 7. annal. *qua olim orbis regebatur, sublata est de terris*. Nam urbem imperij Romam non Imperator, cui ea jure debetur, sed Pontifex Romanus habet, clamante Adriano Pontifice apud Aventinum lib. 4. annal. *Urbs Romana nostra est, non Imperatoris*. Sublata igitur Româ ab Imperio, Romanum sanè imperium non nisi nomine est. Imperatorem olim colebant ut hominem à Deo secundum, solo Deo minorem, dicente Tertulliano in Apolog. cap. 30, jam iste honor cessit Papæ, cui & ipse Imperator imperij sui dignitatem aditurus supplex fieri cogitur. Imperatores olim concilia convocabant, & supplices habebant ipsos Pontifices; ut ex procemio lib. 5. Socratis & epistola 9. Leonis constat: hodie inversa rerum facies est, & omnis hæc sive potestas sive dignitas ab Imperatore ad Pontificem translata. Cumq; olim sub potestate urbis orbis imperium remansisset, teste Orosio lib. 1. hist. cap. 1. hodie vix tenuis quædam umbra magni corporis, Imperij nimirum Romani, restat, dicente Sleidano in lib. de quatuor Monarch. Sum-

ma, habemus hodie non merè Romanum, sed Romano germanicum imperium, cujus potentia proh dolor, nimium quantum imminuta, & imperium verè Romanum commutatum est de temporali in spirituale, ut scripsit olim Thomas in 2. Thessal. 2. hoc est, ab Imperatoribus Romanis ad Pontifices devolutum. Gaudent igitur Principes Germanici appellari Electores ac Principes Romani Imperij, quia nullam aliam subsequendam Monarchiam ex Daniele sciunt, idcirco hac exigua veluti umbra veteris Imperij contenti sunt.

Sed progrediamur in probationibus Apostatae. Secundo igitur loco adfert locum illum classicum de Antichristo ex 2. Thess. 2. ubi dicitur, diem Domini non venturum, donec veniat discessio, hoc est, interpretante Adversario, *universalis defectio ab Imperio Romano*: & donec reveletur homo peccati, qui in templo Domini sedebit, hoc est, secundum glossam Scioppij, *in templo Hierosolymitano; in novo enim Testamento Templi vocem nunquam aliter usurpari*: quicq; jam mysterium operetur iniquitatis, nimirum, si credimus glossæmati Scioppiano, *in typo Nerone, Simone Mago, alijsq; hæreticis, qui sunt typici Antichristi*. Et addit Apostolus; tantum, qui nunc tenet, teneat: glossam addit Apostata: *nempe status Romani Imperij,*

De Ieca
Pauls, 2.
Thess. 2.

Reg. 54.

Imperij, qui nunc rerum potitur; donec de me-
dio fiat, inquit Apostolus: id est, inquit Apo-
stata, donec Imperium Romanum prorsus tollatur
& extinguatur. In his scholijs Apostatae qua-
 tuor inprimis depravationes loci Apostolici
 depræhendimus, animadversione dignas. 1.
 quod illam discessionem de generali defecti-
 one ab imperio Romano intelligit. Nam vo-
 cem *ἀποστασίας* in N. T. de defectione a munda-
 no Imperio usurpatam vix monstraverit: in-
 telligit igitur Apostolus *ἀποστασίας* de recessu a
 fide Catholica, interprete Lyra super hunc lo-
 cum, & Adrichomio in Chron. f. 285. quem-
 admodum simili ferè modo in 1. Timot. 4.
 multi dicuntur discessuri à fide: unde non
 ineptè colligunt aliqui (inter quos & Bellar-
 minus est lib. 3. de R. P. cap. 2) Antichristum
 ipsum hic abstractà voce nominari Apostasi-
 am, non Apostatā, propter excellentem illam
 defectionem, quam sub regno Antichristi fu-
 turam, prædixit Apostolus. 2. Quod tem-
 plum DEI interpretatur de templo Hiero-
 solymitano, & vocem hanc in N. T. nu-
 spiam aliter usurpari audacter adfirmat.
 Falsissimum est utrumque. Nam si ex hy-
 pothesi Pontificiorum venturus est An-
 tichristus annis demum tribus & dimi-
 dio ante CHRISTI adventum ad judi-
 cium, utique in templo Hierosolymitano
 sedere

sedere non poterit; id enim jampridem destructum & in sempiternum non restaurandum esse, constat ex vaticinijs supra allegatis. Et scribit hæc Apostolus Thessalonicensibus, quos sanè non ex Græcia in Judæam ablegat, sed ad Ecclesiam, quam domum Dei viventis appellat, 1. Tim. 3, 15. Falsissimum autem est & ferula dignum, quod scribit iste Theologorum Aristarchus, in N. T. Templi vocem **NUNQUAM ALITER** usurpari, quam de templo Hierosolymitano. Itane verò homines etiam Christiani templum quoddam erunt Hierosolymitanum? nam illos Apostolus Paulus aliquoties templum Dei vocavit 1. Cor. 3, 16, 17: 6, 19. 2. Cor. 6, 16. Et annon Ecclesia expressè templum Dei nominatur, Apoc. 3, 12: *qui vicerit, faciam illum columnam in templo DEI mei*: num fortasse martyres columnæ erant templi Hierosolymitani? & annon cœlestis nostra patria sedes beatorum, templum Dei appellatur Apoc. 7, 15, imò Deus ipse templum vocatur cœlestis Hierosolymæ, Apoc. 21, 22. Viderit igitur Apostata, quo detruserit ipsum tam temeraria audacia, quasi templi vox in N. T. nunquam aliter usurpetur, semper significet templum Hierosolymitanum. Sed condonandum hoc est rudi discipulo, qui hæc ex Bellarmino didicit, & nimis facile credidit. Abeat igitur uterq;

Bellarmino.
lib. 3. de
Roman.
Pontif. cap.
12.

uterq; & sepeliat glossam suam in scrinio Pa-
 pæ: nos in dicto Apostolico per templum
 Dei in quo sessurus est Antichristus, Ecclesi-
 am intelligimus; in cuius medio dominatur
 ille, ut Deus quidem terrenus, in omnes crea-
 turas sibi potestatem vendicans; ut alibi de-
 monstratum fuit. Et ita nos sentire docuit
 Theodoretus in 2. ad Thessal. 2. *Dei templum*;
 ait, *Apostolus appellavit Ecclesias, in quibus pri-
 mam sedem arripiet Antichristus.* Et Oecume-
 nius in eundem locum: *Non dicit templum,*
quod erat Hierosolymis, sed Ecclesias Dei. Videat
 etiam Apostata, quid hac de re scripserint
 nonnulli doctores Pontificij, Thomas in
 eundem locum, & Johannes Ferus in cap. 24.
 Matth. 3. Tertia glossa Apostatæ est, quod
 Antichristum Apostoli Pauli tempore *in typo*
 mysterium iniquitatis operatū esse scribit. Id
 quod etiam ex Bellarmino mutuatus est, qui
 Antichristum non in propriā persona, sed in
 præcursoribus notari scribit. Sed est manife-
 sta textus Apostolici falsatio. Nam i. loquitur
 Apostolus de Antichristo *revelando*: ergo
 jam tum in propria personā eum adfuisse, cer-
 tum est, alioquin revelari non potuisset; nisi
 Antichristum in typo seu præcursoribus suis
 revelandum esseingas. 2. Adscribit etiam
 Antichristo *ἐνεργῶν*. *ἐνεργῶν* autem sine persona
 proprie *ἐνεργῶν*, eaq; nondum in rerum na-
 tura

turâ existente, ne quidem cogitari potest. 3. Præterea non de mystico vel typico Antichristo, qui omnibus jam notus erat, sed de vero Antichristo, adhuc revelando & omnibus notificando vaticinatur Apostolus. 4. Et deniq; epistolam illam suam ad Thessalonicenses ante tempora Neronis scriptam esse colligitur ex Præfatione Theodoretî in Epistolas Pauli: quomodo igitur sub Neronis typo Antichristum potuit describere? Ergo & hæc strophæ textus Paulini frivola & inanis est. 4. Pergit Apostata obscurare, si potest, illustrem illam lucem dicti Apostolici, quando nimirum illud (*donec è medio fiat*) de plenaria Imperij Romani abolitione vult intellectum; sed contra expressum vaticinium Danielis cap. 2, 35. de quo supra. Potentiam quidem majestatem ac terrorem Romani Imperij graviter imminui & tantum non everti oportuit, ut Antichristus viam inveniret, qua perficiat libere & impune pro sua cupiditate, quæcunq; velit: Sed Imperium & dominatio ipsa non omnino erat auferenda: nam præter quartam Monarchiam Romanorum nullam aliam subsequituram credere nos jubent divina oracula. Hoc enim erat quod detinebat manifestam tyrannidem Antichristi adhuc in occulto latentis, terror nimirum Romani Imperij, potentia & magnitudo ejusdem, ea è medio

medio tollenda erat, manentibus utcunq; ruderibus quibusdam alicujus imperij, cujus tamen nullus terror est apud Antichristum. Nam donec imperij illius timor fuerit, nemo Antichristo statim subdetur: eo verò sublato paulatim e latebris prodijt ejus dominatio; id quod factum est, quando Bonifacius III. Pontifex Phocam Cæsaricidam in imperio, quod per scelus adeptus erat, confirmavit, translata sede Imperij ex oriente in occidentem. Hoc nomine in apricum prodijt Antichristus, circa annum Christi 606, cum antea in occulto operaretur omnem iniquitatem: siquidem jam Apostoli Pauli temporibus erant, qui plerorumque dogmatum Papisticorum fundamenta jacebant in Ecclesia, quod Pseudoapostolos in Articulo de Justificatione hominis coram Deo, & alios in articulis de jejunio, conjugio & similibus fecisse constat ex Gal. 2. & 3. Phil. 3. Col. 2. 1. Cor. 7. 1. Timoth. 4. &c.

Sed hac de re plura dicere non est hujus instituti: pergo ad tertium Apostatae locum. Is verò extat Apoc. 17. à vers. 3. usque ad finem capituli, quem locum pro lubitu suo exponit, & interpretationem hujus vaticinii non à posteriori, sed ex præconceptâ suâ de Utopico Antichristo opinione petit, in qua tamen sibiipso non constat.

Adver-

De cap.
17. Apoc.

Adversarium igitur primum audiemus, dein loci hujus illustrissimi sententiam ex ipso rerum prædictarum præclarissimo eventu petitam subjiciemus.

Pag. 61.

Scioppianam igitur interpretationem quod attinet, ea sic habet: Bestiam coccineam plenam nominibus blasphemiarum, interpretatur Regnum Antichristi mysticum, seu Imperium Romanum ab Ethnicis administratum: Mulierem insidentem bestiae, idem Romanum imperium sub Imperatoribus Ethnicis: mysterium fronti mulieris inscriptum, similiter mysticum Antichristi regnum: Atque sic nil nisi mysticum Antichristum somniare potest in locis illis Novi Testamenti illustrissimis, quæ verum illum Antichristum in templo Dei jam sedentem quasi oculis intuendum exhibent, nullius pensi habens, quod seipsum in interpretatione sua turpiter confundat. Nam quomodo tria illa diversissima: *Bestia; Mulier insidens bestiae; & mysterium fronti mulieris inscriptum*, de uno & eodem Antichristo mystico, seu imperio ab Ethnicis administrato, accipi possint, judicet, qui quidquam judicare potest. Deinde dubium probat per æquæ dubium, quando hoc loco repetit, Imperatores Ethnicos mysterium illud iniquitatis operatos fuisse, de quo Apostolus Paulus 2. Thessal. 2. hoc enim supra sufficienter refutatum

tum fuit. Præterea valde iniquum est, Romanorum Imperium vocare meretricem: omnis enim potestas a Deo est, dicente Christo Joh. 19, 11. & Paulo Rom. 13, 2. neq; legitur in scriptura tyrannidem magistratus politici meretricijs operibus conferri: imò nulla ferè similitudo est inter meretricem & Imperium Romanum: quin & viderit Apostata, quo honore adficiat tam præclaram Monarchiam. Proinde cum hoc totum vaticinium Johannis per crassam petitionem principij ad Imperium Romanum transferat, mirum non est, quod ea, quæ de bestia, septem ejus capitibus, decem cornibus, horundemq; pugna contra meretricem adfert; cum eventu non congruunt. Ea enim omnia non à posteriori seu eventu, juxta naturam vaticiniorum; sed à priori, hoc est, ex præconceptâ Scioppianicerebelli opinione petuntur. Sanè, quæ de decem scribit Regibus, in quos desinat Romanum imperium, quibusq; superveniat alius, undecimus, Antichristus, a Lactantio & Hieronymo fortasse mutuatus est, sed horum Patrum hoc in genere leves fuisse conjecturas, jampridem notavit Ludovicus Vives V. CL. in lib. 20. de civ. Dei August. cap. 19. quin & Augustinus ipse hanc opinionem rejecit cap. 23. ejusdem libri his verbis: *Vereri me sanè fateor, ne in decem regibus; quos tanquam de-*

cem homines videtur in-venturus Antichristus, forte fallamur, atq; ita ille inopinatus ad-veniat, non existentibus tot regibus in orbe Romano. &c. Vana igitur & inania prorsus sunt μεμελοντα, illa ænigmata, quæ Lutheranis Apostata magnâ cum obtestatione & tantum non profanatione nominis divini proposuit, pag. 64. Si ante ad-ventum bestię seu Antichristi meretrix illa ex rerum numero exterminabitur & flammis conflabit: si reges illi unum cum bestia seu Antichristo consilium habebunt: si meretricis desolatio & conflagratio augendis Antichristi viribus servire debebit; qua tandem ratione meretrix illa Antichristi dilecta sponsa, si ve sedes imperij Antichristiani esse possit, ut Lutherani contendunt? vana, inquam, sunt hæc ænigmata omnia, quæ nullo negotio ex vera vaticinij illius interpretatione, eventu rerum, jam undiquaq; comprobata dissolventur. Ea verò jam sequitur.

Vidit ergo D. Johannes I. Bestiam coccineam, plenam nominibus blasphemię, habentem capita septem & cornua decem. Bestia hæc nihil aliud est, quam Papatus, de quo eventus testatur, quod imperet ipsis Imperatoribus purpura utentibus, quod splendeat ipse purpuratis Patribus, & gaudeat alioquin colore coccineo, hoc est, vestibus & ornamentis rubris ac pur-

ac purpureis, quibus & Pontifex cum suis & Missa Pontificia ornari consuevit. Capita septem sunt septem Occidentis regna, in quæ Papatus diffusus est: Italia, Hispania, Gallia, Britannia, Germania, Polonia & Hungaria: & sunt ea residua, de decem illis capitibus quartæ Monarchiæ, de quibus Daniel cap. 7. quorum tria, Græciam, Asiam & Aphricam, parvulum cornu seu Antichristus Orientalis ad se rapuit, reliquis septem relictis Antichristo Occidentali. Habet etiam Papatus decem specialia cornua, hoc est, decem specialia regna, quinq; capitibus seu regnis generalioribus, Germaniæ, Britanniæ, Galliæ, Poloniæ, Hungariæ, adhærentia: ea enim usitate in decem regna seu provincias resolvuntur, in Alemanniam seu Germaniam nostram, in Bohemiam, Ungariam, Poloniam, Suediam, Daniam, Norvegiam, Scotiam, Angliam & Franciã; quæ & à Papatu defecisse, & meretricem odio persecuta fuisse infra dicuntur.

2. Vidit D. Johannes meretricem infidentem bestię, circumdatam purpura & coccino, inauratã auro & lapide precioso & margaritis, habentem poculum aureum in manu suã, plenũ abominatione & immunditia fornicationis ejus: & in fronte ejus scriptũ, Mysteriũ, Babylō magna, mater fornicationũ & abomi-

E 2

natio-

nationum terræ : fuitq; ebria sanguine san-
 ctorum & martyrum. Hoc nihil aliud est;
 quam descriptio Papæ, qui Monarcha est Ec-
 clesiæ Cacolicæ, hoc est, Papisticæ, ac proin-
 de rectè dicitur insidere bestia; Papatui: Vo-
 catur meretrix propter idololatriam in Papa-
 tu usitatam, ubi sanctis, imò statuis ac imagi-
 nibus tribuitur cultus soli Deo debitus, opel-
 lis etiam Monachorum atque monialium;
 quæ soli debentur merito Christi: idololatri-
 am autem fornicationem spirituales vocari
 in scriptura est usitatissimum: Exod. 34. 15. Ju-
 dic. 2, 15. Esa. 1, 21: 17, 3. Jer: 3, 1. Ezech. 5, 9. Ose:
 1, 2. &c. Ornari Pontificem purpura & auro;
 & plusquam regio splendore coruscare; nul-
 là prorsus probatione indiget: habet pocu-
 lum aureum in manu sua; quod est poculum
 missaticum, lapide pretioso, auro & gemmis
 exornatum, sed plenum abominatione; qua
 & semetipsum inficit, & alios polluit. Unde
 titulum hunc Pontifex veluti in fronte inscri-
 ptum circumgestat; quod sit *Babylon illa ma-*
gnâ, ob crudelitatem, quam exercet erga o-
 mnes; qui non adorant abominationes suas:
mâter fornicationum; quia P A P Æ doctrinâ
 verè lerna est omnis idolomania, superstitio-
 nis & impietatis; de qua multi in ipso gremio
 P A P A T U S gravissimas querimonias publi-
 cè sparserunt: sed hæc omnia ad tempus in-
 occulto

occulto habuit, propterea *mysterium* vocatur, ut qui speciem pietatis habeat, veritatem autem ejus abneget. Ebrius quoque est Papa Romanus sanguine sanctorum ac martyrum, quod tot laniens in diversis orbis partibus a sanguifuga Romano facta, & ex his uberri-
 mus ille Catalogus Testium veritatis Christianae seu Veritatis Papisticae luculenter testatur. 3. Dicit Angelus *de bestia*, quam viderat D. Johannes : *Bestia quam vidisti, fuit, & non est, ascensura de abyssu, item; ipsa octava est, & de septem est; & in interitum ibit, & mirabuntur inhabitantes terram, quorum nomina non sunt scripta in libro vitae à constitutione mundi.* Etiam hoc ad Papatum exactissime congruit. Is enim *fuit*, ratione gladii politici, qui sanè ante tempora Johannis Apostoli in imperio Romano fuit potentissimus : & *non est*, partim ratione gladii spiritualis, quem eo adhuc tempore nemo sibi sumsit in Ecclesia; partim ratione gladii politici, qui à Gothis, Vandalis, Longobardis, Burgundionibus, Hunnis, alijsque populis nimium debilitabatur, ac si non esset : tandem autem *ex abyssu iterum ascendit*, vires suas colligens partim fraude, partim vi, adjuvantibus nonnullis Imperatoribus ; *octava est, & de septem est*, quia nimirum septem illorum Regnorum, in quae se diffundit, quasi una communis anima est :
 E 3 quibus

quib; externum regnorum titulum & ma-
 jestatem imperij politicam permittit; atq; sic
 de septem illis est: attamen interim per suos
 Cardinales, Metropolitanos, Episcopos, Mo-
 nachos obedientia eos sibi astringens, suam
 in illis hierarchiam possidet, & sic octava est,
 & quasi distincta ab illis. Sed tandem *in inte-
 ritum ibit*, quando interficiet eam Filius D E I
 spiritu, oris & illustratione adventus sui, 2.
 Thess. 2. Et hanc ejus potentiam etiamnum
 admirantur multi, qui splendore atq; magni-
 ficentia Papatus dementati ad gremiū Eccle-
 siæ redire nolunt: sed hac ipsa præposterâ ad-
 miratione arguunt, se in electorum nume-
 rum nunquam fuisse receptos. 4. Porro *Se-
 ptem capita*, inquit Angelus in interpretatio-
 ne, *septem montes sunt, super quos mulier sedet,*
& reges septem sunt, &c. Notanter ostenditur
 hic sedes Antichristi, Roma nimirum, septi-
 collis, cujus montes hi sunt; Palatinus, Capi-
 tolinus, Aventinus, Exquelinus, Cælius, Vi-
 minalis, & Quirinalis; idq; ne quidem Apo-
 stata per omnia negare potest, nisi quod sub
 nomine Romæ imperium Romanorum
 hic describi potest. Ejus igitur septem illi re-
 ges & regna sunt, quorum jam ante facta est
 mentio, quibus infidet meretrix, id est, in qui-
 bus dominatus est Papæ. *Quinq; ceciderunt*, in-
 quit angelus, nimirum Germania, Gallia, Bri-
 tannia, Polonia, Ungaria, in quibus provin-

cijs reperiuntur Ecclesiæ superstitionibus Papisticis non nihil purgatæ : *unus est*, nimirum Italia, in qua cum primis dominatur ista meretrix : *& alius nondum venit*, Hispania nimirum, & ea quidem ejus regni pars, quæ Granata appellatur. Hæc enim a Mauris sive Saracenis 779. annis occupata bello, anno demum Christi 1492. recipitur, & pulsus Saracenis, & templis Christianæ religioni destinatis, & titulo Catholicæ Ecclesiæ à Papa potitur. *Oportet autem ipsum manere*, ait Angelus; nam Papæ Romano dentem citius eripies, quam Hispaniam ex Ecclesiâ Catholicâ : sed breve tempus manebit : citò enim conteret Deus Satanam sub pedes suos, & illustri suo adventu ad judicium meretricem unâ cum amasijs suis in locum ardentem igne ac sulphure præcipitabit. 5. De decem Regibus seu regnis seorsim refert angelus, *quod unâ cum bestiâ potestatem accipiant unâ horâ, quodq; potestatem suam bestiæ tradiderint* : Semper enim fuerunt in decem illis Europæis regnis, qui cathedram pestilentiae fulcire & omnibus viribus sedem atq; majestatem Pontificis Romani stabilire conati sunt : sed acceperunt hanc potestatem *unâ horâ*, hoc est, brevissimo tempore. Nam quia contra Agnum, hoc est, Filium DEI in pugnam descenderunt, ab

Calvis. an.
Chro p. 950

Agno quoq; victi sunt, non externâ vi & armis, sed verbo & virtute Spiritus S. qui gladius oris Christi appellatur 2. Thess. 2. Unde factum, ut hæc decem regna odio prosequantur meretricem, desolatam & nudam illam faciant, id est, potentiâ suâ exuant, viribusq; spolient, instigante Domino, qui terminum certum furori Pontificio constituit. Tum verò acceperunt potestatem illam, quando non amplius erant sub Imperio, sed quodq; cornu seu regnum proprium suum habebat regem: idq; factum sanè est, non sub Ethnicis Imperatoribus, sed multò post, quando Papæ regnum cœpit invalescere. Nam tempore Imperatorum Ethnicorum illa regna in unum corpus collecta, & in provincias redacta erant.

Hæc est genuina atq; orthodoxa interpretatio præclari istius vaticinij Apocalyplici de Antichristo, in quo Apostata toto cœlo aberravit, ut ferè non dubitarim eandem ipsius hic repetere obtestationem: Nunc omnes Pontificij, in quibus vel gutta ingenui sanguinis & fidei Christianæ inest, per adventum Domini nostri Jesu Christi, & tremendum ejus judicium obtestor, ut animo suo sedulò perpendant, an non hæc omnia in Papatu ad unguem ita evenerint, & quotidie eveniant: & annon spiritu vertiginis agitentur

aut

Verba
sua A-
postata
te-
misse

aut occæcati sint, qui in hoc meridie hunc veritatis solem non agnoscunt? Unde quilibet intelligit, quæstiones illas Scioppianas, quas pag. 64. proponit, plerasq; vel ex præconcepta, & cum eventu nunquam correspondente opinione oriri, ideoq; haud immerito à nobis negligi debere: vel sanè ex ijs, quæ jam ex eventu ipso, vaticiniorum optimo interprete desumpta sunt, facile expediri posse. Nam 1. per decem illos reges, sive regna, quid intelligendum sit, jam audivimus: eos verò ante Antichristum fore, Scioppianum figmentum est, in Johannis vaticinio ^{mundi seu} hujus invenitur. 2. decem illa regna brevissimo tempore duratura libenter credimus; & jam modò ostendimus. 3. ut &, quod & quomodo immani odio persecutura sint bestiam seu Papatum. 4. & deniq; quo pacto potentiam suam bestiæ sint redditura.

Unum tamen obstat in hoc loco, quod Scioppius per Babylonem Romam quidem intelligendum esse concedit, sed non urbem Romam, verum Imperium Romanum: idq; quatuor de causis. 1. quia Roma tempore Johannis non sedit super aquas multas seu ad multas gentes & linguas non pertingebat, quippe in Latio sita. 2. quia hodie non septem, sed undecim montes habet. 3. neque regnum habet super reges terræ, sive de jure si-

ve de facto loquaris. 4. neq; deniq; ejus desolatione vires Antichristi augeri poterunt, imò si Papa sit Antichristus, hoc vires ejus potius imminuet. Hæc Apostata: ad quæ singula respondeo: 1. Primum contra manifestam fidem est historia, ne quid dicam durius. An non enim tempore D. Johannis Romana civitas orbis imperium habuit? annon ipse scribit, *illo tempore imperium urbi Romæ adfixum fuisse* pag. 62? annon inter duo maria Tyrrhenum & Adriaticum sita erat? Unde Tertullianus contra Judæos & lib. 3. cont. Marcion: *Babylon, inquit, apud Iohannem nostrum Romanæ URBIS* (non imperij) *figuram portat perinde & magnæ & regno superbæ, & sanctorum debellatricis.* Et Hieronymus citante Ludovico Vive, Scriptore Pontificio, in lib. 18. de civ. Dei Augustini cap. 22. non aliam existimat describi à Johanne in Apocalypsi Babylonem, quam *URBEM Romam*: quin & ipse Bellarminus lib. 3. de R. P. c. 5. & 13. nō diffitetur, per meretricem illam Babylon urbem Romam intelligi, sed non nisi Romam Ethnicam: quid ergò tergiversatur Præceptor discipulus? 2. Sed ais, secundo loco, Roma *HODIE* non septē, sed undecim montes habet. Ain' verò: sed quid si etiā plures hodie habeat turres & arces? nū propterea falsū erit, quod de ea olim cecinit Virgil. lib. 2. Georg.

Scili-

*Scilicet & rerum facta est pulcerrima Roma,
Septemq; una sibi muro circumdedit arces?*

Fortè nec Lateranum nec Vaticanum fuit tē-
pore D. Johannis, sed quid hoc ad rhombum
Critice? num propterea non fuit septicollis
civitas? Habeas igitur hoc ad secundum. 3. Ad
tertium dico, quod de jure non habeat Roma
regnum super reges terræ libenter concessē-
rim: sed quid de facto ausit, historiæ testan-
tur, & quam nihil etiamnum, ullus REX RO-
MANÆ meretrici addictus attentare audeat
absque ejus nutu, exempla sunt in promptu, ut
mirum sit os impudens hoc negare posse: ob-
servetur tamen probè quod fatetur Aposta-
ta, Romam modernam *nullum prorsus regnum
habere super reges terræ de jure*, quo quidem
effato quam gratiam initurus sit apud Ponti-
ficem suum, ipse viderit. 4. Quarta instantia,
quæ ipsi omnium fortissima videtur, nullius
hili est, si sensum vaticini attendimus. Nam
de Antichristianæ potentiae incremento ex
desolatione regni ejus oriundo nihil habet
vaticinium D. Johannis: sed si textum confi-
deremus, apparebit, reges illos potestatem
suā bestiae prius esse tradituros, quā ipsā odio
prosequantur, idq; sic jubente & volente Do-
mino, qui peccata peccatis punire solet,
hoc est, adjuvabunt Papatum viribus suis,
idq;

idq; tam diu, *donec consummentur verba* D E I, quibus nimirum recepit, se ingratum orbem ob non receptam dilectam veritatem, castigaturum. Sed his verbis consummatis, & impletâ voluntate D E I, illi ipsi reges, pertæsi tyrannidis Antichristianæ, omnem suam vim & potentiam contra bestiam conferent, instigante Domino, eamq; evertere & exterminare studebunt. Hujus rei illustre specimen edidit superioribus annis Carolus Borboniorum Princeps, qui expugnatâ Urbe, Pontificem Clementem V I I. in vincula conjecit, anno 1527. Imò jam ante aliquot secula pij principes hoc jugum Antichristi excutere, & Tyrannidi Papisticæ summis viribus reluctari ceperunt, quemadmodum Otto Imperator jus eligendi Pontificem ad Imperatorem revocavit, & Johannem X I I. deposuit; Henricus I I I. Imperator, cum tres Papæ de Papatu tanquam vultures de prædâ digladiarentur, armatâ manu in Italiam profectus omnes abdicavit & alium creavit: & in primis Fridericus Barbarossa; fortissimus Princeps, anno Christi 1166. Romam expugnavit. Sic igitur ab hoc etiam præsidio dejectus est Apostata, quod in plenariâ Imperij Romani everfione ante adventum Antichristi quæsit; adeoq; nihil amplius restat, quam ut ex hoc D. Joannis vaticinio firmiter concludamus, illum

lum ipsum, quem in septicolli civitate, hoc est, Romæ sedere, & scortatione doctrinæ suæ Reges terræ seducere videmus, id est, Pontificem Romanum Antichristum illum magnum esse, quod ipsa rei evidentia, si cum vaticinio conferatur, ad oculum demonstrat.

C A P U T II.

De Ortu & Progressu Antichristi Papistici.

QUæ in hoc capite de fictitio Judæorum Christo, Neardæ, civitate Babylonix nascituro fabulatur Apostata, non moramur: ipse alias nobis proponit fabulas Judaicis illis non absimiles, certè non minus ridiculas. De ortu enim Antichristi Papistici hæc secreta prodit. *Antichristum nasciturum ex tribu Dan, & tamen à Iudæis per errorem pro Messia (si credere fas est) habitum iri.* 2. De progressu ejus ita nugatur. *Vbi adoleverit, fraudibus & dolis ac perfidiis plenum pectus gerens, magicis etiam artibus à Satana ad miraculum instructus, paulatim infima hominum sordidissimorum colluvie ad se pellecta, mox confluentibus majoribus Iudæorum copiis, prodigio deniq; aliquo ad Mosis exemplum Satanae opera edito, liberatorem & Messiam se professus, concitatis omnibus, qui istic esse solent, Hebræis, Ægyptum invadet, eaq; occupatâ*

Pag. 46.

patâ & rege ejus cæso, torrentis instar incredibili cum celeritate *Æthiopiæ & Lybiæ regnis subactis*, nunciis etiam auxiliorum ex oriente sibi venientium excitatis in *Iudæam*, properabit, eamq; omnium opinione celerius tenebit. Hæc Apostata veluti somnium narrans, magno cum applausu synagogæ Romanæ de Antichristo suo recitat, quæ si seriò recitat, & ita futurum credit; næ tam absurdum, tam impossibile nihil erit, quod Pontifex ei persuadere non poterit: si ex solis Biblijs insuper confirmaverit, (quod promittit in titulo scripti) næ peculiarem habet dæmonem veluti Oedipum, qui quod in scripturis neque Apostoli, neq; viri viderunt Apostolici, solus vel divinando adnimanadvertere potuit. Sed & credit, & ex Biblijs utrumque confirmare audet; operæ pretium igitur est, ut mira referenti diligenter auscultemus.

Ortum Antichristi ex profapia Dan probat ex vaticinio Jacobi Patriarchæ, Gen. 49, 17. *Fiat Dan coluber in via, cerastes in semitâ mordens ungulas equi, ut cadat adscensor ejus retrò. Salutare tuum expectabo Domine.* Mirum si non ex hoc metallo aurum eliquare possit Apostata. Hunc locum (inquit) de Antichristo non sine gravissimis causis, neq; sine Apostolicâ traditione (hoc cine verò est ex solis confirmare Biblijs?

blijs? quæ autem Apostolus Paulus de Anti-
 christo Thessalonicensibus tradiderat, hæc i-
 psa quoq; scripserat, sicuti ait 2. Thessal. 2, 5.
 cum adhuc essem apud vos, ταῦτα ἔλεγον ὑμῖν,
 hæc eadem dixi vobis) antiquissimos & erudi-
 tissimos interpretes accepisse existimandū est. Ad
 hanc fabulam respondeo non meis, sed Bel-
 larmini verbis: Hæc sententia est valde proba-
 bilis, propter tantorum patrum autoritatem; non
 tamen omninò certa est, tum, quia pleriq; eorum
 Patrum non dicunt, hoc se scire, sed probabile esse
 insinuant; tum quia nulla earum scripturarum
 convincit. Nam in primis Gen. 49. videtur Iacob
 ad literam loqui de Samson, cum ait: Fiat Dan co-
 luber in via, cerastes in semita, & mordeat ungu-
 las equi, ut cadat adscensor ejus retrò. Samson e-
 nim fuit de tribu Dan, & fuit verè Philistæis tan-
 quam coluber in viâ. Nam ubiq; eis occurrebat,
 eosq; vexabat. Ita exponit Hieronymus in quæst.
 Hebraicis. Et videtur sanè Iacob bene precari filio
 suo, cum hæc dicit, & proinde non malum, sed bo-
 num prædicere. Quod si ad Antichristū allegoricè
 id accommodetur, nō poterit argumētū duci nisi pro-
 babile, quale ex mysticis sēsib9 ducitur. Hæc Bel-
 lar. Audin' Apostata, præceptorem tuū. i. Pa-
 tres seu antiquissimos illos, quos tu vocas, in-
 terpretes, dubias & probabiles tantum protu-
 lisse conjecturas; ex ijs autem certū aliquod
 dogma

lib. 3. de R.
 P. cap. 12.

dogma Ecclesiæ condere non licet : ipsos enim in hujusmodi vaticinijs ante, quam secutus fuit eventus, sæpè hallucinatos esse, certum est, & ipsi fatentur. 2. audis, nullam earum scripturarum convincere, quod à te infertur : hoc cine ergo est ex solis Biblijs Antichristi ortum confirmare ? 3. audis, vaticinium Jacobi non nisi allegoricè & probabiliter de Antichristo agere (quam tamen probabilitatis rationem nondum audivimus) ad litteram autem Jacobum de Samfone loqui, & hanc interpretationem esse Hieronymi : quid ergo aliam interpretationem ex conjecturis incertissimis petimus ? 4. audis deniq; , Jacobum non malum, sed bonum prædicere ? quid malum ergo Antichristi, filij istius perditionis, ortum in hoc vaticinium intrudis ? Laudo candorem Bellarmini hoc in genere : versutiam Apostatæ, qui hunc candorem videre noluit, improbo : imò viderit iste, quomodo crassum istud mendacium defendere velit, *Ex Dan Antichristum nasciturum, SEMPER in Ecclesia jam inde ab Apostolicis temporibus CREDITUM EST.* Opponimus huic mendacio Patres illos omnes, qui hoc non credere, sed ad tempus probabiliter opinari voluerunt : opponimus Hieronymum, qui opinioni isti prorsus contradixit : opponimus ipsum Bellarminum, qui hanc sententiam probabilem quidem,

quidem, non autem certam esse scribit. Sed antiquam obtinet Apostata, qui temeraria sua pronunciata veluti Gorgonem quandam objicit Lectori imprudenti, ignarus miser, hac audacia istam (quam sibi habere videtur) & eruditionem & existimationem nimium prostituere.

Sed pergit iste: *Neq. mysterio videtur care-* re, quod Num. 2, 25. scriptum legitur: *Ad Aquilonis partem castrametati sunt filij Dan*: quid verò hic mysterij? tanquam illum signaret, inquit, qui dicturus erat, ut est apud Esaiam 14. vers 13. *In celum conscendam, super astra Dei exaltabo solium meum, sedebo in monte testamenti, in lateribus Aquilonis, ascendam super altitudinem nubium similis ero altissimo.*

Scilicet huic triduaño Theologo commit- tenda esset scripturarum interpretatio, qui quidvis ex quovis scripturæ textu probare potest, non secus ac si luderet tesseris aut Plautinis fabulis. Scio quidem Gregor. lib. 31. moral. c. 10. docuisse, locum Num. 2. in figuram Antichristi scriptum esse, sed errore seculi præpeditum; & eventus adhuc subsequuturi ignarum, eum ita docuisse credimus: Apostatam verò nostrum in ista luce veritatis & tam illustri splendore eventus etiamnum cæcutire, id verò justij Dei indicium est, qui confundere solet sapientes in sapientiâ suâ.

Deinde vox ista apud Esaiam non est Antichristi, nisi fortè sub ratione typi; sed regis Babylonix, cujus inanis gloriatio illo versiculo exprobratur, & interitus toto capite prædicatur ac describitur. Quid verò caltrametatio filiorum Dan versus Aquilonem, ad regem Babylonix, vel etiam ad Antichristi ortum? An non juxta tribum Dan erant castra filiorum Aser? & an non in sortitione hæreditatum in terrâ sanctâ domus Joseph, hoc est, tribus Manasse & Ephraim quoque fuit Aquilonaris, Jos. 18, 6: nunquid ex his quoque tribubus oriundus Antichristus? sed quis non videat & rideat hæcce nugas?

Accumulat tamen plura Scripturæ loca in hanc sententiam: *Daniel*, inquit, *cap. II, 40. regem Aquilonis vocat Antichristum. Jos. 19. in partitione terræ sanctæ tribui Dan sors hæreditaria postremo loco exit: & in Apocal. 7. in catalogo signatorum signo crucis nulla fit mentio tribus Dan, sed tribus Manasse in ejus locum reponitur.* Ex his omnibus cudere potest hanc conclusionem. *Ergò Antichristus oriundus est ex tribu Dan.* Quid tibi videtur, Christiane Lector; annon hoc est ex solis Biblijs confirmare Antichristi ortum? Sed ad rem 1. Rex Aquilonis vocatur Antichristus, tum quia Rex Babyloniorum typus ejus fuit, qui ex parte Aquilonari exercitum duxit in Judæam, ut scribit Lyra super c. 4. Jerem. tum etiam, quia

generale Scripturæ proverbium est; *Ab Aquilone omne malum venire*, Jer. 1, 14: 4, 6. quid autem hoc ad ortum Antichristi? 2. In descriptione hæreditatum in terrâ sanctâ tribus Dan postremo loco describitur, sed nunquid ob hanc transpositionem tribuum, tribus hæc est maledicta, aut Antichristo consecrata? annon Ezech. 48, 1. in simili sortitione tribus Dan cæteris omnibus anteponitur? Tribus Benjamin primam sortem accipiebat Jos. 18, 11. nihil tamen erat melior, sed cæteris etiam improbior, ita ut & stirpitis exscinderetur, Jud. 21, 3. Ephraimitæ in sortitione præponuntur cæteris, nihil tamen propterea deterioribus, imò nonnihil etiam melioribus, eò quod, cum cæteræ tribus Chananaeos ex præcepto Domini exterminarent, isti in medio sui eos habitare permetterent, non sine idololatriæ contagio, Judic. 1, 29. quo nomine graviter objurgantur, Jud. 2, 2, 3. Cur igitur tribus Dan una cum loco etiam pietate cæteris fieret inferior, ut Antichristi parentes atq; majores non ex Benjamitarum tribu fornicaria, (quod fortasse magis congrueret Utopico Papistarû Antichristo, quæ ex meretrice oriundû somniât) nec ex Ephraimitarû tribu Idololatricâ deducerentur; sed ex tribu Dan, quæ fortè una ex melioribus; quæque eo honore digna fuit, ut ei pars da-

retur in medio possessionis filiorum Judæ, quemadmodum ex Jos. 19. docuit Christian. Adrichomius in descript: terræ sanctæ f. 20. b. ex qua Deus & Samsonem, heroem fortissimum, populiq; sui Salvatorem; & Ooliam, præstantissimum virum, in cujus corde posuit ipse sapientiam, ad opus Tabernaculi excitavit Jud. 13. Exod. 31, 6. 3. In Apocal. c. 7. tribus Dan omittitur, non, quia ex ea Antichristus nasciturus dicitur, ut scribit Lyra, & ante ipsum Irenæus, à quibus scholion suum fortè accepit Apostata noster, nam & tribus Ephraim omittitur, & ejus loco Manassæ ponitur vers. 6. & si omnes illæ tribus omittendæ fuissent, ex quibus homo improbus vel natus vel nasciturus fuerat: omittenda etiam fuisset tribus Benjamin, è qua primus Hebræorum rex Saul, homo nequam, & αὐτόχθης prodijt; tribus Juda, quæ multos Reges idololatricos procreavit, & sic consequenter de cæteris fermè omnibus. Qua veritatis luce convictus Bellarminus fateri cogitur. *Cur Apocal. 7. omittatur Dan, non satis constat; præsertim cum etiam Ephraim sit omissus, cujus tribus una est ex maximis.*

Sed nondum finis: *Allegoricè etiam huc refertur* (inquit Apostata) *locus Ier. 8, 10. A Dan auditus est fremitus equorum ejus, à voce hinnituum pugnatorum ejus commota est omnis terra*
& ve-

& venerunt, & devoraverunt terram, & plenitudinem ejus: orbem & habitatores ejus. Quem quidem locum Irenæus etiam, errore deceptus, de Antichristo intellexit lib. 5. advers. hæres. Sed agnoscit ipse Adversarius hæc verba de Nebuchodonosare dicta esse, & non nisi per typum ad Antichristum applicari; quod ex Bellarmino didicit, qui l. d. sic scribit: *Jeremias cap. 8. sine dubio non loquitur de Antichristo, neq; de tribu Dan, sed de Nebuchodonosare, qui venturus erat ad Hierusalem everendam per regionem eam, quæ dicebatur Dan.*

Rectissime sanè. Dan enim in finibus Judææ erat posita, per quam ex Mesopotamia & Babylone Hierosolymam itur, ut & per tribum Ephraim. Quod autem per Regem Babylonis typicè intelligatur Antichristus, non valdè repugnamus. Scire autem debebat Apostata. 1. scripturam typicam non esse argumentativam. 2. non necesse esse, ut typus in omnibus congruat cum antitypo; satis, si in principalioribus. Ita sanè congruit ad Antichristum, quod (ut Propheta loquitur) voce pugnatorum, hoc est, Monachorum & Esavitarum suorum ad cædes & bella paratorum, commovet terram: quodq; venerint illi & devoraverint terram, imò & peccata terræ, ut Cardinalis ille gloriabatur; plenitudinem etiam ejus, orbem & habitatores ejus,

quod plusquam verum esse, exempla locorum istorum testantur, ubi novi nostri Pharisæi, de profapia Esau, ædes viduarum, imò palatia principum quotidie devorare pergunt, id quod de Pharisæis olim dicebat Salvator noster Matth. 23, 14. In his sanè pulcrum videmus congruentiam typi & antitypi, idq; familiam ducit: nam quod locum attinet, unde egredi dicitur Rex Babylonis, is ut antitypo respondeat, non est necesse: alias Antichristum ex tribu Ephraim quoque nasciturum sequeretur, quia utramq; tribum nominat Propheta capite quarto vers. 15. ubi eadē expeditio describitur quæ c. 8. Id verò asserere Papicolis nondum in mentem venit, ne videantur plus nimio miraculosum fingere Antichristum, ut qui unus homo sit, & tamē ex duabus oriundus tribubus: tam accuratè in hoc mendaciorum genere memoriam suam firmare didicerunt! Constat ergò ex his, quæ jam dicta sunt, allegatas ab Apostata scripturas nihil minus probare, quam Antichristum ex tribu Dan oriundum esse: imò si rem rectè velimus perpendere, ex nulla prorsus tribu Judæorum esse poterit. Antichristus enim Apostata est, imò ipsa ἀποστασία, ut à D. Paulo vocatur 2. Thess. 2. ex quo loco D. Augustinus eum refugam vocat à Domino lib. 20. de civ. Dei cap. 19. & apostasiam eius pro-

jus prolixè diducit Bellarminus lib.3. de R.P. 14. Nullus autem Judæus dici potest Apostata, quia nemo eorum veritatem agnovit. Et si maximè ex opinione Pontificiorum, Judæus esset, ramen omnium convenientissimum esset, ut ex tribu Juda nasceretur: inde enim Judæi Messiam suum (pro quo, juxta fabulam pontificiorum Antichristum sunt recepturi) nasciturum credunt. Sanè quidquid hujus sit, illud de tribu Dan figmentum esse, inde quoque constat, quod undecim tribus à Salmanassare ita dissipatæ fuerint 2. Reg. 17, ut ab eo tēpore nemo dicere potuerit, hūc vel illū Judæū ex hac vel ista tribu esse.

Cætera, quæ de Babylone Antichristi patriâ insperguntur, ut Monastica figmenta autoribus suis remittimus; neq; enim sequitur, Judæi exspectant successionem prosapiæ Davidicæ in Babylonia: ergò Antichristus ibi nascitur, hoc enim esset, præter alios errores, dubium per æquè dubium probare. Nilominus tamen audet iste pro hoc figmento scripturas adferre, ex Apocal. 9, 14. & Zach. 5, 6. Quid ex loco Apocalypico extorquere velit, ne quidem Oedipus divinare posset. *Solve quatuor angelos* (inquit D. Johannes) *qui alligati sunt in flumine magno Euphrate: Et soluti sunt angeli quatuor, qui parati erant in horâ & diē & mensem & annū, ut occiderent tertiā*

partem hominum. Quis Carneades ex his verbis inferat hanc conclusionem : *Ergò Antichristus nascetur in Babylonia?* Et tamen Apostata nostro hæc videtur esse absurdi sui dogmatis confirmatio Biblica. Loquitur ista visio de tyrannide Mahometis, quod ex circumstantijs textus monstrari potest, ubi opus fuerit. Quatuor angeli sunt diaboli, quos Deus emisit in oriente ad populum impœnitentem puniendum tyrannide Mahometica. Locum Zachariæ tali depravat glossa, quam ne quidem per longissimè petitam consequentiam inde deducere potest. Fingit enim Prophetam dicere ; *Judæorum summam omnibus & numeris completam impietatem in Babylonia sedem suam fixuram esse, quousq; Antichristum pro Messia, quem istic ex prosapia Davidica nasciturum putant, recipiant.* Certum est, nihil quidquam hujus Prophetæ in mentem venisse. Nam longè major erat Judæorum impietas ante quam Babylonem venirent, propter quam etiam in manus Chaldæorum fuere traditi. Describitur autem ista visione communis impietas omnium Judæorum, quos propterea velut in unum collectos manipulum ex Ecclesia se ejecturum & ad reproborum colluviem, quam periphrasi terræ Sennaar, seu Babyloniæ, notat, perpetuum ablegaturum esse minatur Dominus. Antichristi
ne qui-

ne quidem per somnium fit mentio. Ne tamen Apostata impune ferat hanc glossam, sciat, si omnino hunc locum de Antichristo acceptum velit, perquam optimè hanc visionem Pontifici Romano accommodari posse. Ejus enim doctrina verè est amphora impietatis, qua veluti urceo aut mensura certa admetitur hominibus nimium credulis & superstitiosis, preculas, jejunia, peregrinationes, & alia, quæ ex superstitionis credulitate in gratiam sedis Romanæ facienda sunt. Sed hæc mensuratio plena est impietatis; ideoq; impietas in medio amphoræ sedere dicitur, donec tandem deferatur in domum Sennaar, hoc est, in infernum ad habitaculum omnium dæmonum, & custodiam omnium spirituum immundorum, quemadmodum mystica Babylon describitur Apoc. 18, 2. Hæc ergo esto allegorica hujus loci interpretatio, si quidem eum de Antichristo intelligere placet: de eo autem, quod Apostata fingit, quasi impietas Judæorum in Babylonia sedem suam sit fixura, quousque Antichristum pro Messia recipiant, ne quidem jota unicum in hoc vaticinio reperitur.

Et hæc fuit fabula de ortu Antichristi: de progressu ejus paulò alias nugas vendidit, ut sub initium hujus capitis cognovimus: eas jam dictis Biblicis confirmare audet. Quo astu

ad regnum subrepturus sit, ait, exponit Daniel cap. II. vers. 21. cap. 7, 8. cap. II, 42. & cap. 8, 23. Secundus locus prorsus est ἀπερὸς λόγος: non enim de Antichristo, de quo nos quærimus, sed de Turcico tyranno, quem Antichristum orientalem vocamus, loquitur, ut suprâ ostendimus. Cæteri pleriq; de Antiocho Epiphane agunt, & sic de Antichristo non nisi ratione typi, quod ex parte adversarius ipse fatetur, latius autem ex D. Hieronymo deduxit Pererius Esavita lib. 14. in Dan. pag. 843. Neq; verò moramur, quomodo Papicolæ historica illa applicent ad Utopicum suum, Antichristum: nituntur ea omnia incertissimis conjecturis, imò fabulis, quarum in tanta luce veritatis homines sapientes meritò pudere debuisset. Nostra verò applicatio ad Romanum Pontificem ipso rerum eventu jam est comprobata. Nam pontificatus Rom. verè clam & per fraudulentiam fuit in orbem Christianum introductus, adjuvante phoca Cæsaricida, cum quo Bonifacius III. pontifex contracta amicitia superavit in modico populo, ut Angelus vaticinatur, cum alioquin omnibus terrori esset illa antecessoris sui vox Gregorij pontificis; quod qui generalis Episcopi titulum adfectaret, is in elatione sua Antichristum præcurrat. Sed obtinuit iste, & ex parvis principijs maximam potesta-

potestatem consecutus est in Ecclesia. A quo tempore & ipsi & successores abundantes & uberes non tantum urbes, sed ducatus integros & regna ingressi, fecerunt, quæ ausi non fuerunt patres ipsorum, rapientes ad se jus utriusq; gladij, & principatus quam plurimos, sub fictitiæ donationis Constantinianæ titulo, imperio suo subiiciētes, quæ sanè potestas majoribus ipsorum insolita & inaudita fuit. pontifex Rom. etiā, juxta Danielis vaticiniū de Antichristo c. 11, 42. misit manū suā in terras Ægypti, dominaturus super thesauros auri, argenti & omniū preciosarū rerū Ægypti. Neq; enim cōtentus fuit imperio Occidentis, sed Oriētale quoq; fraudulēter avidissimeq; adfectavit: ideoq; sub prætextu religionis, & specioso titulo recuperandæ terræ sanctæ præstantissimū florē nobilitatis subinde in Asiā, indeq; etiā in Ægyptū, Lybiā & Æthiopiā ad bellum sacrum emisit, ut nimirū, dū illi trans mare bellū gerebant, ipse interim eorū bona invaderet, thesauros auri & argēti possideret. Ita verè Rex fuit impudens facie, ut Daniel porro sub typo Antiochi Epiphanis cap. 2, 23. de Antichristo prædixit, robur ac potentiam suam Ecclesijs etiam in Oriente sub Turcico tyranno constitutis formidabilē reddidit, sed nō in viribus suis, ait Propheta, sed cum interitu & dispendio nimis credulorum

ruin principum, itaq; supra, quam credi pot-
 est, universa vastavit, cum regni sui prosperi-
 tate atq; incremento. Interfecit etiam robu-
 stos, ut propheta pergit in vaticinio, hoc est,
 Principes & Proceres imperij ad omnia non
 statim annuentes partim territorijs suis eje-
 cit, partim pedibus subjecit, quod exempla
 Friderici Barbarossæ, Henricorum Patris &
 Filij, Ludovici Bavari, & aliorum testantur:
 Populum in primis sanctorum, hoc est, inge-
 nuos confessores veritatis, interfecit juxta
 voluntatem suam, quæ ipsi pro ratione est, sic-
 uti catalogus martyrum & testium veritatis
 ostendit: successit etiam ipsi dolus & magni-
 ficavit cor suum tantâ superbiâ, ut & à nemi-
 ne judicari velit, sed semetipsum judicem an-
 gelorum & hominum constituat. &c. Hanc
 applicationem vaticiniorum Danielis de
 Antiocho & Antichristo ad Pontificem Ro-
 manum, jam eventus tam solidè comprobant,
 ut excæcatum esse oporteat eum, qui videre
 eam nequeat. Proinde haud immeritò fictiti-
 as Papicolarum applicationes, nullibi cohæ-
 rentes, & ex levissimis conjecturis depen-
 dentes, rejicimus, etiam hoc nomine, quod
 verè non sunt vaticiniorum applicationes
 aut interpretationes, sed nova quasi vaticinia
 de Antichristo nescio quo & quando ventu-
 ro. Quæ cum non à Spiritus sancti inspiratio-
 ne, sed

ne, sed humanā voluntate profecta sint, magno animo contemnimus, & autoribus suis, imò mendaciorum parenti remittimus, ac cum amphora impietatis in terram Sennaar relegamus.

C A P U T III.

De Imperio & Potentia Antichristi.

POSITO uno absurdo, necesse est alia multa, si non infinita sequi. Idem accidit Apostatae nostro in hoc suo de Antichristo syntagmate. Dixerat is in capite præcedente, Antichristum suum Utopicum collecta manu Judæorum Ægyptum invasurum & occupaturum, dominumque fore Æthiopiæ & Lybiæ, idq; tanta cum celeritate, quantam vix ipse credere potest, ideò *incredibilem celeritatem* nominabat, quam tamen omnibus persuadere ausus fuit. Jam ne quid mendacio desit, addit in hoc capite, *reliquos septem reges, qui Romani olim Imperij provincias tum tenebunt, audita Regum Ægypti, Æthiopiæ, Lybiæ & clade accede, maximo percussos metu, uliro se victori Antichristo subjecturos, ejusq; copias accessione sua aucturos.* Neque adhuc satis fabularum: *Horum viribus subnixus, inquit, VELUT UNO MOMENTO universum orbem terrarum subjugabit? quomodo verò: num, fortasse*

fortasse magicis artibus & imposturis, quibus eam a Satana instructum esse dixerat in præcedente capite? nequaquam: sed *per præfectos suos*, ait, quibus ejusmodi miracula & magicas artes non tribuit; & tamen per hos præfectos suos *velut in momento oculi*, orbem terrarum subjugabit, & *monarchiam, cui similis à principio non fuit, constituet*. Tunc credis ea; Apostata? hominem absq; magicis prodigijs per ordinarios præfectos, in momento oculi orbem terrarum sibi subjugare & novam monarchiam constituere posse? quot verò mensium aut dierum monarchiam? nam non nisi trium annorum cum dimidio imperium Antichristi fore scribis: credis insuper, ipsum super Judæos regnaturum Hierosolymis, quibus in omni parte mundi dispersis, ante quam innotescat, aliquod temporis spacium requiritur: credis, ipsum templum Solomonis restauraturum; illud nimirum templum, quod ab operarijs plusquam 150000, annis septem primùm ædificatum. 2. Paral. 2, 2. 1. Reg. 6, 38. deinde verò 46. annis instauratum est Joh. 2, 20: credis, ipsum effecturum, ut toto orbe cessent publicæ religionis ceremoniæ, & jure sacrificium Ecclesiæ: credis insuper tot gentium, armis potentissimarum, locis infinitarum, victoriam ei cessuram: hæc enim omnia credit Bellarminus tuus cap.

us cap. 7. & 16. quando verò tandem erit monarcha totius orbis? *Velut in momento*, inquis, & *incredibili celeritate*: ô momentaneum monarcham atque monarchiam! ô verè incredibilem celeritatem, quam tu cum Francisco vestro avibus, aut cum Antonio piscibus persuadeas; nescio utrum hominem inventurus sis, qui ista tua somnia crediderit. Et dic mihi, fodes, quam tu monarchiam novam innuis, a cæteris omnibus diversam? Nostin' tu, homo Germanus, quid olim Bodinus disputarit in ignominiam Germanorū de Monarchia quinta Hispanorum vel Turcorum? tunc sextam addes, Antichristi? Quid verò Daniel Propheta Domini cap. 2. & 7? ubi expressè quatuor tantum Monarchiarum meminit: quartamq; quæ Romanorum, hodie Germanorum est, ita describit, ut liquido appareat, eam ad finem usq; mundi duraturā.

Apparet crassitudo hujus somnij primo statim intuitu: nihilominus audet Apostata hæc tam crassa ex libro veritatis, hoc est, S. Biblijs confirmare. Verum loca illa omnia partim de Antiocho loquuntur, ipso fatente Apostata, partim ne verbulū quidem habent de subjugatione spontanea septē regū, multò minus de momentaneā illā Monarchia, in qua iste Antichristum suum introducit, ita ut mirum sit, hominem adeo amisisse omnē frontem,

tem, ut mendacia ista sua vel manibus palpabilia non vereatur scripturis pingere, in quibus tamen ne quidem umbra hujus continetur. Imperium sanè & potentiam Antichristi maximam non ignoramus, sed libenter id, quod olim Græca Ecclesia Johanni XXIII. respondit, hic repetimus : *Potentiam tuam summam, Papa, erga tuos subditos firmiter credimus : superbiam tuam summam tolerare non possumus, avaritiam satiare non valemus : diabolus tecum, quia Dominus nobiscum.* Potentiam autem talem tantamq; , qualem nobis Apostata describit; eamq; merè politicam, pius animus ne quidem per sebrim cogitare potest; & Apostata ipse, foricis instar sese prodidit, eam sibi & incredibilem & impossibilem videri; quod & alij Pontificij apertè fatentur; inter quos I. Hentenius, qui in præfatione ad comment. Arethæ in Apocalypsin scribit, *non esse possibile, Antichristum tam parvo tempore, tam multa regna ac Provincias obtinere.* Quapropter operæ pretium non est, ut in hujusmodi nugis diutius immoremur.

C A P U T IV.

De Sede Antichristi.

NON minoris vanitatis ea sunt, quæ de sede Antichristi sui differit. *Simul ac in terram*

terram sanctam venerit Antichristus, inquit, palatium sive prætorium sibi extruet juxta Nicopolin sive Emaus, inter lacum Asphaltiten & mare mediterraneum: inde ad verticem montis Oliveti, ex quo Christus in cælos adscendit, progressus Hierosolymas occupabit, in ea q̃ thronum ac solium imperij sui figet. Duo narrat hic noster Antichristi Advocatus: primum de palatio sive prætorio, deinde de folio seu throno imperatorio. Prius illud probare conatur ex Dan. 11, 42. ubi inter alia de palatio Antichristi ita loquitur Angelus: *Et figet tabernaculum suum Apadno, inter maria super montem inclitum & sanctum, & veniet usq; ad summitatem ejus.* Per Apadno Scioppius intelligit Nicopolin sive Emaus: per maria lacum Asphaltiten seu mare mortuum & mare mediterraneum: per montem inclitum, montem oliveti, in quo tandem periturus sit Antichristus & ad inferos descensurus. D. Hieronymus varias hujus loci interpretationes recenset, Porphyrij, Symmachi, Theodotionis, Aquilæ, LXX. interpretum, Apollinaris: nullus eorum est, cui hoc figmentum Scioppij arriserit, quasi per Apadno notetur Emaus sive Nicopolis: neque enim hoc oppidum ita olim fuisse nuncupatum ex ullo probato scriptore ostendere potest; neq; ullâ probabili ratione duo

illa maria de mari mortuo & mediterraneo interpretatur, inter quæ Apadnon illam sitam esse fingit. Certissima igitur est huius vocabuli redditio, quam habet Hieronymus, qui interpretatur Apadno, *palatium ejus*. Nam **אֶפַדְנוֹ** nomen Appellativum est, cum adfixo **אֶ**. Vel, ut alijs placet, nomen est **אֶפַדְנוֹ** cum præfixa hæemantica **אֶ** & suffixo Pronomine **אֶ**. Quidquid sit, Apadno sanè nomen proprium non est. Significare tantum voluit Angelus, palatium ejus fore inter duo maria, non exprimens nomen ejus proprium, sed eventui & experientiæ illud relinquens. Proinde in gratiam Scioppij non immerito verba Hieronymi hoc in loco repetere possumus, quibus ipse usus est contra Apostatam Porphyrium, absurdum huius loci interpretem: *Hæc ideo posui (inquit ille) ut & Porphyrij (Scioppij) ostendere calumniâ; qui hæc omnia aut ignoravit, aut nescire se finxit: & scripturæ sanctæ difficultatē indicare, cujus intelligentiâ absq; DEI gratia & majorū doctrina sibi imperitissimi vel maxime vendicât. Quæ postrema verba diligentissimè notet Apostata, qui tãtopere gloriatur de suis in studijs Theologicis profectibus, quorū intelligentiam se absq; majorū doctrinâ, fortè etiâ absq; Dei gratia percepisse sibi videtur: sed*
Hierony-

Hieron. tales imperitissimos haud absre vocavit. Quapropter, quēadmodū nō negamus, hūc locū de Antichristo accipiēdū esse: ita vicissim ipso rerū eventu edocti nō dubitamus de Pontifice Rom. hic sermonē esse. Is enim palatiū suū fixit inter duo maria Tyrrhenū & Adriaticū: super montē inclitū & sanctū, h. e. Sionem seu Ecclesiā, quæ civitati in mōte sitæ cōfertur, Matt. 5. & per Sionem sæpē notatur in veteri Testamēto, Ps. 2: 12: 73. Esa. 31. & c. vel, quod magis est consentaneū veritati, in urbe Romā, quæ & mōtosa & inter duo maria sita est. Ea verò vocatur mōs inclitus & sanctus. 1. quia Apostoli, in primis D. Paulus, doctrinam sanctā de Christo in ea fideliter tradiderūt, & sanctā Ecclesiā Christo ibidē collegerunt. 2. quia multa millia sanctōrū martyrum Romæ sepulta sunt, qui à Romanis Imperatorib. adhuc Ethnicis ob confessionē Christi sanguinē profuderunt. 3. quia Dominus etiam in media illa Babylone & olim & nunc sanctū suū semen sibi reservavit. Hæc ergo interpretatio loci Prophetici evētu comprobata haud immeritò lōgē certior est, quā quæ ex levissimis & ferē impossibilib. cōjecturis, absq; ulla ratione, tantummodo in gratiam Romani Pontificis & dispendium veritatis excogitata fuit.

Posterius membrum in hoc capite de thro-

no sive folio postremo Antichristi probare conatur ex Apoc. 11, 7. ubi de duobus testibus, quos interficiet Antichristus, scriptum est: *Et corpora eorum jacebunt in plateis civitatis magnæ, quæ vocatur spiritualiter Sodoma & Ægyptus, ubi & Dominus eorum crucifixus est. Quis autem nescit* (clamat Apostata) *Christum in Hierosolyma crucifixum esse?* idem quæ habet Bellarminus lib. 3. de Rom. Pont. cap. 13. Sed certum est ex circumstantijs textus, nullam aliam civitatem intelligendam esse, quam Romam. 1. Primum enim, est hæc bestia, de qua in hoc capite agitur, illa ipsa, quæ introducit cap. 17: ea verò septem montium celebritate describitur, qui in urbe Roma reperiuntur. 2. Deinde hæc civitas ita describitur Apocal. 17, 18. quod habet imperium super reges terræ: talis verò nunquam fuit Hierosolyma, sed olim erat Roma. 3. Denique Sodoma atque Ægyptus vocatur, partim propter horrendas illas idololatriarum fornicationes (propter quas quidem Hierosolyma etiam Sodoma vocatur, Esa. 1, 10. Jer. 23, 15. nunquam autem Ægyptus) partim etiam propter tyrannidem illam & crudelem persecutionem, qua veros Ecclesiæ cives hæc civitas ferè semper oppressit, & etiamnum premit. In hac civitate Christus crucifixus est, imò etiam-

etiamnum crucifigitur, quoties Christiani ad ignem & flammam crudeli sententia damnantur. Christi enim pupilla tangitur, cum Christianus tangitur, juxta illud Zachariæ 2, 8: *qui vos tetigerit tanget pupillam Dei*. Si igitur tot Ethnicorum Imperatorum persecutiones, tot Romanorum Pontificum Hispanicæ & Italicas inquisitiones, tot sanguines, tot cædes innocentium Christianorum consideremus, cæci essemus, si nō agnosceremus Christum Romæ crucifixum. *Per singulos enim martyres Iesus condemnatur*, inquit Origenes homil. 11. in Jerem. *Si condemnatur Christianus pro hoc tantum, quod Christianus est, Christus est, qui condemnatur*. Idem habet Ambrosius lib. 5. cap. 3. in orat. cont. Auxent. ubi de cruce Petri in eandem sententiam quam plurima scribit, quibus Papicolis os obturari potest. Valeat ergo hoc etiam figmentum Scioppij de sede Antichristi. De loco Pauli 2. Thess. 2. suprâ egimus cap. 1.

C A P U T V.

De doctrina & religione Antichristi.

IN hoc capite quinque in primis aphorismos de Antichristo suo proponit Apostata.

1. Antichristus profitebitur se vindicem
& custodem legis Mosaicæ acerrimum.

2. Jesu Nazareno omnibusq; ejus secta-
toribus perpetuas inimicitias indicet.

3. Persuadebit Judæis se esse illum pro-
missum per Prophetas Christū seu Messiam.

4. Pro Deo coli se volet, Deumq; se & so-
lum quidem esse dicet, idq; natura ac pote-
state suā, qui nullum præter se D E U M coli
aut credi velit.

5. Seipsum in templo Hierosolymitano à
se ædificato collocabit, & ut Deum fortitu-
dinis seu Moazim sacrificijs, auro, argento &
margaritis coli se ac propitiari jubebit. Hæc
ille.

De loco

Dan. 11,

vers. 22,

Primum aphorismum probat ex Dan. 11,
ver. 22, ubi in historia Antiochi Epiphanis
inter alia leguntur hæc verba : *Insper &*
dux fæderis, quod glossator noster ita inter-
pretatur : *erit Antichristus vindex legis Mo-*
saicæ. Sed violenta hæc est glossa. 1. enim
loquitur hic textus, non diffitente Apo-
stata, de Antiocho Epiphane quem sanè
vindicem legis Mosaicæ nunquam fuisse,
constat. 2. illa verba, *insper & dux fæderis*,
non ad Antiochum pertinent, sed ad prin-
cipem illius fæderis, quod contra Antio-
chum pro Demetrio minorene adhuc pue-
ro ini-

ro initum fuit. Antiochus enim, defuncto fratre Seleuco Philopatore, tutorio nomine regnum Syriae invasit, & ut Propheta loquitur, cum fraudulentia obtinuit, expulso Demetrio Seleuci relicto filio. Huius Demetrii patrocinium susceperunt Ptolomeus Philometor Rex Ægypti, consobrinus Demetrii, & reliqui procures ac consiliarii Syriae, qui facta confœderatione in defensionem innocentis pueri molitionibus patrui Antiochi obviam iverunt: sed contriti sunt à facie ejus, ut textus habet, hoc est, nihil obtinuerunt, insuper & dux fœderis contritus est, hoc est, Ptolomeus ille Philometor, qui aperto Marte cum Antiocho congressus victoriam amisit, contritis & concisis copijs inter Pelusium & Casium montem, ita ut accepta hac clade inducias cum Antiocho facere cogeretur. Hæc omnia eventui respondent, atque sic ab Hieronymo, & qui eum sequuntur, etiam inter Pontificios, exponuntur: unde sequitur, verba illa de duce fœderis nihil commune habere cum Antichristo: ejus enim, non Ptolomeus ille Philometor aut alij confœderati, sed Antiochus typus fuit. Quod si tamen hic quoque analogiam aliquam Antichristi

petit Apostata, hanc habeat pro tempore: quod Romanus Pontifex tutorio & vicario nomine Christi regnum invasit, & dum se res Christi promovere simulat, interim sacrilega manu res suas auget; ita ut ne quidem duces fœderis divini, hoc est, orthodoxæ Ecclesiæ defensores (permittente Deo) coram ipso consistere potuerint.

In secundo Aphorismo nihil ferè est, quod desideramus, nisi quod allegatæ sententiæ ex 1. Joh. 2, 22, & 1. Joh. 4, 2. in primis de Antichristo extra Ecclesiam, hoc est, Mahomete Turcico, deinde etiam de alijs hæreticis & Pseudoprophetis intelliguntur, quos communi nomine Antichristos vocat D. Johannes 1. Ep. 2, 18. Aliàs Pontifici Romano, & quidem secundariò, in gratiam satellitum ejus, facili negotio accomodari potuerunt. Nam qui voluntatem Patris negat, etiam essentiam ejus negat, licet eum ore profiteatur: & qui officium Christi impugnat, idem facit etiam personæ Christi. Utrumq; horum fit in Papatu. Nam voluntas Patris est, ut non nisi per fidem in Christum justificemur, in nullo alio, quam in Jesu Christo salutem nostram quæramus, nihil nostris meritis aut satisfactionibus ascribamus. Idem etiam fuit officium Christi mediatoris nostri unici, cui alij

Media-

Mediatores, Redemptores & Salvatores opponuntur vel saltem apponuntur in Papatu: quod revera est Patris essentiam & Christi personam verbis profiteri, factis abnegare, quod de hypocritis dicebat Apostolus Paulus ad Titum cap. i. versu decimo sexto; imò alius quoq; Christus Ecclesiæ obtruditur, qui non sit verus & præsens Christus, sed vicarius Christi absentis, Pontifex Romanus: unde non immerito Antichristus dicitur, quia & Christo in omnibus adversatur, & se pro Christo Ecclesiæ obtrudit. Sic etiam quas inimicitias & Vatiniana odia indixerit Pontifex Romanus omnibus fidelibus & constantibus Jesu Nazareni sectatoribus, tot persecutionum atque inquisitionum experimenta testantur, & ipsemet se prodit, dum juratissimos illos Jesu Nazareni hostes Judæos in ipsa urbe tolerat, Synagogas etia eis permittit, in quibus sacrosanctum J E S U nomen quotidie intolerabilibus blasphemijs adficitur: veris autem J E S U confessoribus atque sectatoribus non tantum in urbe, sed & in universo Antichristi regno aqua & igni interdixit: hoc nimirum est bellum facere cum sanctis, & interficere eos, ut ex Apocal. 13, 6. Apostata noster allegavit.

Tertius Aphorismus mera fabula est, ex incertis conjecturis Patrum nonnullorū orta, quibus vaticinia illa de Antichristo antequam complerentur, clausa & signata erant, Dan. 12, 4. Locum tamen pro hac fabula adfert Scioppius ex Johan. 5, 43. ubi Christus ipse dicit ad Judæos: *Ego veni in nomine Patris mei, & non accipitis me, si alius venerit in nomine suo, illum accipietis.* Sed locus hic nihil quidquam habet de Antichristo. CHRISTUS opponit sibi ALIUM quemcunque indefinite, quem Judæi, quia Christum repudiarunt, pro Messia sint recepturi; idque completum est aliquoties, 1. vivente adhuc Christo, in Theuda & Juda Ægyptio, quos Judæi pro Christo acceperunt ut Acta Apostolica testantur cap. 5. 2. post resurrectionem Christi in Bencotbah, (à mendacijs in quibus depræhensus est, ita dicto) in Bencochabo, quem, resectis sibi digitis, Messiam esse professi sunt, tempore Adriani Imperatoris; in Mose Cretenfi, tempore Theodosij Imperatoris, de quibus Pseudochristis, à Judæis diverso tempore receptis, videatur Josephus lib. 2. belli Judaici cap. 12. Euseb. lib. 4. hist. Eccles. cap. 6. lib. 7. cap. 38. Petrus Galatinus lib. 4. de arcan. Cathol. verit cap. 21. Neque verò obstat,

stat, quod hi Pseudochristi non videantur in suo, sed Christi nomine venisse, de quibus tamen dicit Christus, quod in suo proprio nomine venturi sint. Nam simulabant quidem isti, se in Christi venire nomine, sed verbis factisque testabantur, se à Christo prorsus esse alienos, quemadmodum de Pseudoprophetis alijs dicit Salvator, quod sint venturi in nomine Christi; ipse autem eos non sit recepturus, Matth. 7. Prætextus igitur erat nomen Christi; rei veritas autem sub prætextu occultata, merum Pseudochristorum istorum figmentum. Non enim voluntate aut nutu æterni Patris, quemadmodum Christus venit, sed proprio motu ac iudicio veniebant, à nemine ad hoc missi, sed furore ac insania mentis impulsæ. Et ut hunc quoque locum (qui tamen de Antichristo propriè non agit) in gratiam Pontificiorum ad Antichristum verum, hoc est, Pontificem Romanum accommodemus, ipse rerum eventus testatur, quemadmodum Judæi pro Christo olim receperunt alium, jam Bencochabum, jam Mosen Cretensem, jam Theudam, jam Judam: ita & Pontificios recepisse pro Christo alium Christum, Pontificem Romanum, qui quidem verbis in nomine Christi venit, sed

sed re ipsa nomen suum Christo anteposuit, se se pro summo Ecclesiae capite, sponso, magistro, imò salvatore per indulgentias vendidit, eoq; nomine adhuc hodie à mancipijs suis colitur. Viderint igitur Pontificij, nunquid fortè Christus isthæc ad ipsos quoq; dixerit, juxta illud Marc. 13. *quæ vobis dico, omnibus dico.*

Quartus aphorismus itidem merum somnium est eorum, qui Romano Pontifici adulantur. Nam scriptura nobis Antichristum ita describit, quod omnia sit fraudulenter & dolosè acturus, & sub agninâ simplicitate quamplures seducturus, unde etiam, Apostolo teste, revelatione opus habet, qua non esset opus, si tam manifesta blasphemia se solum Deum esse, & alium præterea neminem credendum esse, diceret. Hoc enim esset nimis citò sese prodere; & profectò hoc pacto nullum unquam Judæorum inventurus esset, qui sibi fidem haberet: credunt enim Judæi in Deum Abrahami, Isaaci & Jacobi: sciunt autem Antichristum (quem juxta Pontificiorum opinionem habituri sunt pro Messia) Deum illum non esse, quippe annis aliquot mille post Patriarchas illos natum. Proinde nimis crassum hoc est figmentum, pro quo tamen Apostata adfert locum Apostoli,

stoli, 2. Thessal. 2. ubi dicitur, *Antichristum se elaturum supra omne id quod dicitur Deus, aut quod colitur, & in templo Dei ostensurum se, ut Deum*: item locū Danielis c. 7, 25. ubi de Antichristo scribitur, *quod magnificaturus se sit ad-versus omnem Deum, & ad-versus Deum deorum locuturus magnifica*: quæ sanè dicta, de isto fictitio Deo Papistarum accipi non possunt, ob rationes jam modo indicatas. Alio verò modo impleta ea esse in Pontifice Rom. iterum eventus luculenter comprobavit. Nam is est, qui non tantum angelis & magistratui omni (quos scriptura Deos appellare solet) se suamq; potestatem anteponebat, illis imperando, hunc pedibus conculcando: sed etiam Deum ejusq; verbum abnegat; dum contra expressum jus divinum Levit. 18, 16. dispensat in matrimonialibus; dum contra sententiam legis divinæ Levit. 19, 22. relaxat juramenta pro lubitu; dum contra sententiam Exod. 17, 18, 19. infidelibus, aut, quos ipse putat, hæreticis fidem servandam non esse docet; dum se errare non posse jactat, dum testamentum Filij Dei corrigit, ejus meritum corrumpit, & quos ille in verbo suo æternis addixit flammis inferni, his refrigerium aliquod promittit. Hoc nimirum est, extollere se supra id quod colitur,

cunctam

cunctam religionem suæ subijcere potestati, ut Hieron. interpretatur in cap. 7. Dan. velut Origenes tract. 29. in Matth. extollere se supra omne verbum, quod est extra ipsum, quod annuntiatur esse verbum DEI. Imò ipse est, qui honorificum DEI nomen aperte acclamari sibi gaudet, quemadmodum plusquam Thraonica & blasphema vox in jure Pontificio legitur: Credere Dominum Deum nostrum P A P A M sic non posse statuere, prout statuit, hæreticum censeretur, & ipse sibi Dei nomen vendicat tanquam à Constantino imposi- tum dist. 96. satis evidenter: quasi verò homo homini divinos honores imponere possit, aut impositos suscipere debeat, cum tamen Dominus Deus noster Zebaoth ipse dicat, Ego Iehovah, hoc est nomen meum, & gloriam meam alteri non dabo. Esa. 42, 8: 48, 11. Abeat igitur & hic Aphorismus.

Quintus & ultimus cum præcedente ferè coincidit, & ab Apostata ex eodem loco Dan. 11. probatur, ubi Propheta vaticinatur de Antichristo hunc in modum: *Deum Maozim in loco suo venerabitur, & Deum quem ignoraverunt patres ejus, colet auro & argento & lapide precioso, rebusq; preciosis, &c.* quem locum ita exponit, quasi larvatus ille Papicolarum Antichristus seipsum sit Maozim illum &

Extravag.
Ioh. XXII
cap cum
intero

De Deo
Maozim
Dan.
cap. 11.

lum & Deum fortitudinis (ut ipse hanc vocem interpretatur) jactaturus, & preciosum sui cultum ab alijs expetiturus: illud enim; *Maozim venerabitur & Deum colet, &c.* idem esse in Hebræo & Græco, ac glorificabit, venerari accoli faciet: Sed hæc expositio (quæ ex parte Theodoretæ est) 1. seipsam evertit. Quod si enim Hebræus & Græcus textus legit (uti revera legit) glorificabit; titiq; non poterit reddere illud verbum *glorificare* venerari coliq; faciet; fieri enim non potest, ut unum idemq; verbum in una & eadem conjugatione, imò in uno eodemq; loco habeat significationem geminam, transitivam & reciprocam. 2. Refragatur ei textus, unde telum hoc contra seipsum depromsit Apostata. In græco enim est *δοξάζει τὸν μαοζαῖον*, quæ constructio nō receptocæ, sed transitivæ significationis nota est, *glorificabit Deum Maozim*, non autem; *Seipsum ut Deum Maozim glorificabit aut coli faciet*. In Hebræo vero est verbum secundæ conjugationis *כִּבֵּד* quæ quidem conjugatio in quibusdam verbis, neq; tamen in omnibus, permissionem rei significat; nunquã autẽ reciprocam actionẽ, quã hic imprimis urget Apostata. Imò verbũ hoc *כִּבֵּד* in secundã cõjugatiõẽ vix unquã significationẽ habet permissivã, aliàs si strophæ Scioppiana

piana locum haberet, *venerabitur Deum Maozim, id est, venerari faciet*; pari facilitate interpretari possem illud Psalmi 86, 12: **שָׁמַיְךָ יְיָ אֱלֹהֵינוּ וְאֵלֵינוּ** venerari faciā nomē tuū, imō quartū decalogi præceptū, Exod. 20, 11. **אֶת־אֲבִיךָ כְבוֹד** honorari fac patrē tuū, scilicet per aliū fortasse, licet tu neq; Deū venereris, neq; parentes honores. Talem nimirum Theologiam hic Criticus absurda suā glossā nobis introducit. Proinde ex hoc quoq; fonte perspicuum fit, hīc non de tali Deo agere Prophetam, qualem seipsum facturū sit Antichristus, sed qualem ipse sibi colendum atq; glorificandum effecturus sit. 3. Refragantur deniq; glossæ Scioppianæ alij hujus loci interpretes Papistici: inprimis Lyra, qui super istum locum Danielis scribit: *Maozim esse nomen proprium significans proprium Deum, quem Antichristus colet. Nam licet in propatulo ac publicè nullum se Deum colere ostendet, & se solum ut Deum adorari volet: attamen privatim & clam pro Deo colet certum quendam dæmonem, in cuius ipse tutela erit, & cui omnem suam potentiam & felicitatem acceptam feret.* Hæc Lyra; cui ferè adstipulari videtur Pererius lib. 14. in Dan. pag. 871. Bellarminus etiam lib. 3. de R. P. cap. 14. Sed & hæc absurda glossa est: quia cultus iste Maozim ab Angelo apud Prophetam

tum ita describitur, quod minimè privatus sit
 futurus, sed publicus, quodq; Antichristus so-
 cios ejus cultores & patronos maximis hono-
 ribus adfecturus, præmiq; loco regna mundi
 illis distributurus sit. Proinde postremum et-
 iam hunc Aphorismū Apostatæ in nihilū re-
 digi, & plusquam arenoso inniti fundamen-
 to, animadvertimus. Longè verò certior est,
 & ipso rerū eventu satis satisq; comprobata
 orthodoxorum Theologorum interpretatio
 hujus idoli Maozim, auro argentoq; precio-
 se exornati. Omnes enim circumstantiæ &
 characteres, quibus describitur, testatur, Ma-
 ozim nihil aliud esse, quam Papisticū sacri-
 ciū Missæ, quādo nimirū recitatis quinque ver-
 bis; *Hoc est enim corpus meū*, fingunt, se trans-
 substantiare panem in corpus CHRISTI, &
 hunc transubstantiatum panē thecæ inclu-
 sum circumgestant instar idoli cujusdam, co-
 ram eo procidentes, & ut terrestre quoddam
 numen elementū hoc, crustulam panis, ado-
 rantes, divinumq; auxilium adversus omnis
 generis mala, corporis ac animæ, ab eo expe-
 ctantes. Missa enim est Maotz, fortitudo, ro-
 bur ac potentia, imò pupilla cor ac anima to-
 tius regni Antichristiani: est arx & firmamen-
 tum totius Papatus; cujus fundamentum est
 in purgatorio, fastigium in cœlo, parietes in
 terra: in his enim tribus locis Missam expia-

torium sacrificium esse fingunt. Missa Pontificiorum Deus est: ei enim adscribunt vim immutandi rerum naturas, ex pane carnem, ex vino sanguinem faciendi, quod solius creatoris proprium est. Maozim tale idolum est, quod ignoraverunt patres nostri: talis est Missa, in qua occurrunt quatuor inprimis, sacris literis & orthodoxæ antiquitati ignota. 1. Missam esse sacrificium inprimis propitiatorium pro vivis ac mortuis. 2. transubstantiari panem in corpus, vinum in sanguinem Christi, quod multis inter Pontificios absq; novo quodam miraculo fieri non posse videtur. 3. Calicem laicis non esse dandum; quod horrendum est sacrilegium, Apostolis & toti primitivæ Ecclesiæ verè ignotum. Canonem Missificum ignorarunt quoq; Patres antiquiores; & extant multa probatissimorum scriptorum testimonia, quod canon ille a Romanis Pontificibus frustillatim & per partes fuerit compositus, intraque sexcentos a Christo nato annos vix absolutus. Missa deniq; est, quæ colitur à Pontifice ejusq; mancipijs auro, argento & preciosis gemmis quam splendidissime; non tantum quia ipsum Missæ Papisticæ sacrum quam preciosissime exornatur, sed etiam, quia circa illud idolum suum Papa varia quæsit pecuniarum aucupia. 1. venditione sacerdotiorum & palliorum Episcopali-

scopatum. 2. inventione annatarum, quibus quilibet, qui in defuncti Episcopi locum successit Romano Pontifici, fructus integros ejus anni ex Sacerdotio persolvere tenebatur. 3. Figmento variarum Missarum, Missæ de præputio Christi, de tribus clavis, de spinea corona, de Spiritu S. de B. Maria & alijs sanctis: Missæ pro peregrinantibus, pro navigantibus, pro fabricantibus, pro militantibus, pro negotiantibus, pro nubentibus, pro sterilibus & gravidis, pro parturientibus & puerperis; &c. quarum singulæ certam pecuniæ summam in fiscum R. Pontificis conferebant. His & similibus multis idolum illud Missæ exornatum & crumena Pontificis R. locupletata fuit, unde non abs re Deum tanti auri feracem, preciosè coluit, & per suos coli jussit, ita ut nihil desit in hoc vaticinio, quod non ad Papatum congruat quam aptissimè. Atq; sic omnia ea, quæ de religione larvati sui Antichristi in medium proposuit Apostata, examinavimus, & in jugulum Pontificis Romani retorsimus.

C A P U T VI.

De confirmatione & Propagatione doctrinae atq; imperij Antichristiani.

Hic verò ingetes fabularum cataractas effundit homo impudens, taliaq; de Antichristo effutit,

effutit, quæ nonnulli ex Pontificijs in hac materia tangere, nonnulli etiam credere nolunt: ipse tamen mendaciorum suorum pallium quærit sacrosanctas scripturas, mirè distortas, miserè ab hoc impostore dilaceratas. Ut autem ordine de singulis videamus; hæc inprimis proponit capita, quibus Antichristum istum Utopicum & larvatum doctrinam imperiumq; suum propagaturum esse vel ipse credit, vel alijs (quod facilius adducor ut credam) contra conscientiam suam persuadere conatur.

pag. 40.

seqq. pag.

7.8. usq; ad

95.

1. Innumeris prodigijs ac miraculis divinitatis fidem & auctoritatem sibi faciet.

2. Tum demum diabolus qui à Christi passione eò usq; ligatus erat, solvetur, cum universo inferorum exercitu.

3. Antichristus operâ diaboli in specie hæc editurus est miracula: Solem sistet: maria siccabit: tempora mutabit: mori se simulabit in conspectu populorum, & sic mortui specie aliquandiu jacebit, sed tandem sua sponte reviviscere ac resurgere se simulabit.

4. Pseudopropheta & emissarius ejus hoc miraculum prædicabit, & nova addet, nempe ignem de cælo cadere & Antichristi statuam loqui faciet, itaq; efficiet, ut lege lata omnes statuam illâ adorare capitis poenâ jubeantur.

5. Magnis sumtibus conducet homines, qui

qui persuadeant alijs, ea, quæ de Antichristo prædicta sunt, jampridem esse impleta.

6. In eos, quos in fide Christi constantiores repererit, crudelissimis supplicijs sæviet.

7. Curabit suos nomine Antichristi vel in fronte, vel in manu dextra insigniri, nemoque emere aut vendere poterit, nisi character isto insignitus.

8. Nomen Antichristi Hebræum erit, in quo tamen numerus 666. inveniatur.

9. Qui hunc characterem non habebunt, fame morientur.

10. Tunc Enoch & Elias ex Paradiso reversi prædicabunt, & miracula edent diebus 1260: postea interfecti ab Antichristo jacebunt tribus diebus & dimidio inhumati per vias Hierosolymæ: tum palam reviviscunt & in cælos adsumuntur.

11. Multi Judæorum convertentur.

12. Ecclesia fugiet in desertum Arabiæ, ubi solum Missa celebrabitur, in reliquis locis, durante Monarchiâ Antichristiana, cessabit.

13. In solitudine Arabiæ Judæi conversi arcam fœderis invenient, in monte Nebo aut Sina.

14. Irritus erit omnis Antichristi conatus in persequenda, quæ in desertum fugerat, Ecclesia. Hæc Scioppius.

Sed nunquid satis nugarum est, Christiane Lector, quas in hoc Augiæ stabulum simul & semel effutivit? eas tamen ex Scripturis confirmare audet, quarum pleræq; ab ipso laudatæ in Pontificem Romanum apprimè congruunt; nonnullæ nihil ad rem faciunt. Nunc singulorum capitum probationes videbimus ordinè.

Pro primo adducit locum illum classicum ex 2. Thess. 2. ubi dicitur, *adventum Antichristi fore secundum operationem Satanae, in omni virtute & signis & prodigijs mendacibus, & in omni seductione iniquitatis ijs qui pereunt.* Huic adjungit locum alterum ex Matth. 24, 23. *Surgent Pseudochristi & Pseudoprophetae, & dabunt signa magna & prodigia, ita ut in errorem inducantur (si fieri potest) etiam electi.* Sed tantum abest, ut negemus, Antichristum miraculis & prodigijs ex operatione Satanae, permittente Deo, alijs se stupendum reddere, ut potius ex hoc ipso fundamento Pontificem Romanum Antichristum esse intrepidè profiteamur. Nihil enim magis in Papatu crepant, ac miracula, nostramq; religionem eo nomine suspectam reddere satagunt, quod destituatur miraculis, quodq; ne quidem claudum canem sanare valeamus: In Ecclesijs verò Papisticis omnia plena sunt miraculis & prodigijs; nullumq; dogma Papistarum est, quod non

non ex miraculis fidem obtinuerit apud eos, qui dilectam veritatem recipere noluerunt. Hoc sanè pro certissimo signo Antichristi habuit Chrysostomus, vel quicumq; fuit autor operis imperfecti in Matth. hom. 49. nimirū, fide ab Apostolis per miracula confirmata, & jam in orbe propagata, alia vel similia jactare in Ecclesia, miracula. *Nam per hoc, inquit, ministros Christi cognoscimus, non quia utilia faciunt signa, sed quia omninò non hæc faciunt signa. Donec enim fuit vocatio ad fidem ex infidelitate, fecerunt signa & servi Christi, quia signa vocationis diuinæ testimonia sunt, ut prædicationis veritas miraculis commendetur: cessante autem vocatione, incipit seductio, re-vocans homines à fide ad infidelitatem. Incipiente ergò seductione, tradenda sunt seductionis adiutori diabolo, id est, potestas faciendorum signorum, ut signis ac prodigijs mendacia sua pro veritate commendet. Hæc ille* quæ ad unguem congruunt in Papatum. Qualia verò sunt miracula quæ eduntur ab illis? vel ficta, vel per operationem Satanæ facta. Nam in hunc finem fieri solent, si fiunt, ut ad falsas doctrinas illiciant, quibus fides aliter, quia de Scripturis non probantur, haberi non possit, quales sunt omnes Papicolarum traditiones non scriptæ, ideoq; miraculis confirmandæ, quæ miracula non immeritò mendacia di-

cenda sunt, quia ad mendacia credenda inducunt. Et quaecumq; miracula cum Christi doctrina, miraculis satis superq; confirmata, non consentiunt, certissime arguuntur a Satana profecta esse. Præterea si olim ediderunt vera miracula, cur hodie non similia audent edere? aut si edunt, cur nos ad remotissimas illas insulas Japonicas & populos Americanos remittunt, de quibus tuto se mentiri posse putant? Nam quæ de Lituanicis, Brabanticis, Bavaricis & similibus moderni Esavitæ scribunt, præstigiæ fuerunt, in quibus non tam egit diabolus, quam agere visus est. Aut si vera sunt miracula, cur non ad cuiusvis sancti tumulum & reliquias talia edunt, qualia ad hujus vel illius Episcopi aut Principis tumbam; num fortasse vis divina efficacior est apud ossa cineresq; prædivitis quondam Episcopi aut Cardinalis, quam pauperuli rustici & opilionis piè defuncti? Scilicet hæc est efficacitas erroris, qua decipiuntur miseri, qui nolunt accipere veritatem, tam præclaro jubare, per Dei gratiam exsplendescentem: de quibus præstigijs jam olim Lyra candidè fassus est in cap. 14. Dan. *Aliquando sit in Ecclesia maxima deceptio populi in miraculis fictis à Sacerdotibus & eorum adherentibus, propter lucrum temporale.* Idemq; nimis crebro factum seriò deplorat Melchior Canus lib.

lib. II. locor. commun. cap. 6. ubi scribit; *Ec-
clesiæ Christi vehementer incommodasse, quod res
divorum præclare gestas fictis & revelationi-
bus & miraculis adornarint: qua in re nec san-
ctæ virginis, nec Christi Domino hominum impu-
dentia pepercit; quin quod in aliis divis factita-
vit, idem quoque in Christi & matris historia scri-
benda faceret, & pro humani ingenij levitate
multa vana & ridicula comminiscerentur. Plu-
ra in hoc genere passim scripta extant, ad qua
sanè nihil solidi Papicolæ respondere pos-
sunt: proinde hoc primum caput Apostata
& ejus mirabiliarijs remitto.*

Pro secundo capite adfert locum D. Jo-
hannis ex Apocal. 20. ubi scribitur, *diabolum
ligatum iri catenis, sed postquam consummati fue-
rint mille anni, iterum solutum iri de carcere suo,
& exiturum, & seducturum gentes. Jam vero
& nos libenter fatemur, diabolum cum o-
mni suo infernali agmine & exercitu quasi
omnibus catenis solutum plus furere cepisse
in regno Antichristi, quam superioribus tem-
poribus. Illa verò solutio non jam expectan-
da est, sed ante annos plusquam sexcentos fa-
cta. Nam Augustinus etiam (alias in hac quæ-
stione errore temporis præoccupatus) alliga-
tionem illam Satanæ factam esse scribit,
quando cepit Ecclesia præter Iudæam terram in
nationes alias aliasque dilatarî lib. 20. de civ. Dei*

*Contradictio
palpabilis
apostata.*

*Vide Pla-
tinam &
Baleum in
vitis ho-
minum Ponti-
ficum*

cap. 5. id verò factum est Apostolorum tem-
pore, qui prædicarunt Evangelium inter
gentes: ergò mille annis ab Apostolorum
prædicatione solutus est diabolus, & plus-
quam alias furere cepit, ita ut necesse non sit,
istam diaboli solutionem ad ultimum mun-
di triennium referre. Notetur autem hoc lo-
co, quam turpiter Apostata seipsum confun-
dat. Diabolum a Christi passione usq; ad An-
tichristi tempora ligatū iri dicit. Ligatus autē
erit mille annis Apoc 20. Ergò ante annos
plusquā quingetos venit Antichristus. Jam e-
nim anni ferè 1573. à passiōe Christi sūt elapsi.
Alias ista solutio locū suū habet vel inprimis
in Papatu. A diabolo enim habet homo ille
peccati (quē nos Antichristū dicimus) omnia,
quibuscunq; unquā emergere & alijs inclare-
scere potuit. A diabolo fuit inter Pontifices
studiū emergendi, per cædes, veneficia & op-
pressiones aliorum alias, ita ut interdum vix
intra quinquenniū octo sederent Papæ, & nu-
per admodum tres intra biennium. A dia-
bolo fuit rabies Stephani Papæ sævientis in
Formosum Papam nuper mortuum, quem
Pontificali habitu exutum, & indutum se-
culari è tumulo suo tractum laicorum sepul-
turæ mandari iussit, abscissis duobus dextræ
digitis. A diabolo fuerunt parricidia Pascha-
lis II. quæ inter patrem & filium, Henricos,
Gallia-

Galliarum reges, excitavit. A diabolo Pontificatū consecutus est Sylvester I I. hac lege, ut post mortem totus illius esset. A diabolo incantationes suas didicit Benedictus I X. qui mulieres quascunq; vellet, in amplexus suos pertrahere poterat. A diabolo idololatriā suam habuit Marcellinus, Arianismum Liberius, auri sacram famē Innocētius III. A diabolo sunt omnes illæ idolomania, quarum quotidie magnus usus est in Papatu. A diabolo sūt omnes illæ lanienæ, cædes atq; persecutiones, Sodomia, Veneres ac cupidines, quibus jam pridem sese universo mundo nobilitavit Papatus. Et quis deniq; dubitaret, diabolum suam quasi regiam habere Romæ, & usitatissima mancipia Monachos & Moniales, de quibus Æneas Sylvius ipse Papa, Pius I I. postea vocatus, olim dicere solebat: *Non audeat Strygius Pluto tentare, quod audeat Infamis Monachus, plenaq; fraudis anus.* Ergo non negamus, Antichristum ductu ac instinctu diaboli agere omnia, quæ sua sunt, furoresq; Satanæ in regno Antichristi longè majores esse, quam antea unquam. Est igitur hoc quoq; caput extra controversiam, & ad demonstrandum Antichristum in Papatu dominantem quam maximè appositū.

Sequitur tertium caput, de qualitate miraculorum Antichristi, & ijs in specie, quæ recēset Apo-

set Apostata : pro quibus tale adfert argumentum ; quod *Iudæi soliti fuerint signa petere in cælo ; quod tempore Iosue steterit Sol in cælo ; quod tempore Hiskia Deus reduxerit umbram per linæas, quibus jam descenderat in horologio retrorsum decem gradibus. Ergò Iudæos ab Antichristo etiam talia petituros signa, quos etiam præstiteris mentibus & oculis ab ipso impetrabunt.* Quilibet autem videt, quam elumbis hæc sit argumentatio à facto Dei extraordinario ad factum Antichristi ordinarium ; à miraculis Dei ad miracula & præstigias Satanæ ; imò ab eo, quod interdum factum est, ad id, quod semper fieri adseritur. *Judæi enim signa de cælo petentes non semper ea acceperunt, quemadmodum notum est, quid Christus responderit Scribis & Pharisæis signum petentibus Matth. 12, 39. Generatio mala & adultera signum quærit, & signum non dabitur ei.* Ergò solis statio Iosue, regressio umbræ in horologio Hiskia, aut alia V. T. miracula in certum utilemque finem à Deo edita nihil faciunt ad probanda similia Antichristi miracula diabolica. Temporum mutationes Antichristo adscribit ex illo Dan 7, 25. de quo loco supra, cap. 1. dictum est, & ostensum, nihil ibi agi de Antichristo Occidentali, sed Orientali, hoc est, de Mahomete, qui quomodo tempora legesque mutaverit, ibi fuit indicatum.

Interim

Interim tamē hoc quoq; veluti prodigio clarum sese reddidit Pontifex Romanus, quod possit dies & tempora mutare pro sua voluntate, quam sibi in his, quæ vult, pro ratione esse fingit: quando nō tantum, quandocunq; sibi visum est, dies communes mutat in festos; sed vel in primis, quando anni cursum & numerum mutavit, ausu proprio, ostendens, hoc ipso se magnificatum esse in superbiā suā usq; ad fortitudinem cœli, & jus aliquod in ipsas quoq; stellas sibi sumere, ut prædictum fuerat Dan. 8, 10. De morte atq; resurrectione Antichristi quæ narrat, Hiberæ næniæ sunt (ut cum Hieronymo loquar ex præfat. Pentateuchi) non Johannis vaticinia, quæ allegat ex Apoc. 13. 2. ubi quidem legitur, *unum de capitibus bestię quasi occisum in mortem* (quod iste de Antichristo interpretatur nulla ratione) & *plagam mortis ejus curatam esse, & admiratam esse universam terram*: sed de morte atque resurrectione Antichristi nihil quidquam. De Imperatoribus Romanis loquitur sanctus Apostolus, quorum imperium sub imagine bestię depingit, cujus virtutem bestiam alteram, hoc est, Antichristum, exeruisse dicit. Vulneratum est hujus bestię caput & iterum curatum, *vel* quando interfecto Julio Cæsare, Augustus rerum potius est: *vel* quando Imperatoria majestas in Constanti-

nopoli-

nopolitanis Imperatoribus pœnè collapsa à Pontifice in Carolo Magno restituta est: ad utrumque enim tempus quadrare videtur. De Antichristi verò morte ista cædes nequaquam potest accipi. Nam quale hoc foret miraculum, quod (ut Apostolus futurum ait) universam terram in admirationem sui concitaret; fingere mortem, & resurrectionem à morte? Aut si letalem revera accepturus erit plagam Antichristus, ecquis quæso Monarchæ tam potenti qualis quantusq; fingitur, plagam hanc letalem infligeret? monstrant hominem, notent locum: & quis tam felix ille Podalirius, qui plagam hanc tam repentiè curaret? qui illi tam celeres Pegasi aut veredarij, qui spacio vix unius triennij rem tam stupendam toti mundo annuntiarent, ut universa Terra admirari possit? Forsitan Luna erit harum rerum nuncia, aut soli inscribenda plaga isthæc, ne quisquam mortaliū tanti facinoris ignarus relinquatur. Nemo est, qui non intelligat puerilia ista, & prorsus *ἀναιδέα* hominum sibi sapientium figmenta, quæ una cum suo mortuo Antichristo simul moriantur & intercidant, nunquāq; reviviscant. Aliter enim mortuum Papicolarum Antichristum resurgere non credimus, quam quod toties ex verbo Dei jugulatus & interemtus in ineptis & absurdis Papicolarum chartis subinde reviviscit.

In

In quarto capite mixta sunt falsa veris. Falsum est, quod Pseudoprophetae Antichristi tribuit ignis de cœlo productionem, quam D. Johannes ipsi Antichristo adscribit: eū enim per aliam illam bestiam intelligit, quæ de terra adscendit, Apoc. 13, 11. h. e. e medio Ecclesiæ, quæ in terris ex hominibus colligitur, quemadmodum prior illa adscendebat e mari, quia initium imperij Romani ex colluvie multorum populorum constabat, qui tanquam aquæ multæ confluebant. Atque hinc in manifesto mendacio deprehenditur Apostata, dum scribere audet, aliam illam bestiam c. 19, 20. &c. 20, 10. Apoc. vocari Pseudopropheta, ut eo facilius Pseudoprophetae adscribere possit, quæ à Johanne tribuuntur ipsi bestię. Contrarium enim in illis ipsis locis legitur: in cap. 19. quidem: *Et apprehensa est bestia Et Cum Ea Pseudopropheta; &c. & vivi missi sunt Hi Duo in stagnum ignis & sulphuris.* in cap. 20. verò: *diabolus missus est in stagnum ignis & sulphuris, ubi Et bestia Et Pseudopropheta cruciabuntur die ac nocte.* Quis ergo huic impostori scripturas allegati credat? Bestia igitur est Papatus: Pseudoprophetae Pōtifex & Monachi Pōtificeis, qui mendacijs suis seducunt animas hominū. Verū autē est, quod Antichristo faciet ignē de cœlo descēdere, quod dabit Spiritū imaginī bestię;

ag. 12.

ut loquatur imago bestiae, quod denique faciet, ut, qui non adoraverint imaginem bestiae, occidantur: hæc enim omnia S. Iohannes expresse ita fore prædixit Apoc. 13, 14, 15. seqq. S. d. isthæc omnia secundum literam intelligere, est in cortice mysteriorum divinorum hærere, nucleum nunquam tangere; imo bonam partem istorum mysteriorum vel ignorare vel abnegare. Nam de duobus testibus Enocho & Elia scriptum est Apocal. 11, 5, 6. *ignis exiet de ore eorum & deuorabit inimicos eorum: &, habent potestatem claudendi cælum, ne pluat diebus Prophetiae ipsorum, & potestatem habent super aquas conuertendi eas in sanguinem:* quæ omnia secundum literam ita fieri debere, ne quidem Pontificij credunt. Ergo spirituales habent sensum etiam illa, quæ de igni cælitus demisso, & imagine bestiae in iisdem mysteriis habentur. Et hæc omnia quam rectissime impleta sunt in Papatu & Pontifice Romano, qui per illam bestiam præfiguratur. Is enim fecit ignem de cælo descendere, quando fulmine excommunicationis suæ ignem furoris divini quasi cælo deducere, eoq; summos sæpe reges & Monarchas solio suo deturbare, & ad ima tartara, si posset, præcipitare audet. Is etiam dedit spiritum imagini prioris bestiae: quod si de imaginibus & statuis sanctorum in Papatu intelligas, non admodum

modum erraveris: his enim Pontifex cum Monachis Pseudoprophetis suis, sæpè spiritum & sermonem dederunt, subornantes homines fraudulentos, qui arte quadam statuas, quas vellent, flentes, sudantes, annuentes, abnuentes capite simplicioribus ostentarent, sæpè etiam per eas loquerentur, mutuati hoc ab Ethnicorum sacerdotibus, de quibus eandem fraudem referunt Augustinus lib. 3. de civ. Dei cap. 11, & lib. 10. cap. 16. & Valer. Max. lib. 1. cap. ult. &c. Inprimis autem editum est hoc miraculum à Papa in Papocæsaria, qua Imperij Romani veteris dignitatem & eminentiam non tantum imitatus est, sed & superavit quàm longissimè, dum non solum principatus & Ducatus integros, qui antea Imperatori parebant, jam sub Flaminum & Archiflaminum titulo suæ potestati subiecit; sed & in cæteris, ipsum Imperatorem ita ferè sibi subjugavit, ut jam inconsulto Papa in rebus Imperij salutem concernentibus nihil incipere liceat; sed ipse jactat se animam imperij, in quo legibus suis loquitur & fulminat, prout sibi visum est. *Imperator enim, quod habet, totum habet à nobis* (clamat Adrianus IV. apud Aventinum lib. 6. annal.) *Ecce in potestate nostra est, ut demus imperium cui volumus: propterea constituti sumus super gentes & regna,*

regna, ut destruamus, & evellamus, & ædificemus & plantemus, &c. Ita nimirum spiritum imagini prioris bestiae dedisse dicitur. Quod autem addit Apostata, facturum Antichristū, ut omnes qui non adorent statuatam illam Antichristi, occidantur: in eo sui immemor est: nam cap. præcedente dixerat, quod Antichristus se solum pro summo Deo sit venditaturus, Deum verum & falsos Deos omnes (ergo & idola & statuas) hostiliter persecuturus: & adhuc clarius scribit in epist. de Antichristo pap. 34. *Antichristo tantam superbiam tribuunt scripturæ, ut omnium aliorum, tam veri Dei, quam falsorum numinum nominibus & imaginibus peremptis, abolitis & funditus sublati, se solum ut Deum, in templo Dei ostensurum adfirmant:* quomodo vero hic tanto cum zelo idoli seu statuæ suæ honorem defendit? Sed impleta est hæc quoque particula vaticinij, quando contra leges, & statuta Papæ, quibus totum Imperium Romanum regere audet, ne quidem hincere licet, sub interdicto ignis & aquæ, imò sub interminatione indignationis divinæ, juxta illud Juris Pontificij: *Nullo omnino hominum liceat hanc paginam nostram statuti, ordinationis & decreti infringere, vel ei ausu temerario contraire, Si quis autem hoc attentare præsumserit, indignatio*

gnationem omnipotentis Dei & Beatorum Petri
& Pauli Apostolorum se non verit incursum.
Et hæc de quarto capite.

Extrav.
de officio
delegat.
cap. sedes
Apostolorum.

In probatione quinti ipse despera. Pro eo
enim adfert loca scripturæ, quibus docetur,
Antichristum seducere eos, qui pereunt, &
terram dividere inter suos gratuito. 2. Thess.
2. Dan. 11, 39. inde. n. inferre videtur: Ergo ma-
gnis sumtibus conducet, qui hominibus per-
suadeant, ea quæ de Antichristo prædicta
sunt, jam pridem impleta esse. Quæ quomo-
do cohæreant, quilibet qui sanæ mentis est,
judicare poterit. Viderit interim Apostata,
quomodo his vaticinijs satisfaciatur Papa, alli-
ciendo muneribus & honoribus doctos ac
indoctos, seducendo erroribus suis eos, qui
pereunt, terramque dividendo gratuito inter
Cardinales & Episcopos, cæterosque magna-
tes, qui ad sandalia Papæ deosculanda se hu-
militer demittunt: præterea nihil in his testi-
monijs reperiet, quod quidem ad rem faciat.

Sextum caput prolixa probatione opus
non habet. Nam ipsa dies loquitur, quantis
persecutionibus adhuc sæviat Antichristus
in constantiores fidei Christianæ confesso-
res: inprimis autem docti ruunt in gladio &
in flamma, & in captivitate & rapina dierum,
ut Daniel prædixit cap. 11, 31. Actum agerem,

si hoc prolixius docerem, de quo tot martyrum historiae, tot tyrannidis Antichristianae exempla jam in publicâ luce versantur. Et nimis hebes est, qui auribus lupum non tenet, si modo animadverterit *αἰετὶς* Italicas, furores Hispanicos, proditioes Gallicas & Anglicanas, quibus etiamnum per sanguinarios istos Monachos, nigellös Esavitas, vitæ fortunatumq; creant pericula omnibus sine discrimine, qui Papæ stercora adorare nolunt: per vim quidem, ubi potiri possunt, tenuioribus; per insidias autem magnatibus, idq; jure se facere posse sunt persuasi; id quod ipsorum libri, disputationes, sermones, de fide hæreticis non servandâ, de sacerdotibus excelsorum occidendis, de vindicta Reipub. Christianæ adversus Reges impios & hæreticos, &c. testantur, & discipuli ipsorum apertè fassi sunt. Unde & nonnulli subducto calculo invenerunt, ab eo tempore, quo Esavitæ, orti sunt, usq; ad annum 1580, hoc est, paulò pluribus quam triginta annis, constantium fidei Christianæ confessorum novies centena millia hominum trucidata esse in Belgio, Gallia, Anglia, Italia & Hispania, inter quos fuere principes 39, Comites 148, Barones 235, Nobiles 147515, cæteri plebei 70060. Quid si subsequentiū horum viginti sex

*Vide Catechesin les
sultarum
German.
lib. 3. cap.
8.*

*D. Mgl.
conc. 5. de
Papa pag.
75. ex D.
Sacco.*

ti sex annorum martyres adderentur, qui non tantum in illis provincijs, sed & in nostra Germania, cædes & exilia eo nomine perpeffi sunt, profectò parum aberit, quin iste numerus duplo augeretur, Hoc nimirum est, crudelissimis supplicijs sævire in eos, qui in fide Christi constantiores reperiuntur; hoc est tribulationem facere magnam, qualis non fuit ab initio mundi: interficere robustos & populum sanctorum; imò hoc est ebrium fieri ex sanguine sanctorum, & ex sanguine martyrum Christi, quod de Romanâ Thaide prædixit D. Johannes Apocal. 17. Atque sic prorsus nihil est, quod in impletione hujus capitis desiderari queat.

Matth. 24.
21. Dan.
8. v. 25.

Caput septimum de charactere Antichristi agit, quo insigniturus erat suos, juxta vaticinium S. Johannis Apoc. 13, 16. Quem quidem characterem Apostata more Papistico de externa quadam semperq; visibili nota fronti vel dextræ impressa accipit: quis autem vel qualis ille character Utopici sui Antichristi sit futurus, non exprimit. Ut igitur ipsi hac quoq; in parte gratificemur, facilimè hunc characterem ostendere possumus in Papatu. Pontifex enim Romanus ad sacras præbendas, & officia publica admittebat neminem, nisi qui in fictitio Confirmationis

Sacramento exorcisato chrismate inunctus in fronte, characterem accepisset indelebile in anima, ut vocatur in Trident. concil. sess. 7. can. 9. & nisi dexterâ suâ in omnes Ecclesiæ Romanæ articulos jurasset, quod qui non facerent, hi nec domicilium habebant, nec larem fovebant, nec contractus inibant, nec negotia & mercantias exercebant, nec humanitatis sodalitia cum Christi fidelibus habebant; ut Martinus V. Papa sancivit in bulla ad inquisit. hæret. pravit. Hac nimirum obligatione tam sancta per Chrisma & iuramentum accipiebant characterem in fronte & dextrâ. Sic sacerdotibus non licebat celebrare missas, ijsq; nundinari, meritaque missarum divendere, aut alijs pro certo precio applicare, nisi accepissent prius in Sacramento (quod vocant) ordinationis characterem indelebilem: quod erat itidem execrabile illud chrisma, multis incantationibus & exorcismis confectum, quo unguntur sacrificuli in fronte & manu dextrâ. Ergo Chrisma illud Pontificium est character ille bestię, in fraudem unici illius characteris, sanguine JESU CHRISTI nobis impressi in Baptismo. Habuit igitur hæc quoque nota Antichristi jampridem suum complementum.

Octavum caput ex eodē loco Apocalyp-
 tico deducit, ubi dicitur: Numerus bestiae est
 numerus hominis, & numerus ejus 666, in
 quem locum ita commentatur Apostata: *cujusmodi nomen sit futurum, divinari non posse, nisi quod ex literis ejus numerum 666, effici in Apocalypsi doceamur*: cujus rei exemplum pro-
 ducit, Bellarminum imitatus, corrupta illa
 nomina MARTIN LAUTER & Davidis
 Chythræi nomen, Hebræis literis scriptum;
 sed valde ridiculè, cum nullius artificij aut
 difficultatis sit, corrumpere nomina, ut nu-
 merus ille 666. juxta valorem literarum ipsis
 congruat. Ita, si ludere liberet literarum api-
 cibus, animi gratia atq; exempli loco nume-
 rum istum 666. investigare possemus in He-
 bræo nomine Bellarmini שׁלמה בן יוסף aut no-
 stri Scioppij, hoc pacto, שׁכר יוסף . Parum
 abest, quin eundem numerum in græco no-
 mine ἐκκοπιος , quo hodie utitur Apostata
 (quomodo cras appellari velit, ipse jam deli-
 berat) reperiamus. Fortasse cras vocabitur
 Ciopius, ἐκκοπιου , & sic numerum hunc ex-
 actè continebit. Solet enim homo iste cum
 religione nomen mutare, ita ut difficile non
 sit, hunc ei adplicare numerum: in cujus rei
 fidem, lector amice, hoc vide δ'αγεμεν :

ו	6	ש	300	e	200	x	20
ל	30	כ	20	x	200	i	10
ל	30	י	10	i	10	e	70
ר	200	י	10	e	70	x	80
מ	40	ו	6	x	80	i	10
י	10	כ	2	i	10	e	70
נ	50	כ	2	e	70	v	400
ש	300	י	10	e	200	e	6
			ו	6			
666 ש			300	660	666		
			666				

*Danau in
lib. 3. Bela-
lar. de R.
P. cap. 10.
Bulling. in
cap. 113.
Apoc. ab.*

*Chytr. in
cap. 9. 11.
& 13. A-
pocal.*

Sed nolumus hujusmodi Scioppianis nugis
nimium indulgere. In apicibus enim vocum
corruptarum aut nominum priorum nu-
merus hic quærendus non est. Igitur non
desunt, qui numerum hunc intelligunt de
tempore, quo verus & insignis ille Antichri-
stus manifestabitur mundo: & dicunt fore
annum 666. ab eo tempore, quo hæc scribe-
bat Johannes; illudque tempus ponunt in
annum Domini 95, qui anni si cum 666. con-
jungantur, efficiunt annos 761, à Christo
nato, quo tempore Pipinus Rex Francorum
Romanum Pontificem in summam digni-
tatem evexit. Alij eodem ferè pacto tempus
Antichristi cum hoc numero conciliant,
ita ut doceant, hinc tempus revelati Anti-
christi cognosci posse, quod incidit in an-
num CHRISTI 666, circa quæ tempora
Bonifa-

Bonifacium III. Gregorij successorem, Episcopi universalis titulum à Phoca impetrasse constat ex historijs. Verùm Irenæus lib. 5. adv. hæres. agnoscit esse numerum hominis, ut D. Johannes nominat, non quidem personale aut proprium nomen, quale sibi fingunt Pontificij, sed appellativum & ab adjuncto aliquo sumtum. Et quia D. Johannes non exprimit idioma nominis, in quo numerus iste reperiatur (unde temeritas Apostatæ nostri colligitur, qui nomen hoc Hebræum fore scribit) idcirco Irenæus ex eâ linguâ, quæ sibi familiaris erat, & qua S. Johannes Apocalypsin suam conscripsit, tria produxit nomina, quæ sanè Pontifici R. & ejus regno apprimè congruunt, illumque numerum 666. singula continent. 1. est *διάνθης*, quod idem est, ac pulchrè feliciterque florens: nihil autem est florentinus & ad votum illud filiorum peregrinorum Psal. 144, 12. accommodatius, quam regnum Papale. 2. *τρίτων* nomen solis, qui à Barbaris adoratur. Papa verò soli se comparat, seu majori illi luminari, quod Deus in cœlo posuit, ad illuminandum diem, sibi que divinum adorationis honorem tribuere non erubescit. 3. *λατίνος*, nomen gentis. Latini autem sunt, inquit Irenæus, qui nunc regnāt,

I 5 & inter

& inter eos regnat Pontifex Romanus, qui, quod Bellarminus defendit lib. 5. de R. P. c. 9. & 10. etiam ut princeps politicus gladio temporali præest Romano seu Latino territorio, & jure se præesse putat: unde omnia jam latina habet latinam Ecclesiam, latinas preces, missam latinam, Biblia latina in concilio canonisata; omnia sacra latina; regnum deniq; latinum. Ita q; nomen regis à regno sumsit D. Johannes, quemadmodum Rex Hispaniarum aut Galliarum, non semper proprio personali nomine, sed usitatissimè à regno Hispanus aut Gallus nominatur. Elige tibi ex hoc numero, Apostata, quodcunq; voles, vides utiq; etiam hanc vaticinij particulam Antichristo tuo larvato nihil prorsus convenire, Pontifici verò tuo omnium optimè accommodari posse.

Nonnum caput ne quidem semel probare conatur. Vivunt autem per Dei gratiam aliquam multa Christianorum millia, qui characterem bestiae non acceperunt, & famem nondum passi sunt, nedum ea enecti: ergò impudens hoc Scioppij commentum est, & nescio, an à quovis Utopici istius Antichristi patrono adsertum, *fame morituros, quicunq; Antichristi characterem non acceperint.* Videat itaq; & rideat mihi homo pius hunc nugatorem.

In decimo capite proponit fabulam de Enoch & Elia, prædicaturis Evangelium, durante regno Antichristi, a quo tandem interficiendos eos esse narrat. In probatione huius capitis docet, 1. *Judæos hodieq; inter Traditiones à majoribus acceptas hanc habere, Eliam in tempore Gog in terras reversurum.* Nos vero fabulas & traditiones Judæorum non moramur: & si Bellarmino (quanquam sinistro judicio) *visum est malè consuli Ecclesiæ, si in rebus gravibus recurrendo ad Hebræos codices Biblicos, veritatem à Rabinis hostibus mendicare deberet:* multo magis, imò longè verius judicamus, pessimè consuli rebus fidei, si ex traditionibus Judæorum, h.e. fabulis & commentis hominum emendicemus veritatem. 2. Adducit ex scripturis loca nonnulla, quæ translationem Enochi & Eliæ in cælum partim describunt, partim confirmant: de quibus sanè nulla nobis est controversia, ideo hoc labore supersedere potuisset. 3. Denique alia proponit, è quibus reditum istorum sanctorum ad has terras demonstrare conatur. Primus locus est Ecclesiastici cap. 48, 9. qui dicit, *Eliam in hoc conscriptum esse, ut in judicijs temporum leniat invidiam Domini, & conciliet cor Patris ad Filium, & restituat tribus Jacob.* Ipse sonus verborum arguit,

pag. 86.

lib. 2. de
verbo Dei
cap. 10.

De cap. 4.
Malach.

arguit, respicere Siracidem ad locum Mal. 4, atq; falsa opinione deceptum existimasse, Eliam ipsum in persona rediturum, cum tamen aliter doceremur in novo Testamento, quemadmodum in vera expositione loci Malachiae jam indicabitur: ergo hac autoritate libri Apocryphi hoc loco non movemur, Secundus igitur locus est Malach. 4. quod totum caput novus hic Bibliorum interpres de Antichristi temporibus interpretatur, sed absurdè pariter ac impiè. Nam manifestum est, vaticinari Prophetam de ortu & nativitate CHRISTI, quem solem justitiae nominat, vers. 2, oriturum timentibus nomen ejus, quem Zacharias etiam jam ante in simili vaticinio *virum orientem* nominaverat, Zachar. 3, 8: 6, 12. ex quibus locis Zacharias Baptistae pater ipsum *orientem ex alto* vocabat, Luc. 1, 78. Ita quod Propheta de Christi ortu praedixit: id novitius hic interpres de ortu Antichristi, & velut occasu Christi circa tres postremos mundi annos exponit: quod Propheta versu 4. de lege Moysis servanda auditoribus inculcat; hoc iste de legis transgressione accipit: quod Propheta de lege in Horeb monte Judaeae lata loquitur, hoc iste de arca foederis in terra Moabitarum monte Nebo reperienda interpretatur. Adeo fortiter spirat Antichristianus iste spi

iste spiritus ex hoc homine, qui linguam suam
 ad id quasi conduxit, ut Christo & Prophetis
 ejus in os obloqueretur. Id quod manifestius
 fiet, ex postremis duobus versiculis, in quib.
 adventus Eliæ promittitur, ante quam veniat
 Christus in carnem, qui convertat corda pa-
 trum ad filios, &c. Nam dum iste etiamnum
 expectat Eliæ adventum, vel potius reditum
 in terras, eo ipso obloquitur S. S. Prophetis, &
 Christum in carnem nondum venisse credit;
 quia præcursor ejus, ex opinione sua, nondum
 venit: hic autem Judæorum error est, & Ju-
 daizantium hæreticorum, qui ante ἡλφμεν, ἢ
 suum Heliam putant esse venturum & resti-
 tuturum omnia, dicente Hieronymo super
 cap. 4. Malach. Dum autem Eliæ Prophetæ
 reditum à Malachia promissum opinatur, ob-
 loquitur ipsi Christo, qui hunc locum de Io-
 hanne Baptista interpretatur, Matth. 11, 24.
Si vultis eum, (Iohannem) recipere, ipse est E-
lias, qui venturus est: obloquitur etiam Ar-
 changelo Gabrieli, qui hunc locum Prophetæ
 expressis verbis directè de Iohanne interpre-
 tatur, Luc. 17. *Ipse præcedet ante illum in spiritu*
& virtute Eliæ; ut convertat corda patrum ad
filios, & incredulos ad prudentiam iustorum, parare
Domino plebem perfectam. Ergo complemē-
 tum suum habuit hoc vaticinium in Iohanne
 Baptista

Baptista, qui integro semestri nativitate sua adventum Christi incarnem antecessit, & cō-
 cionibus suis Christo ministerium suum jam
 incoaturo viam pręparavit. Neq; verò ob-
 stat, quod Scioppius hoc vaticinium Mala-
 chię de ultimo Christi adventu accipit: ne
 cogatur vel Judæismum, admittere vel vati-
 cinij hujus impletionem jam factam conce-
 dere; idq; ex hoc fundamento; *quia dies ad-
 ventus DOMINI vocatur dies magnus &
 horribilis, cum vicissim dies incarnationis fue-
 rit dies salutis & benignitatis.* Nam 1. posse-
 mus hic cum quibusdam illud Hebræum
 יְהוָה reddere, non, horribilem, sed *re-ve-
 rendum & honorabilem*, qualis dies omni ho-
 nore & veneratione dignissimus fuit dies in-
 carnationis Domini: quippe dies ille, quem
 fecit Dominus. 2. Possemus cum Pontificio
 quodam scriptore diem illum horribilem in-
 telligere de judicio Dei, quo tempore Titi &
 Vespasiani terram Judæorum percussit, quia
 prædicatione Johannis Baptistę noluerunt
 credere. Sed sciendum est 3. loco diem illum
 Incarnationis Domini, & salutarem fuisse &
 horribilem, diverso respectu: salutaris ap-
 paruit *hominibus* Tit. 2, 11. in primis autem, ut
 Zacharias ait, nomē Domini timentib. Zach.
 3, 8. magnus autem & terribilis *diabolis*, quib.
 apparuit Messias, nō ut Salvator, sed ut deva-
 stator

Sib. Lub.
 lib. 10. de
 Papa c. 7.
 Mat. Sus.
 lin. lib. 5
 de R.P. c.
 21.

Ioh. Ferus
 in cap. 11.
 Mattho.

stator operum diabolicorū 1. Ioh. 3, 8. idq; ipsi
 diaboli fatentur, Mat. 8, 29. *quid nobis & tibi Je-
 su fili Dei? venisti huc ante tempus torquere nos.*
 Horribilis etiam erat incredulis Iudæis. Nam
 cum adventu Christi in carnē, perditio simul
 gentis Iudaicæ adveniebat, propter stupendā
 contumaciam, qua excæcati noluerunt salutē
 mundi recipere: quam ob causam ipsi reje-
 cti, & in ipsorum locum gentiles recepti fue-
 runt, quemadmodum Prophetę prædixerant.
 Proinde & Iudæis, & Pontificijs Iudaizantib.
 qui Elię Prophetę adventū adhuc expectant,
 respondemus ex ore Salvatoris, qui in simili
 casu discipulis suis ita respondebat, Mat. 17, 9.
Elias quidem venturus est, & restituet omnia:
dico autē vobis, quia Elias jam venit, & non co-
gnoverunt eum. Utinam autem, quemadmo-
 dum discipuli Christi; sic & Iudæi & Papico-
 læ Iudaizantes non tantum quærerent, sed &
 intelligerēt cum discipulis, quod de Iohanne
 Baptista & Christus & Propheta Malachias
 dixisset! nam quod personam Elię Thesbitæ
 in cælum recepti, frustra præstolentur, exinde
 colligere deberent, quod Iohannes Baptista
 interrogatus; num esset ille Elias Thesbites,
 cum se esse negavit, Ioh. 1, 21. quia nimirum
 istum Eliam rediturum nescivit; cum tamen
 non potuerit esse nescius, quam graviter &
 constan-

constanter Gabriel Archangelus vaticinium
 Propheticum de Elia, ad se suumq; officium
 accommodaverit. Quapropter, etsi nonnulli
 ex patribus, inprimis Augustinus tract. 4. in
 Iohan. Cyrill. lib. 1. in Ioh. cap. 24. Damasce-
 nus: lib. 4. Orthod. fid. cap. 28. hunc locum
 de Elia Thesbite ante finem mundi adventu-
 ro, falso Iudæorum errore fascinati, accipi-
 unt: tamen multitudo errantium non facit er-
 rori patrocinium: antiquitas nostra Christus
 est hoc in loco, & si ab illo discesseris, Arch-
 angelus Gabriel, & Johannes Baptista, testes
 omni exceptione maiores; qui luculentissi-
 mis verbis super istum Prophetæ locum quasi
 commentarium scripsere, à quo vel latum un-
 guem recedere in ullius hominis gratiam, reli-
 gio nobis fuerit. Quartus locus ab Apostata
 adducitur ex Apoc. 11, 3. ubi legitur de duobus
 testibus, eorumq; prædicatione & miraculis,
 tempore Antichristiani regni: item quomodo
 finito testimonio suo interficientur ab Anti-
 christo, & post tres dies & dimidium revivif-
 cent, &c. Hæc omnia Scioppius *et patet* acci-
 pit de Elia & Enocho: hos prædicaturos dicit
 ante finem mundi, durante regno Antichristi,
 dieb. 1260. hos itidem interfectos iri ab Vto-
 pico isto Antichristo, & tandem post tres dies
 & dimidium in vitam redituros, & sic multos
 in fide

*De loco A.
 po. 11, 3.*

in fide Christianorum confirmaturos: Judæos autem quam plurimos conversuros, ut in sequente membro paulo post sequetur. Sed sunt hæ nugæ gerris Siculis vaniores. Etiam ipsum è paradiso non rediturum, jam audivimus: ergò nec Enochum: multò minus amplius aliquid perpeffuri sunt inter homines. Sanctorum enim animæ in manu Dei sunt, & non patiuntur tormentum Sap. 3, 1. magnus hiatus est confirmatus inter hos & cæteros, ut è sede beatitudinis suæ exire non possint, ut ex parabola Christi colligitur, Luc. 16, 26. corpora quoq; ipsorum sunt glorificata & ἀπὸ θ. ὡς, ut constat ex 1. Cor. 15. quomodo ergò Antichristus in ea sævire poterit? Præterea regni Antichristiani & prædicationis istorum duorum testium idem erit terminus, nimirum finis mundi: nam ut duobus testibus dies 1260; ita Antichristo menses 42. (quos diebus illis respondere dicit Apostata) adsignat D. Johannes: quomodo igitur Enoch & Elias ab Antichristo poterunt interfici? Quod si locum habet figmentum Apostatæ, interficientur hi duo testes ab Antichristo post mortem Antichristi. Prædicabunt enim usque ad finem mundi: Antichristus autem diebus 45. ante finem mundi interiturus scribitur ab hoc Apostata: porrò si cadavera illorum jacebunt in plateis civitatis ma-

tis magnæ, quam Hierosolymam esse volunt
 Pontificij, idq; diebus tribus cum dimidio,
 sequitur, post finem mundi, consumtis omni-
 bus elementis superstitem adhuc fore Hiero-
 solymam; & hos duos testes diebus tribus
 cum dimidio post novissimum diem resurre-
 cturos, & sic novissimus dies non erit novis-
 simus: quæ omnia quam concinnè cohære-
 ant; quam benè consentiant; judicet ipse A-
 postata, si bonus est. Præterea si prædicaturi
 sunt ipsissimi Enochus & Elias, paulò ante
 novissimum diem, & quidem prædicatione
 sua multos conversuri ad fidem, multos in-
 fide confirmaturi; quid fiet illi Salvatoris,
 Luc. 18, 8. *Filius hominis veniens putasne fidem
 inveniet in terrâ?* Scilicet discipuli erunt su-
 pra magistrum! Ulterius si diebus tribus &
 dimidio præcisè juxta vulgares dies nume-
 ratis, prædicaturi sunt, nonne certissimus
 dari poterit dies, imò momentum exactum
 adventus Domini ad judicium; istis ad mi-
 nimum hominibus, qui tum in vivis sunt fu-
 turi? id verò & angelis & ipsi Filio hominis
 in statu exinanitionis suæ non fuisse cog-
 nitum, ex sacris literis didicimus, Mar. 13, vers.
 32. imò ignorare nos illud voluit Deus, Matt.
 24, 44. Act. cap. 1, vers. 7. Hæc absurda omnia
 fabulam illam Papisticam de Enoch & Eliæ
 concionibus, miraculis, interitu, & resurre-
 ctione non immeritò suspectam faciunt.

Scire autem debet Apostata, ea quæ de testibus illis prædicuntur, jampridem fuisse completa. Testes enim illi nihil aliud sunt, quam orthodoxi confessores veritatis, inprimis autem sinceri Ecclesiæ doctores; quorum duo hic, indefinitè tamen & absq; nomine, introducuntur, quia in ore duorum aut trium consistit omne verbum Deut. 19, 15. Matth. 18, 16. Joh. 8, vers. 17. 2. Cor. 13, 2. Heb. 10, 28. quia etiam pauci erunt, & duas doctrinæ Christianæ partes, Legem & Evangelium prædicabunt. Erunt induti saccis, quia homines inprimis ad agendam poenitentiam cohortabuntur: hi magnâ erunt autoritate præditi, ut impetrare possent à Deo precibus quidquid salutare esset Ecclesiæ, & noxium hostibus, non secus ac olim Elias precibus suis cælum claudere & recludere potuit, 1. Reg. 17. 2. Reg. 1. Tempus prædicationis certum pro incerto ponitur, quia Deus verbi sui prædicationem conservabit ad finem usque mundi, quem certò constituit, nobis autem incertum esse voluit: tale tamen tempus exprimitur, quale ferè etiam durationi regni Antichristiani destinatum est, ut doceretur, durante Antichristi tyrannide, nunquam defuturos Ecclesiæ ingenuos veritatis confessores. Tandem autem occiduntur ab Antichristo, qui sanguine martyrum & confesso-

rum istorum factus est jampridem ebrius, quorū cadaveribus oculos pascit in ipsa urbe, quæ spiritualis est illa Sodoma & Ægyptus, in qua Christus in membris suis quotidie crucifigitur: sed Deus continuo alios dedit Ecclesiæ suæ doctores & confessores, in quibus spiritus priorū martyrum ac confessorū revixit, quosq; Romana bestia non potuit occidere, sed spiritus ipsorum placida morte adscendit in cælum, quemadmodum hoc in Beato Patre LUTHERO & fidelibus ejus ~~omnibus~~ ^{omnibus} eventus per Dei gratiam comprobavit. Quod si in his mysterijs Apostata omnia secundum literam vult intellecta, modò ne cogatur Antichristum in Pontifice suo agnoscere; utiq; jam modò vidit, quibus se tricis & absurdis implicet: pariliq; facilitate Judæi omnia vaticinia de Messia in carnem adventu enervare poterunt, quia gladij nondum versi in vomeres, neq; mons domus Domini in vertice montium positus, quod prædictum fuit Esa. 2, 2. Mich. 4, 1. nec omnes viæ planæ sunt, quod prædicitur. Esa. 40, 4. &c. quæ omnia qui secundum literam accipienda esse contendit, nã illum in Prophetarum scriptis hospitem esse, & in Anabaptistarum castra palam concedere necesse est. Sed dimittimus vel tandem Eliam & Enochum: & ad caput undecimum progredimur, in quo de con-

de conversione Judæorum ex istâ Eliæ & Enochi prædicatione subsequeturâ, agitur. Ea vero ex hoc ipso fundamento concidit, quia figmentum Eliæ & Enochi prædicatione jam dirutum est. Alias Judæorum nonnullorum conversionem ante diem novissimum futuram, non imus inficias: promisit enim Deus, se tempore Novi Testamenti etiam possessurum Judam partem suam Zach. 2, 12. & Apostolus testatur, cæcitatem ex parte contigisse in Israël, donec plenitudo gentium intraret Rom. 11, 25. sed de conversione ex prædicatione Eliæ & Enochi tempore Antichristi istius Utopici oritura nihil prorsus habet universa scriptura, & dicta, quæ noster Apostata hic producit, id quod ipse vult, nequaquam probant. Primum enim locus, Ose. 3, 4. agit quidem de conversione filiorum Israël ad Dominum Deum suum, & ad David regem suum, hoc est, ad Christum ex prosapia Davidis oriundum, qui itidem David appellatur, Jere. 30, 9. Ezech. 34, 23. Sed hæc conversio non demum fiet annis tribus cum dimidio ante novissimum diem, sed jam facta est, & etiamnum fit, quando nimirum subinde Judæorum aliqui, Deo largiente virtutem, partim diuturno suo exilio edocti; partim vanâ Messiae sui expectatione defatigati; partim etiam verbo Dei, viva voce

*De loco
Ose. 3. 4.*

Scriptisq; à Christianis prædicato, adducti & convicti agnoscunt promissiones de Messia in JESU NAZARENO adimpletas esse. Hi nimirum sunt dies illi novissimi, quos Apostolus Paulus plenitudinem temporis appellat Gal. 4: videlicet, non dies Antichristi Papistici, sed dies Christi incarnati; quo tempore absque rege, absque principe, absq; sacrificio & sacerdote fore Judæos, ipsorum Rabini ex hoc Prophetæ loco agnoverunt, quemadmodum ipsorum verba annotavit P. Galatinus lib. 9. cap. 6. Unde sequitur, complementum hujus vaticinii non præcisè ad ultimos tres mundi annos, sed ad totum tempus Novi Testamenti referendum esse. Deinde locum Dan. 12, 1. *In tempore illo salvabitur populus tuus* (Judaicus, addit de suo Apostata) *omnis qui inventus fuerit scriptus in libro vitæ*; de temporibus Antichristi revelationē insecutis libenter intelligimus: sed de salute populi tantum *Judaici*, quod vult Apostata, salvā pietate & illibatā veritate vaticinii, nō possumus. Non enim Judaicus tantum populus inscriptus est in librum vitæ, quemadmodum nec ille solum salvabitur; sed sicuti salus, ita & inscriptio in librū vitæ, seu electio ad salutem omniū est, qui invocant nomen Domini Joel. 2, 32. h. e. omnium qui sunt *ἐκ τῆς ἐκκλησίας* in Christo, interprete D. Paulo Eph. 1, 6. five

De loco
Dan. 12.
v. 1.

five gentes sint five Judæi, modò per fidem in Christo fuerint. *In Christo enim Iesu neq; circumcisio aliquid valet, neq; præputium, sed nova creatura*, Gal. 6, 15. atq; hanc ob causam universaliter loquitur de salute *omnis populi* in librum vitæ inscripti. Solatur itaq; Deus Ecclesiam, quod in medijs Antichristi furoribus nihilominus sibi reservaturus sit electos & verè fideles, qui miraculis ac prodigijs Pseudoprophetarum in regno Antichristi seduci non poterunt, Matth. 24. sed salvabuntur quotquot inscripti fuerint in librum vitæ, sine respectu gentis aut personæ, eò quod impossibile sit, electos gratiâ Dei finaliter excidere aut perire posse. Tertius locus ex Luc. 2, 24. ad institutum Apostatæ planè est *καὶ ὁ πόλις ἱερουσαλὴμ ὑποτασσεται ὑποτασσεται τοῖς ἔθνεσιν*. Ita enim habent verba: *Ierusalem calcabitur à gentibus, donec impleantur tempora gentium*. Apostata legit, *tempora nationum*, & interpretatur de conversione gentium, ex illo Apostoli Rom. 11, 25. *cæcitas ex parte contigit in Israël, donec plenitudo gentium intraret, &c.* Sed multiplex hic error est. 1. in græco non legitur *tempora ἔθνων* sed *ἔθνων*, quod vocabulum hic, de gentibus à Judæis contradistinctis usurpatur. 2. Nulla est consequentia: *Ierusalem calcabitur à gentibus, donec convertantur nationes*: ergò prædicatione Eliæ & Enochi trib. annis ante finē mundi cōvertentur Indæi: ut nihil di-

cam, quod Antichristus ille Papisticus, qui ex opinione Pontificiorum calcabit Jerusalem non erit ex gentibus, sed Judæis, fatente Apostata. 3. non loquitur ibi Salvator de periculis antecedentibus finem mundi, sed excidium populi Judaici. Ergo totus hic Apostata in ignota versatur regione. Vera autem sententia est, quod Jerusalem a gentibus, Romanis nimirum, obsidenda, destruenda, conculcanda, dominioq; imperij possidenda sit tamdiu, donec tempora domini gentibus impleantur, seu donec Judæi non amplius peregrinū, sed Judæum habituri sint Dominum: id verò nunquam fiet: semper enim gentes, h. e. vel Christiani vel Turcæ Judæorum erunt domini, usq; ad consummationem seculi. Est igitur hæc perpetuæ servitutis descriptio, quā Judæis post ultimum urbis excidium Dominus jampridem prædixerat Dan. 9, 22. *usq; ad consummationem & finem perseverabit desolatio.* Quartò producit locū ex Apoc. 7, 4. ubi scribitur numerum signatorum ab Angelo fuisse 144000. Hos putat esse eos, apud quos prædicationes Eliæ & Enochi profecerint: quibus addit alia centū quadraginta quatuor millia, quorū meminit D. Johannes Apoc. 14, 1. Sed revera non est hæc confirmatio, sed levissima detorsio textus Biblici. Nam in illis locis ne jota quidem extat de prædicationibus Eliæ & Enochi

Enochi: hanc igitur expositionem suam ad hæc loca affert Apostata, nō inde aufert, quod non est candidi interpretis. In septimo enim capite nihil adhuc habet de Antichristo, sed de hæresibus, quæ bonam partem ante revelationem Antichristi Ecclesiam vastaturæ erant; quales erant hæreses Tatianorum, Marcionitarum, Noyatianorum, Arianorum & similium, inter quas tamen Deus electos suos sibi cōsignasse dicit, quos errores illi seducere nō poterāt, tã ex omni tribu Israel, quã ex omnibus gentib. & tribubus & populis, & linguis, ut vers. 9. sequitur; idq; ex parte Apostata ipse nō diffitetur, quando pag. 94. caput nonum Apocal. ad primum Væ refert, quod est hæreticorum ante Antichristi tempora: ergo multo magis septimum eò referendum erit. In cap. 14. agitur quidem de temporibus Antichristi, quomodo Deus semper aliquos signaturus sit, quibus errores & blasphemix Antichristi nocere nequeāt; sed nihil ibi legitur de prædicatione Eliæ & Enochi. Fit hoc ex bonitate Dei quotidie, per ministerium eorū, qui orthodoxè docent de Deo Patre & Filio, ejusdēq; essentia, personā, voluntate & officio: qua doctrina multi signantur & cōfirmantur in agnitā veritate. Frustra igitur hæc omnia pro Judæorū conversione, opera Eliæ & Enochi triennio ante finem mundi futura, adducta fuerunt.

De loco
Dan. 11.
ver. 41.

Sequitur duodecimum caput, de fuga Ecclesiae in deferta, & cessatione sacrificij tempore Antichristi. Pro fuga Ecclesiae adfert primò locum Danielis ex cap. 11, 41. *Introibit Antichristus in terram gloriosam & multæ corruent; hæ autem solæ saluabuntur de manu ejus, Edom & Moab & principium filiorum Ammon.* Neq; de fuga Ecclesiae, neq; de fuga in desertum verbulum extat in hoc loco: sed de nonnullis è manu Antichristi liberandis, quod licet non per fugam in desertum, alio tamen fieri potuit modo: idq; factum est, durante tyrannide Papæ, pleniq; velis in Ecclesiae grassantibus persecutionibus ejusdem. Ibi enim ex Antichristi manibus erepti sunt. 1. *Edom*, id est, sancti martyres (Edom enim à sanguineo colore nomen habet) qui bestiae Romanæ ad sanguinē usq; restiterunt, veritatemq; cœlestē contra errores Antichristi morte sua obsignarunt. 2. *Moab*, h. e. confessores veritatis intrepidi, sub ipso regno Antichristi, qui **ANIM**a Patre suo cœlesti & fide in Christum nunquam defecerunt, licet ob confessionem istam non fuerint interfecti, sed mirabili modo ex sanguinolenta manu Antichristi liberati, quorum catalogus benè longus in multorū libris recitatur, & eorū cōfessiones, protestationes & testimonia contra Papatū deposita in Catalogo testiū veritatis reperiūtur.

3. *Princi-*

3. *Principium filiorum Ammon*, h. e. infantes baptisati in Papatu, & post baptismū statim defuncti. Hi sanè omnes furores Antichristi effugerunt, & ab erroribus ejus liberati conscientia purā & fidē nō fictā retinuerunt: quos propterea Spiritus S. introducit sub imagine Edomitarū, Ammonitarū, Moabitarū, gentium abjectissimarū, in conspectu Judæorum; quia nihil abjectius vilius & execrabilius est Antichristi satellitibus in Papatu, quam illi tres hominum cœtus, quos etiam non nisi odio hæreticorum nomine diffamare solēt, quos tamen Deus pro nucleo electorum suorum, tanquam ex manu Antichristi singulari consilio ereptos, habere solet. Deinde adfert locum Esaia cap. 16, 4. in cujus explicatione prorsus cæcus est glossator noster. *Absconde*, inquit Propheta, *fugientes* (Antichristum, ait Apostata, cujus typus erat Nebuchodonosor) *& uirgos ne prodas: habitabunt apud te* (in desertis tuis, addit Apostata) *profugi mei: Moab estolatibulum eorum à facie vastatoris* (propter Antichristum, ait ille, se occultantes) *finitus est enim pulvis* (Chald. hostis) *consummatus est miser* (Chald. deprædator) *qui conculcabat terram. Et preparabitur in misericordia solium* (i. e. ait glossator, post Antichristum statim sequetur judiciū) *& sedebit super illud in veritate, in tabernaculo, judicans & quærens judiciū,*
& velo-

De loco
Esa. 16. 4.

& velociter reddens, quod justum est. His verbis, quæ de populo Dei scribit Propheta, miser iste scripturæ interpreter, perversa plane ratione de Antichristo accipit: quæ Propheta de regno gratiæ Christi; ille de judicio Christi novissimo intelligit: & sic totum hunc locum pessimè corrumpit. Manifestum enim est ex toto isto capite, Esaiam contra Moabitas stilum stringere, iisq; pœnas divinitus destinatas prædicere: inprimis autem exilium & devastationem terræ suæ. Cum enim antehac Moabitæ plus satis Iudæos risui & despectui habuissent: Jam Dominus vicissim ridet eos, & ironice ipsis suadet, ut abscondant & recipiant fugientes & exulantes Iudæos, exprobrans hoc pacto ipsorum inhumanitatem, quod consanguineorum suorum Iudæorum hætenus nullam curam habuerint, nec hospitio eos exceperint, sed hosti prodiderint: nunc autem rem eo rediisse, ut licet fugientes recipere, persecutionem patientes ab hoste defendere velint; id tamen facere non possint: ipsos enim patriâ extorres, omnibusq; destitutos auxiliis, nō habere, ubi consistent: sublato esse è medio hostes & depredatores Iudæorum, ipsosq; Iudæos in integrum restitutum iri, quorum felicitatem ipsi non sine invidia sint visuri. Atq; hac occasione digreditur ad descriptionem regni Christi, quod

sti, quod sibi in hoc mundo præparaturus sit in misericordia & veritate; in tabernaculo seu domo Davidis, unde Christus secundum carnem oriundus erat, in quo regno Iudei pariter & gentiles spirituales animæ felicitate perpetuo sint habituri. Quæ verba perperam & sine ulla ratione Apostata de novissimo iudicio intelligit. Nam 1. hoc solium præparavit sibi Christus *in misericordiâ*: in novissimo autem iudicio non amplius erit misericordiæ locus, sed iustitiæ, unde iudicium illud vocatur iustum iudicium, Rom. 2, 5. & ipse iustus iudex 2. Tim. 4, 8. hîc autem in Ecclesia locus est misericordiæ, ubi absolvit peccatores ex merâ gratiâ & misericordiâ, quæ absolutio ultra hoc seculum extendi non potest. 2. Præparavit hoc solium *in tabernaculo seu domo David*: tabernaculum autem seu solium extremi iudicii aliter describitur, nimirum ut solium gloriæ, Esai. 63, 15. ut sedes virtutis ac maiestatis, Mat. 24, 30: 25, 31: ut solium excelsum & elevatum, Esai. 6, 1. quæ omnia ad tabernaculum David non quadrant; quod humile & contemptum erat. In regno autem gratiæ suæ apparuit in domo David, è qua natus erat secundum carnem, Rom. 1, 3. & è qua patribus olim promissus fuerat, in primis 2. Sam. 7, 12. ideo in veritate dicitur sedere super solium, quia promissiones Patribus factæ in

ctæ in ipso certò erant adimplendæ. 3. dicitur *velociter reddere quod justum est*, vel juxta Hebræum codicem, *accelerare judicium & justiciam suam*. Jam verò si de novissimo judicio hic loquitur Propheta, non esset acceleratio, sed quasi procrastinatio justitiæ suæ: ipse verò non differt justitiæ suæ rationes in ultimum usq; judicium, sed qui non credit in eum, JAM judicatus est, Ioh. 3, v. 18. & in foro justificationis nostræ non multis ambagibus utitur, sed in momento absolvit peccatorem credentem. Ita pulcerrimum hoc vaticinium insulsus iste glossator transferendo & crinibus trahendo ad Antichristum suum, miserè depravavit: quod jam in integrum restituiimus. Et hæc de fuga Ecclesiæ in deserta attulit: in quibus nihilominus, quam quod probare constituerat, vidimus; quod omnes pii judicent. Jam, pro cessatione sacrificij tempore Antichristi, adfert 1. Locum Danielis c. 9, 27. de defectu hostiæ & sacrificij ante abominationem desolationis in templo: quod iste de defectu Pontificij sacrificij Missæ intelligit. Sed hinc iterum, quæ de CHRISTO prædicta sunt, ad Antichristum suum detorquet. Certissimum enim est, & ab eruditioribus Pontificiorum interpretibus etiam approbatum; 1. illud dimidium hebdomadis, in quo deficiet hostia,

De loco Daniel. 9. v. 27.

stia, notare tempus illud, quod mortem Christi paulò post fuit insecutum. 2. Opinione illam Irenæi & aliorum, (quos hoc loco sequitur Apostata) qui abominationem istam desolationis de Antichristo accipiunt, nō esse convenientem sententiæ Angeli apud Danielelem: is enim loquitur de nece Messia & vindictâ ejus necis; nō longè post LXX. hebdomadas de Judæis sumenda: unde inferunt etiam nonnulli Pontificij scriptores, quod de abominatione desolationis dicitur, ad Antichristum referri non debere, quippe cujus adventum isti in ultimum articulum mundi rejiciunt. 3. Deniq; defectū illū hostiæ & sacrificij de sacrificijs veteris legis omnibusq; ceremonialibus Judæorum intelligendum esse: ea enim abroganda erant, postquam verus ille agnus Dei in ara crucis pro nobis immolatus fuit, hostiam & oblationem offerens pro peccatis, ut Apostolus loquitur, Hebr. cap. 10, vers. 12, in quam sententiam multa habet Pererius Esavita lib. 10. in Danielē pag. 632. seqq. Ergo ex Pontificiorum etiam sententiâ nihil habet Daniel hoc loco de Missæ sacrificio. 2. Alter locus est Dan. c. 12, vers. 11. *A tempore, cū ablatū fuerit jūge sacrificiū, & posita fuerit abominatio in desolationem, dies mille ducenti nonginta.* Per hoc jūge sacrificium intelligit, juxta commu-

Vide Pererium lib. 10. in Dan. pag. 639.

De loco Dan. 12. vers. 11.

communem stilum Pontificiæ curiæ, sacrificium Missæ, quod ab Antichristo sublatum iri fingunt. Sed de tali jugi sacrificio, quale isti somniant, altum est silentium in universa scripturâ. Meminit scriptura Veteris Testamenti jugis sacrificij Levitici Num. cap. 28, vers. 31. quod ab Antiocho tollendum prædixerat Angelus apud Daniele cap. 8. & 11. In Novo quoq; Testamento fit mentio perpetui sacrificij, quod est CHRISTUS ipse, immaculatus ille Agnus DEI, de quo Epistola ad Hebræos testatur, quod æternum habeat Sacerdotium, Hebr. cap. 7, vers. 24. quodq; unam offerens hostiam pro peccatis in sempiternum sedeat in dexterâ DEI, Hebr. cap. 10. vers. 12. Præter hæc duo ullum aliud jugæ sacrificium ignorat, præsertim tale, in quo Christus quotidie denuò offeratur, quod in Missa fieri contendunt: id verò ne quidem CHRISTUS ipse facere posset, alioquin oporteret eum frequenter pati ab origine mundi, ut Apostolus concludit Heb. 9, 26: unde Augustinus fatetur, *singulari & solo vero sacrificio Christi pro nobis sanguinem effusum lib. 1. cont. adversar. legis & proph. cap. 18.* De Missa verò ne quidem Pontificij omnes hoc sacrificium accipiunt. Ita enim Pererius Esavita lib. 15. in Dan. pag. 914. Antichristus tollet è medio jugæ sacrificium vel,

vel, ut in græco est, endelechismum, quod vocabulū sonat continuitatem, nimirum divini cultus, qui in Ecclesia Deo omni tempore exhibetur: sic enim interpretantur Hieronymus & Theodoretus; & hunc Dei continuum cultum vocavit angelus jure sacrificium. Est ergo jure sacrificium Novi Testamenti passio & mors D O M I N I, & pura de ea prædicatio, qua de re Cyprianus scribit lib. 2. ep. 3. sub finem: *passio est Domini sacrificium, quod offerimus*. Hoc ergo jure sacrificium Christi à Pontifice R. sublatum est, & in ejus locum Missa substituta. Nam *ille utiq; Sacerdos vice Christi verè fungitur, qui id quod Christus fecit, imitatur, & sacrificium verum & plenum tunc offert in Ecclesia Deo patri, si sic incipiat offerre, secundum quod ipsum Christum videat obtulisse*, inquit iterum Cyprianus l. d. Christus autem jussit non offerre, sed edere & bibere corpus ac sanguinem suum in Sacramento: non sub una tantum specie, sed utraq; horum autem contrarium fit in Papatu: ergo Cypriano judice, sacerdotes Papistici vice Christi verè non funguntur, & Sacrificium verum non offerunt, sed tollunt, dum CHRISTUM quotidie incruento more etiamnum crucifigunt. Taceo, quomodo doctrina de passione & morte Domini, adeoq; universum

Evangelium enervetur & corrumpatur traditionibus de meritis & satisfactionibus hominū, de purgatorio, de indulgentijs & alijs, quæ hinc dependent, quæq; Missa Papistica instar caudæ draconis Apocalyplici secum trahit: quibus sanè omnibus jure & verum illud Sacrificium nostrum passionis Dominicæ, quò ad fructum, vim & efficaciam suam a Papicolis è medio tollitur, ita ut in hujus quoque notæ Antichristianæ impletione nihil amplius desideretur. 3. Pergit tamen Apostata tertio loco pro auferendo sacrificio Missæ tempore Antichristi, varias coacervare scripturas, in hunc sensum:

p. 91. &
92.

Quidquid CHRISTUS fecit in institutione sacræ cœnæ, id Sacerdotes Novi Testamenti adhuc faciunt, juxta illud: *hoc facite in meam commemorationem*, hoc est, offerendo sacrificium Eucharistiæ commemorate & repræsentate sacrificium crucis meæ: Facere enim pro sacrificare & offerre sæpè usurpari.

Sed Christus obtulit seu sacrificavit panem & vinum, quia fuit Sacerdos secundum ordinem Melchisedech, Ps. 110. Hebr. 7, 15. qui obtulit panem & vinum, Gen. 14.

Ergò Sacerdotes offerunt seu sacrificant

cant panem & vinum in S. Eucharistia : idque quia fit in omni loco , juxta vaticinium Malach. i. in omni etiam tempore, die ac nocte (siquidem cum simul apud hos quidem nox, apud illos dies fit ; apud hos vespera, apud illos manè, semper in orbe locus est, in quo fit ante meridianum tempus, quo Catholici Missam faciant) rectè Missa à Daniele juge sacrificium vocatur : quod tempore Antichristi auferetur, ut non continuo in omni loco omnibusque horis peragatur.

Hic est συναθροισμὸς argumentationis Scioppianæ, ad quam paucis respondeo : Et i. quidem ad majorem dupliciter : i. malè facit, quod ministros N. T. Sacerdotes vocat. Expiravit enim sacrificiorum propriè sic dictorum usus, post unicum illud a Christo perfectum sacrificium in arâ crucis: nisi forte Ecclesiæ ministros sacerdotes voces, quemadmodum D. Paulus se *ιερεγυῖντα διακόνον θεῶν* appellat, Rom. 15, 16. & sic omnes qui verbum prædicant & sacramenta administrant, secundum Christi institutionem, Sacerdotes non nisi anagogicè dici possunt. 2. Ridiculum est & explosione dignum, quod illud τὸ *Facite per sacrificare*, seu *offerte* exponit, ex

L 2

nit, ex hoc fundamento, quia in alijs locis, quæ planè sunt extra controversiam, in tali significatione reperitur: quod ut non negamus, ita ex puris particularibus nihil sequi scire debebat hic Criticus: quanquam & hoc notandum est: in locis illis omnibus vocabulum *Faciendi* habere aliquid additum, ex quo certò colligitur illa metaphorica significatio: *facere holocausto; facere bove altero, facere pro peccato*, Levit. 15, vers. 15. 1. Reg. 18, 23, 25. Nuspiam autem τὸ *Facere*, neq; ποιῆν, neq; ποιῆσαι absolutè positum, significat sacrificare. Ita verò in verbis institutionis ponitur: *Hoc facite*. Deinde arguit etiam articulus ποιῆσαι τὸ; si pro sacrificare positum fuisset, legendum esset in dativo, τέρῳ. Præterea in 1. Corinth. 11. etiam calici additur particula ποιῆσαι: ergone calix etiam sacrificandus, immolandus & mactandus erit? Deniq; ad omnes omnino Corinthios ibidem scribit Apostolus: *Hoc facite*: Sic igitur juxta glossam Scioppij omnes illi facti sunt sacrificuli. Sed plusquam satis de nugis istis. Concedamus ergò majorem; hoc simplici & vero sensu: Quod Christus fecit in prima institutione, idem faciunt hodieq; verbi ministri. Jam ad minorem respondeo. 1. per inficationem. Christus enim tum non sacrificavit, sed gratias

tias egit, panem fregit & inter discipulos di-
 stribuit. 2. ad probationem minoris. Melchi-
 sedech non sacrificavit, non obtulit, sed pro-
 tulit panem & vinum, ut textus habet He-
 bræus (מלכישדך) nimirum pro reficiendo Abra-
 hamo ejusq; exercitu ex prælio redeunte: id-
 que fecit, ut rex Salem, qui pro sua munifi-
 centia viatico occurrit fessis militibus. Erat
 verò etiam sacerdos, ut habent Hebræi fon-
 tes; ergò benedixit etiam Abraham, & cum
 victoria redeunti è prælio ex animi sententia
 gratulatus est. Quibus autem de causis
 Christus dicatur Sacerdos secundum ordi-
 nem Melchisedech, prolixè docuit epistola
 ad Hebræos cap. 7, quia nimirum in ipso be-
 nedicuntur omnes generationes terræ: ipse
 est rex justiciæ, & princeps pacis: est ἀπὸ τῆς
 ἀρχῆς καὶ ἕως τῆς συντελείας; caret principio & fine, & quæ sunt
 alia plura, inter quæ nulla fit mentio sacrifi-
 cij in institutione Eucharistiæ: ergò nec per
 sacerdotes, quos vocat Apostata, idem facit
 quotidie, quod ne semel quidem ipse fecit:
 imò si faceret, non esset sacerdos secundum
 Melchisedech, sed secundum Aaron: ejus
 enim ordinis sacerdotes quotannis ingressi
 sancta sanctorum, sæpius offerebant sacrifi-
 cia, propter imperfectionem. *Non autem in
 manu facta sancta introiit Iesus, sed in ipsum
 L 3 cælum.*

De loco.
Mal. 1. 11.

calum, ut appareat vultui Dei pro nobis: neque ut sæpè offerat semetipsum, quemadmodum Pontifex intrat in sancta per singulos annos in sanguine alieno: alioquin oportebat eum frequenter pati ab origine mundi, Hebr. 9, 24. seqq. Ergò frustra laboravit Apostata in probando jugi sacrificio Papistico. Quod autem locum Malachiae attinet, sæpius a nostris dictum atque demonstratum est, loqui Prophetam de prædicatione Evangelij, cujus præclara fama tempore Novi Testamenti sparsa est in omni loco, teste Apostolo Paulo, Roman. cap. 15. ubi hunc locum interpretatur, & seipsum quoq; talem *ἡγερέυσεν* & sacrificum nominat, qui gratam de Christo famam circumferat inter gentes, easque ut oblationem mundam, sanctificatam per Verbum & Spiritum sanctum, Deo offerat. Ita nihil omnino est, quod in hac argumentatione Apostatae cohæreat. Atq; hæc de duodecimo membro dicta sunt.

In decimo tertio novam adfert fabulam de Arca fœderis, quam tempore persecutionis Antichristianæ in terra Moabitarum in monte Nebo a religiosis Judæis invenendam esse fingit. Ubi in primo statim limine notetur *vel* ruditas hujus Apostatae, quod Nebo & Sinam vel unum eundemque montem,

tem, vel unius territorij montes fuisse putat; quia scripsit pag. 52. *arcam fœderis in monte Nebo aut Sina apparituram: vel* sane Spiritus vertiginis: quod adhuc dubius est, utrum in Judæa, in monte Sina, vel in terra Moabitum, in monte Nebo sit apparitura. Hic tamen, quasi mutata sententia pro monte Nebo producit locum ex 2. Maccab. 2, ubi, narratur de epistola quadam, in qua fuerit scriptum, quomodo Jeremias tabernaculum & arcam ante transmigrationem Judæorum in Babylonem jussit comitari secum, usquequo exijt in montem (Nebo nimirum, ut colligitur ex Deut. 34, 1.) in quo Moses adscendit & vidit Dei hæreditatem; quomodo etiam Jeremias arcam & tabernaculum una cum incenso tulerit in speluncam: quomodo accesserint quidam, notantes sibi locum, quos Jeremias repræhendit, eò, quod ignotus sit futurus locus, donec congreget Deus congregationem populi, hoc est, ut Apostata interpretatur, donec convertantur Judæi ad Christum, prædicationibus Eliæ & Enoch: tunc apparituram majestatem DOMINI. Hac est allegatio Apostatæ, desumpta ex libro Apocrypho, de quo Pontificius quidam scriptor annotavit, *anno 188. græcorum, Iudæos habitantes Ierosolymæ compilasse eum ex quinque libris*

De loco

2. Macc. 2.

4.

Adrichom.

libris Iasonis Cyrenæi, & per modum epistolæ Iu-
 dæis commorantibus in Ægypto misisse. Ex hoc
 igitur libro nulli fidei articuli confirmari
 possunt. Unde Hieronymus in præfat. libr.
 Solom. *Maccabæorum* libros legit quidem Eccle-
 sia, sed eos inter *Canonicas scripturas* non reci-
 pit. Et hanc scripturam, inquit Augustinus
 cont. epist. Gaudent. lib. 2. cap. 23. *quæ appel-*
latur Maccabæorum, non habent Iudæi, sicut
legem & Prophetas & Psalmos, quibus Domi-
nus testimonium perhibet tanquam testibus su-
is, dicens: oportebat impleri omnia, quæ scripta
sunt in lege & in Prophetis & Psalmis de me:
sed recepta est ab Ecclesia non inutiliter. SI SO-
 BRIE LEGATUR VEL AUDIATUR,
 maxime propter illos *Macchabæos*, qui pro lege
 Dei sicut veri martyres à persecutoribus tam in-
 digna atq; horrenda passi sunt. Ergò sobriè le-
 gendi sunt *Maccabæorum* libri, & viden-
 dum quid cum superiorum temporum histo-
 rijs congruat. Jam verò certum est, neq; Es-
 dram neq; Nehemiam in suis libris quidquā
 annotasse de abscondito tabernaculo vel ar-
 ca: in libris Regum etiam & Prophetia Jere-
 miæ nihil horum reperitur, ubi tamen etiam
 viliora interdum annotata sunt. Verisimile
 etiam non est, Chaldæos in obsidione & ex-
 pugnatione Hierosolymæ arcam in templo
 reli-

reliquisse intactam, quippe purissimo auro
 abductam: imò conqueruntur ipsi post ca-
 ptivitatem Babylonicam Judæi, *lumen lych-
 nuchi esse extinctum, arcam fœderis direptam, loca
 sancta contaminata* 4. Esdræ 10, 22. Usitata insu-
 per fuit Judæorum traditio, in secundo tem-
 plo arcam fœderis, una cum alijs quatuor
 rebus defuisse, quod ex Sanhedrim Hieroso-
 lymitano & alijs Rabinorum commentarijs
 probat P. Galatinus lib. 4. cap. 9. quæ quomo-
 do possent consistere, si Jeremias, jubente
 Deo, & conscijs quamplurimis arcam secum
 abduxisset? Hæc ergò omnia & epistolam &
 totam illam narrationem libri Apocryphi
 suspectam reddunt, arguuntq; manifestè, Ju-
 dæorū fabulā esse, quos similib. excogitandis
 felices fuisse, Josephus contra Apionem non
 diffitetur. Sed fingamus hæc ita gesta esse:
 quid hoc ad institutum Scioppij? potuisset
 sanè arca reperiri statim post captivitatem,
 ubi D O M I N U S congregavit populum su-
 um in patriamque reduxit: quis jussit Apo-
 statam isthæc extendere ad tempora Eliæ &
 Enochi redeuntium è Paradiso, hoc est, ad
 Calendas Græcas, cujus rei ne quidem per
 cōjecturam aliquam ea tota narratio memi-
 nit. Sed ita fit in causā desperatā, cujus pa-

De loco
Apo. 11.
19.

tronis fabulas addere fabulis nulla est religio. Pergit tamen iste, & fabulæ hujus (quam ipse Prophetiam vocat) exitum sive impletionem legi scribit impudenter Apocalyp. 11, ubi, inquit, cum narraffet, prophetiam Eliæ & Enochi fuisse finitam, & Judæorum conversionem ad CHRISTUM factam, subiicit: Et apertum est templum DEI in cælo, & visa est arca testimonij ejus in templo ejus; & facta sunt fulgura, & voces, & terræ motus, & grando magna. Sed hac allegatione geminum committit crimen falsi. 1. Quod de prædicatione Eliæ & Enoch, de quæ conversione Judæorum per istam prædicationem garrit, de qua ne 2^o quidem extat in textu, ut jam demonstravi. 2. quod per insignem fallaciam res diversissimas componit. Nam prædicatio duorum testium & exitus eorum pertinet ad Væ secundum, quod Apostata paulò post fatebitur pag. 94, quo finito, incipit quarta pars visionum Apocalypiticarum, ad quam ea quoque pertinent, quæ de aperto templo Dei & arca testimonij in eo referuntur. Ridiculum autem est, quod Arcam testimonij Leviticam ex ligno & auro confectam in cælo visam fuisse putat: ergone spelunca illa, in quam eam abdidit Jeremias, fuit in cælo; & jam demum

demum triennio ante finem mundi aperitur? mirum si frontem habet Apostata, qui ista tam puerilia tanta cum impudentiâ, ut confirmationem suarum fabularum Biblicam, Ecclesiæ obtrudere audet. Longè sublimiorem Spiritum sapiunt ea, quæ D. Iohannes vidit in mysterio. Arca foederis in cœlo ostensa fuit Filius Dei, quem orthodoxi Patres quoq; arcæ conferunt, in quo Pater æternus foedus æternum iniit cum hominibus, & in quo omnes thesauri sapientiæ divinæ sunt absconditi, Colos. 2. unde & thronus gratiæ appellatur, Heb. 9. Hæc arca in regno cœlorum, hoc est, in Ecclesia aperta fuit 1. quando Pater æternus cœlistestatus est, hunc esse filium suum dilectum, in quo sibi complacet, quemq; nos audire debeamus: 2. quando ipse prædicando & miracula edendo voluntatem patris nobis declaravit; cuius Evangelium ab ipso prædicatum instar fulguris omnes fines terræ penetravit, & instar grandinis percussit omnes eos, qui cōsiliū Dei adversus seipsum fuerunt adspersati: fit. n. verbum vitæ in quibusdam odor mortis ad mortē, 2. Cor. 2, 16. Faceffant igitur pueriles ineptiæ Apostatæ, de arca illâ lignea in cœlo conspectâ, de quâ ipsi fatentur Iudæi, quod a captivitate Babylonica non iterum conspecta fuerit,

*Vide Hil.
sup. Psal. 33
Theodor.
dialog. 1.*

*Mat. 3, 17
Luc. 1, 40*

fuerit, haud dubiè à Chaldæis in flammās & cineres una cum templo redacta.

In ultimo demum membro hujus capitis de irritō Antichristi conatu in persequendā Ecclesia, quæ in desertum fugerat, disserit. In quibus Lectorem i. remittit ad ea, quæ hactenus de fuga Ecclesiæ in desertum, & de arcā in monte Nebo adservatā dixerat: quæ omnia cum fabularum plena sint, autor earum ipse innuit, hæc quoq; non esse dissimilia, in quibus, quia firmiora argumenta non habet, diutius immorari nobis non est animus. Miræ autem est audaciæ, quod, cum Væ secundum, Iudæorum, omniumq; electorum conversione terminasset: jam Væ tertium spacio 30. dierum claudit, quibus Iudæos frustra tentatos ab Antichristo securos fore, omnesque in Iudæam, terram patriam, collectos iri scribit. Nam de 30. illis diebus nihil habet Apocalypsis Iohannis. Persecutio ista draconis cap. 12. descripta, persecutio Romanorum Imperatorum, persecutio Antichristi, bellum ejus cum sanctis cap. 13. ruina Antichristi subsequuta cap. 14, angelorum exercitus & apparatus ad delendum Antichristum cap. 15. septem deniq; plagæ, quibus afflixit Dominus regnum Antichristi cap. 16: hæc, inquam, omnia, multis alijs præteritis, quæ ad Væ tertium

tium pertinent, num spacio 30. dierum perfici potuerint, alij dijudicent: certè de unica persecutione bestiae è mari adscendentis, scribitur, quod sit duratura 42. mensibus; Apoc. cap. 13. quod itidem de bestia è terra adscendente alibi affirmatur. Viderit igitur Apostata, unde calculum hunc dierum 30. mutuatus fuerit. Quis verò genius ipsi revelavit, illis triginta diebus *omnes Iudeos redituros in Iudæam*? hæc haud dubiè nova est, & veteribus incognita fabula de Antichristo. Ipse tamen adducit, pro ea, quæ pollet, impudentiâ, locum Ezech: 34, 22: & cap. 39, 28. In quorum priore de spirituali pacè & securitate loquitur Propheta, quam promittit Dominus Ecclesiae novi Testamenti, cui daturus erat unicum illum pastorem, servum suum David, quod vaticinium de seipso interpretatur Christus Johan: 10. Is, inquit, cessare faciet bestias pessimas, id est tyrannos, & omnes, qui gregi Christi nocere possunt, quibus frenum injiciet Dominus, ne pro lubitu grassari valeant, ut habitare possint electi sui in cōfidentiâ, & absq; terrore, animo tràquillo totoq; pectore Deo suo serviât: quale beneficiû Ecclesiae suæ alibi etiam promiserat Esa. 11, 6, 10: Ose. 2, 20, &c. Ita dulcissimam hanc consolationem de spirituali tranquillitate homo iste

carna-

carnalis in meram fabulam carnalem convertit de Antichristo, haud dubie, quia bestiarum mentionem factam viderat: adsuetus enim est, una cum præconceptis opinionibus suis vim inferre textui, non autem veram sententiam inde auferre. Posterior locus Ezechielis agit de liberatione populi Dei ex manu Mahometis seu Turcici Tyranni. Is enim per Gogum & Magogum intelligitur, quod alibi probari solet. Ita nihil pro suo instituto obtinuit Apostata. Alias rem ipsam quod attinet, non negamus, irritum esse Antichristi conatū in persequenda Ecclesia Christi, & vanitatem omnium suarum machinationum jam sæpissimè expertus est Pontifex Romanus, qui jam per tot annos, tot viribus & fraudibus Christum throno suo deturbare, & pusillum Ecclesiæ gregem absorbere conatus est: sed tantum abest, ut quidquam profecerit, ut potius palam se prodiderit, ut bestiam illam, quæ habet cornua similia agni, loquitur autem sicut draco; ut mulierem illam purpuratam, matrem fornicationum & abominationum terræ, ebriam de sanguine sanctorum, & de sanguine martyrum Jesu: quæ quotidie bella gerit cum testibus Christi, quos & interficit; ipsi tamen subinde reviviscunt, viventq; , donec bestia cum Pseudopro-

Apo. 13.

12.

Apo. 17. 5.

Apo. 19. 20

doprophetis, & omnibus qui characterem
bestiæ acceperunt, & adoraverunt imagine
ejus, in stagnum ardens igne & sulphure præ-
cipitabuntur.

C A P U T VII.

De Exitu seu Interitu Antichristi.

Antichristus, ait Apostata, cum viderit se cap. 52.
in persequendis Christianis omnē ludere ope-
ram, tandem 1. Gog regem terræ Magog, hoc est,
Scythiæ seu Tartariæ cum infinita Barbarorum
multitudine ad oppugnandos Christianos in Iudæ-
am adducet. 2. Sed signo Christi in cælo apparentis
perculsus, & exercitum suum flamma cœlitus
delapsa absumi videns. 3. Cum Pseudopropheta
suo fugiet in palatium suum montis oliveti,
quo debiscente ab Archangelo Michaële ligatus
in infernum vivus præcipitabitur. 4. Sic victo-
ria penes Christianos manebit, qui reliquos dies
45. ad CHRISTI judicis adventum in perpe-
tua gratiarum actione consument: impij autem
in securitate suâ à repentina & tremenda die ju-
dicij divini opprimuntur. Quatuor alias fabulas
sub fine syntagmatis sui proponit in his ver-
bis, quas numeris notare volui majoris per-
spicuitatis gratia. Ubi primū notetur vertigo
hujus hominis: Cum in syntagmate dixisset,
Antichri-

*Antichristum irā accensum & indignabundum
 abiturum, ut eos, qui in desertum profugerunt, perse-
 queretur pag. 52. idq; postmodum probare de-
 buisset: jam in exegeſi probare aggreditur ea,
 quæ factururus sit Antichristus P o s t expē-
 ditionem istam aduersus Ecclesiam, quæ in deser-
 tum fugerat susceptam pag. 95. quæ quomodo
 cohæreant, ipse viderit. Affert tamen pro hoc
 capite in genere locum ex Apocal. 12. ubi di-
 citur de dracone, quod fecerit prælium cum
 reliquis de semine Ecclesiæ; quod sanè præ-
 lium adhuc durat & durabit usq; ad finem
 seculi; ubi draco ille magnus, serpens anti-
 quus, qui vocatur Satanās, pugnat foris & in-
 tus cum electis de semine Christi: oportet
 enim & nos sentire morsum antiqui serpen-
 tis, qui portamus stigmata Christi in corpore
 nostro Gal. 6. non igitur necesse est, ut hoc
 prælium Satanæ differatur ad ultimum mun-
 di triennium. Deinde verò capita in specie
 proposita quod attinet: Primum illud de
 Gogo ab Antichristo contra Christianos ad-
 ducendo in Judæam, probare vult ex Apoc.
 20, 7. seqq. ubi sic legitur: *Et cum consummati
 fuerint mille anni, soluetur Satanās de carcere
 suo, & exhibit, & seducet gentes, quæ sunt super
 quatuor angulos terræ, &c.* Ad hanc probatio-
 nem duo noto: primum crimen falsi insignē
 commi-*

commisit Apostata: nam subdolè omisit in allegatione, quis sit seducturus gentes: hoc ipse de Antichristo vult intellectum: at D. Iohannes dicit, *Satanas seducet gentes*. Aut igitur cum Origene & Hippolyto (quorum opinionem D. Hieronymus & alij damnarunt) statuit, Satanam ipsum fore Antichristum: aut subdolum scripturarum falsarium sese foricis instar toti mundo prodidit. Eligat ipse utrum velit: nobis posterius videtur verosimilius. Seduxit autem Satanas gentes, quando Gog & Magog, i. e. Tartaros, Scythas, Turcas, postremis mundi temporibus instar diluvij cujusdam evomuit super latitudinem terræ, ita ut eum quasi inundare viderentur; & super castra sanctorum (quæ Apostata ineptè & imperitè de sola Iudæa intelligit) hoc est Ecclesiam; in qua Deus sanctum suum habet populum & civitatem dilectam, in qua colitur: sed tandem iusta Dei vindicta instar ignis de cælo descendentis hostes illos perdet, & Satanam cum mancipijs suis infernali igni devorandum dabit. Eadem est ratio vaticinij Ezech. 38. & 39. ubi ex professo de Turcica tyrannide, nihil de interitu Antichristi in Ecclesia agitur. Deinde viderit Apostata, quomodo hanc fabellam suam conciliare velit cum nugis Bellarmini. Apostata enim scribit, Antichristum adducturum Go-

Hieron. in
e. 7. Dan.
Beda in e.
13. Apoc.

gum & Magogum in Iudæam ad impugnandos Christianos : Bellarminus lib. 3. de Pontific. R. cap. 17. scribit, *admodum esse probabile, per Gog significari ipsum Antichristum, per Magog exercitum ejus : & prælium Gog & Magog esse prælium Antichristi contra Ecclesiam.* Utrunque satis fabularum est, quæ nusquam cohærent. Nam per Gogum & Magogum Turcicum notari tyrannum, & nomen, & patria, & mores & habitus & studia ejus, & alia multa docent, ut alibi prolixè & ad oculum demonstratum fuit. Pro altero capite, de signo Christi apparente in cœlo nihil adfert ex scripturis: quia nihil invenire potuit, quod speciem alicuius probabilitatis habere potuisset. Tertium probare conatur duobus locis. Primus extat Dan. 12, 45. de quo loco supra cap. 4. in initio satis dictum fuit, certè de monte oliveti Danieli eo loci ne quidem per somnium aliquid in mentem venit. Et posito, locum illum de monte oliveti intelligendum esse (quod tamen est falsissimum) quæ quæso consequentia ? *Antichristus veniet usque ad summitatem oliveti, & nemo auxiliabitur ei. Ergo apprehensus à Christo vel ab Angelo, Christi jussu, in præruptum debiscentis montis & in stagnum vivus præcipitabitur.* Ita tamen Romæ argumentari didicit hic Aristarchus, nimirum in schola Pontificis, ubi ipsum dicere probare

probare est: imò ubi dextram finistram, & finistram esse dextram creditur dicente Papa. Alter locus est Zach. 14, 3. ubi prælustre vaticinium extat de ascensu Christi in cœlos, quod egressurus sit & præliaturus contra gentes gladio verbi sui, prædicati per Apostolos, quos paulò ante suum adscensum emisit in quatuor mundi partes, ad præliandum prælia Domini prædicatione Evangelij. Ideo mons Oliveti, unde ipse in cœlos adscendit, in quatuor partes scissus & divisus dicitur. Sed Apostata hanc divisionem montis Oliveti spiritualem de reali ejus dehiscencia accepit, ut Antichristus inde deturbari possit, & fabulis suis anilibus hiatus aliquis reperiatur. Esto autem fingamus montem Oliveti ita reapse scissum iri tempore Papistici Antichristi, hoc est ad 29. Febr. quæ quæso hîc etiam est ratio connexionis? *Mons Oliveti scindetur, ex media parte sui: ergo Antichristus à Christo vel Angelo, Christi jussu deprehensus in præruptum montis dehiscens precipitabitur.* Sed satis hic nugarum est: concludimus nos cum Apostolo: πάντες οὖτοι εἰσὶν οὐροὶ ἐκείνων· Rom. 1, 22. In quarto denique membro ait, ab interitu Antichristi usq; ad diem novissimum fore dies 45. superstitēs: quod crassissimum est figmentum, cui Apostata ipse contradixit superius pag. 55. ubi scripsit, *durabit Antichristus usq; ad finem mundi, & Apostoli Pauli vaticinio de Inte-*

De loco
Zach. 14. 3.

ritu Antichristi è diametro opponitur: Is enim adventu Filij Dei ad iudicium Antichristum interficiendum esse clare indicat, eo loco, quem Apostata aliquoties laudavit. *Revelabitur ille iniquus*, inquit Apostolus 2. Thel. 2. *quem Dominus interficiet spiritu oris sui, ET DESTRUET ILLUSTRATIONE ADVENTUS SUI.* Ipse tamen videtur sibi invenisse non quod pueri in fabà, in illo Dan. 12. *A tempore, cum ablatum fuerit iuge sacrificium & posita fuerit abominatio in desolationem, dies 1390: beatus qui expectat & pervenerit usque ad dies 1335: unde infert: ergo diebus 45. ante extremum iudicium Antichristus è medio tolletur, pag. 56. & 96.* Sed 1. refragatur huic consequentiæ Apostolus, testis omni exceptione major, cuius testimonium jammodo audivimus 2. refragatur Christus ipse Mat. 24. Act. 1. qui certum tempus extremi iudicii nulli hominum notum esse voluit: innotesceret autem ijs, qui illo tempore in vivis essent futuri, si ab interitu Antichristi adhuc 45. dies superessent. Unde D. Hieronymus, qui alioquin & defectu eventus & errore istorum temporum in annos & dies durantis Antichristi consentit, rationem dierum istorum residuorum reddere nescit: *Cur post necem Antichristi datum sit spatium eorum quadraginta quinque dierum, solius Dei scientiæ est*, inquit

quit, nisi fortè dilatio regni sanctorum patientiæ
eorum comprobatio futura sit. Theodore-
tus illis diebus occiso jam Antichristo E-
liam prædicaturum esse opinatur, sed ab a-
lijs vicissim refellitur. Alij dies illos ante ju-
dicium ideò datos esse scribunt, ut ab Anti-
christo decepti possint pœnitere. Verùm hoc
litigio opus non est, si attendamus, mysteri-
um hic describi, quod non nisi mystico & spi-
rituali sensu accipiendum est. Beatum igitur
prædicat Angelus apud Danielelem, qui perve-
nerit usq; ad dies 1335, h. e. eum, qui tempus
gratiæ viderit, in quo salutaris & orthodoxa
Evangelij doctrina felicem habitura erit suc-
cessum in mundo, quod ante Antichristi in-
teritum adhuc futurum indicat. Et haud du-
biè Angelus de industria tam perplexè loqui
voluit, ne acciperent homines ansam inqui-
rendi in certum aliquod & definitum tem-
pus novissimi judicij; quod facile fieri po-
tuisset, si de certo die interitus Antichristi an-
te diem extremum constitisset. Libenter igi-
tur concludimus cum B. LUTHERO: *dies*
hi 1335, nunquam publicè intelligentur, donec im-
pleantur in novissimo die: nisi fortè Deus Noam
aliquem exuscitarit, qui dies hosce exactissimè sup-
putare possit. Atq; hæc sunt, quæ ad novitium
Syntagma de Antichristo annotare volui; quæ
num ad palatum Autoris vel amiculorum

Adricho.
in Chro. f.
285. b.

Luther. in
praet.
Dan.

ejus futura sint, & φεγντὶς ἐν ποταμείῳ. Satis est, quod ostenderim studiosis veritatis, novellum hunc Romanæ Thaidis amasium, scopum, quem proposuit, non tetigisse: ideo in gratiam suarum, quas vocat, confirmationum Biblicarum, hoc unicum ἐπίστανμα repono:


De quo S. Bibliorum autoritate confirmari non potest, quod non sit Antichristus, is re vera est Antichristus.

De Pontifice Romano S. Bibliorum autoritate confirmari non potest, quod non sit Antichristus: quod hætenus demonstratum fuit.

Ergo Pontifex Romanus est re vera Antichristus, & filius ille perditionis;
quem in verbo suo nobis revelatum Dominus J E S U S interficiat spiritu oris sui, & citò destruat illustratione adventus sui; nos autem in veritate Verbi sui conserveat,
serijs animi gemitibus precamur.

SOLI DEO GLORIA.

Antichristo confusio & ignominia.



ORA-

ORATIONES

DVÆ DE PONTIFICE

ROMANO, QUOD IS SIT

Magnus ille Antichristus.

ORATIO PRIOR.

Demonstrans propositum, ex notis ipsius Antichristi, cum Personâ Romani Pontificis apprimè congruentibus: publicè habita VVitebergæ anno Christi 1598.

a. d. 18. Ianuar.



OGITANTI MIHI
 sæpenumero & prima Christiana
 Ecclesiæ initia memoriâ re-
 petenti, Generosissimi Dn. Baro-
 nes, Reverendi, Clariss. Humaniss. viri, vosq;
 nobilissimi simul & lectissimi Domini com-
 militones, auditores benevoli, perbeati vi-
 deri solent ij, qui in optima Reip. forma im-
 peratores, majorum suorum encomia pietate
 & industria longo post se intervallo relin-
 quere potuerunt. Habebant quidem primi
 Romanæ monarchiæ Cæsarei latissimum pie-
 tatis exercendæ campum, quorum sub impe-
 rio, ipsis inscijs, promissus mundo Messias
 carnem

carnem humanam assumebat, sacrosanctum
 Baptismatis sacramentum recipiebat, morti
 sese sponte sua offerebat, redi vivus Evan-
 gelium docebat, Apostolosque doctores in orbem
 mittebat. Videbantur etiam nonnulli non
 male sentire de tenera alescentis Ecclesie in-
 fantia: quin & Augustus Octavianus, cum,
 teste Suida, primogenito DEI filio aram
 in Capitolio statuisset, non ita malum pieta-
 tis specimen edidisse credebatur: Sed spem
 bonarum cogitationum partim pernitiōse
 seculi illius tenebræ, partim rerum forensi-
 um labor & ambitio, partim etiam tenacis-
 sima religionis superstitio penitus interce-
 pit. Nam quod tempus quietis & pietatis
 Christianæ plenissimum fore putabatur, in
 eo maximæ seditionum & turbulentissimæ
 tempestates extiterunt. Cum enim post A-
 postolorum in gentes dispersionem, ab Anno
 Christi 49. Romana Ecclesia summa curâ
 studioque discipulorum Christi indefesso plan-
 taretur: magna primum spes effulgebat, fo-
 re jam, ut semen verbi divini longè lateque
 per orbem disseminaretur: sed quanta quan-
 ta etiam Episcoporum Romanorum usque ad
 Sylve-

Sylvestrum fuerit fidelitas ; tamen non nisi
 magnis tyrannorum persecutionibus, etiam
 cum vita animarumq; suarum prostitutio-
 ne per 270 annos vix parvum Christiano-
 rum cætum multo cum sanguine & lacrymis
 DEO genuerunt : donec aliqua pacis &
 tranquillitatis aura sub Constantini Magni
 tutela tandem satis afflictæ Ecclesiæ aspira-
 re cepit. Neq; verò in illa Rerump intempe-
 rie & ipsorummet Romanorum Patriarcha-
 rum ambitione pax & salus Ecclesiæ diu po-
 tuit consistere incolumis. A quo primum
 enim die degeneres prædecessorum suorum
 successores Episcopi decretis & canonibus
 suis Rem. Christianam perturbare ceperunt,
 per 280, annos usq; ad Gregorij Magni pon-
 tificatum, ipsissimo Antichristo satis studio-
 se viam præpararunt : donec tandem sub pe-
 stilentissimo Phocæ imperio utriq; Reipubl.
 tam sacræ quam prophane, incurabile vul-
 nus inflictum est, excitatis immanissimis
 duabus bestiis, Mahumete & Antichristo
 Romano ; quorum ille in Oriente, hic in occi-
 dente : alter extra Ecclesiam, alter in ipso
 Ecclesiæ gremio, ambo juratissimi Ecclesiæ

Ezech.

3. 17.

Mar. 16.

1. Tim. 3.

Dei hostes, adunitis viribus in hodiernum usque diem, non sine misera omnium priorum lamentatione horribiliter grassantur. Ita (proh dolor) vero verius est D. Hieronymi affirmatum, qui ait; Se veteres scrutantem historias invenire non potuisse, scidisse Ecclesiam & de domo Domini seduxisse, præter eos, qui sacerdotes DEI positi fuerunt. Erant enim illi patriarchæ Ecclesiæ Romanæ, qui pontifices audire postmodum maluerunt, speculatores positi, in civitate DEI, & facti sunt incendarij: erant pastores gregis & in lupos degenerarunt: erant in exemplum clero, populiq; Christiani antesignani, & non sine insigni Ecclesiæ detrimento pestes & proditores sacrosancti Christiani nominis reperiuntur. Notorium est & multis sanctissimorum hominum gemitibus suspirijsq; deploratum, quam afflicto in statum res Ecclesiæ fuerint exulceratissimo isto seculo, cum parricida, tyrannus, adulter rerum politicarum; hypocrita, latro, scortator rerum Ecclesiasticarum potiretur, ubi non modo omnis pietas elanguit, omnis justitia refrigit:

frigit: sed & abominanda idololatria in
 ipsis Ethnicarum deorum delubris perpe-
 trata, pro sacratissimo DEI cultu, singula-
 riq; numinis reverentia habebantur. Noto-
 rium, hoc est, inquam, & infallibile An-
 tichristi $\alpha\alpha\mu\eta\epsilon\iota\sigma\upsilon$: non tamen desunt, qui
 deliro meretricis Babylonica philtro planè
 dementati, Antichristum nondum volunt
 agnoscere; quin & summis diris execrantur
 eos, qui Spiritu Sancto ducti veritatem hac
 in parte liberius profitentur: imò tantum
 abest, ut hunc pro Antichristo agnoscant,
 ut & plenis tibys reclamatione, Antichri-
 stum nondum venisse. Neque vero mirum
 est, ipsos hoc pacto eandem insanire
 insaniam, cum occacatis Iudeis, quibus
 non modò mirè favent, sed & in ipso san-
 ctæ suæ Romæ gremio pacatissima conce-
 dunt halcyonia, abjuratissimis illis Chri-
 stiani nominis hostibus. Quemadmodum
 enim illi in vero Christo & Messia lon-
 gissimè aberrant, eumq; ex nescio qua gente
 & familia oriundum summo cum desiderio
 ad aliquot mille annos jam, sed frustra ex-
 spectant;

spectant; ita hi miselli bestiae Romanae adu-
 latores Antichristum in peregrina tribu
 Dan, cum subordinatis testibus Helia & E-
 nocho, & nescio, quibus alijs notatum signis
 ad defectionem usq; quaesitare non desistunt.
 Veruntamen, omisis illis Pontificiorum fa-
 bellis sufficit ostendere, magnum illum Anti-
 christum è Bonifacij tertij pontificatu ad
 hac nostra secula, ultra nongentos nonaginta
 annos in templo Domini Christo sese tyran-
 nicè opposuisse. Dicam itaq; quod res est, &
 ita dicam, Auditores, ut, cui non præjudicio
 quodam corruptus est animus, vel qui non
 Iesuitico furorc Spiritui Sancto obloquitur,
 vel deniq; qui non Iudaica planè cecitate in
 ipso meridie lucem non agnoscit, is sane in-
 telligat, & tanquam ex ungue leonem digno-
 scat, Papam Romanum Babylonicam illam
 meretricem ipsissimumq; Antichristum esse,
 tot Prophetarum, tot Christi, tot Apostolo-
 rum vaticinijs jam pridem prenotatum.
 Cum verò nemo tam à natura instructus,
 industriâ tam perfectus, ingenio deniq; tam
 subactò sit, ut omnes Antichristi notas uni-
 us horulae spacio persequatur: ego pro tem-
 pore

pore illas saltem diducam, quæ cum ipsa Romani Pontificis personâ maximè conveniunt, reliquas suo tēpore, volēte Domino, persequar. Quod quidē dū prestare conor, quantū à me ponderis sit susceptū intelligo : cuius tamen gravitatem, Auditores, singularis vestra humanitas : amplitudinem, favor & attentio : tenuitatem verò meam solita generositatis & excellentiæ vestræ benevolentia præcipuè sublevabit : quippe quorum in præsentissimis animis omne orationis meæ principium exitusq; conquiescet.

Quemadmodum Plinius meritò hominum ridet stultitiam, quod armatis classibus turrium propugnacula imponant, ut in mari quoq; pugnetur velut è muris, cum tamen rostra illa ære ferroq; adictus armata, semipedalis inhibere possit ac tenere pisciculus : ita multò magis Romanenses gnathones & ridendi & deplorandi sunt, qui ad sua humanitus inventa fulcienda, sacrarum literarum subsidio destituti, patrum Scholasticorum affirmata magnis centonibus confarciunt, quæ tamen omnia unus inter dum sacri codicis apex, instar echeneidos, funditus de-

lib. 32.
nat. hist.
cap. 1.

lib. 4.
cou. va-
lent. c.
43.

tus deturbat & evertit. Inde sunt solennes illæ ad patrum scripta provocaciones in hac de Antichristo questione, quod nimirum & illi testentur, Antichristum nondum apparuisse: imò interdum iisdem planè coloribus delineent, quibus jam à pontificijs depictum esse videmus. Sed enim verissimum est, quod Irenæus dixit; obscura esse omnia vaticinia, donec impleantur; ac proinde cum plerique patrum eo seculo vixerint, ubi vel Antichristus ipse nondum revelatus fuit, sed in suis prodromis duntaxat spiravit; nonnulli verò senserint quidem præ foribus esse: venisse autem, soli sine aliorum astipulatione haud dum affirmare ausi fuerint: quis illos veniam mereri non videret? Iam verò succedentibus seculis, ubi non saltem pestilens illa meretrix Romana planè denudata, sed & in septicolli urbe in conspectu totius mundi omnium oculis est exposita, mirum, si qui tam cæci sunt, ut Antichristum non videant, aut tam extremè malitiosi, ut videre nolint. Nam ut ab antiquissimo teste & Prophetarum coryphæo Daniele ordiar, quid

Dan. 11,
36.

quid ille de Antichristo? nimirum, faciet, inquit, secundum voluntatem suam rex, & elevabitur, & magnificabitur adversus omnem Deum, adversus Deum Deorum loquetur manifesta &c. Mehercle vix ego Timantis Iphigeniam tam evidenter depictam dixerim, quam Romanum Antichristum hoc Danielis Oraculo. Quis enim in rerum Ecclesiasticarum historijs tam rudis est? quis est, qui à parentibus aut maioribus suis non acceperit? quis denique temporum nostrorum adeò ignarus est, ut non cotidie ambitionem & superbiam plusquam diabolicam in rege Pontificio ad tedium usque videat? quorsum enim illæ questiones, quæ non modo ad lubitum arbitrium, & Papæ ventilatæ, sed & cum maximo ipsius consensu decise? an Papa possit aliquid statuere, quod pugnat cum Evangelio? an possit novum fidei articulum condere? utrum majorem potestatem habeat, quam Petrus, an parem? utrum possit præcipere Angelis? an possit universum purgatorium tollere? utrum simplex homo sit, (ò detestandam blasphemiam)

Superbia & primatus Antichristi.

Erasm: in annot. No. Test. ad Tim. 1.

miam) an quasi Deus particeps sit utriusq;
 natura in Christo ? an clementior sit , quam
 fuerit Christus ; cum is non legatur à purga-
 torio quenquam liberasse ? an solus omnium
 non possit errare ? & sexcenta alia, quæ ma-
 gnis voluminibus olim ita disputata esse
 constat. Hoc nimirum est elevari & magni-
 ficari ; hoc est adversus Deum magnifica
 loqui : hoc est , Apostolo teste , adversari &
 extolli supra omne quod dicitur Deus , aut
 quod colitur : hoc est in templo D E I sedere
 & ostentare se tanquam Deum. Venit mihi
 hoc loco in mentem , quod de quarto Roma-
 norum Imperatore Cajo Cesare Caligula
 memoriae proditum est, eum primis imperij
 sui annis ut principem, postremis ut latro-
 nem vixisse , ita ut non decus sed scelus ge-
 neris humani ; non præsidium, sed fax impe-
 rij à sui seculi hominibus diceretur : qui
 cruentam illam vocem & Syllanâ tempesta-
 te natam, Symboli loco habuit : Oderint dum
 metuant : qui unam cervicem populo Roma-
 no optavit , quò facilius uno ictu absindi
 queat : qui frequenter se inter fratres me-
 dium adorandum adeuntibus exhibuit : qui
 sibi

2. Theff.
 2, 4.

Sueton.
 & Joh.
 Bapt.
 Egnat.

sibi tanquam numini templum sacerdotesq;
 institui curavit: qui tandem Petronio Sy-
 ria praefecto in mandatis dedit, ut statuam
 sua imaginis idololatricam nomine Latialis
 Iovis templo Hierosolymitano inferret, ex-
 ecrandum illud ὁδὸν ὑμῶν rebus Iudaeorum
 pernitiem interitumq; minitans. Cum hoc
 portento generis humani ejusq; imperio ap-
 prime convenire mihi videtur Pontificatus
 Romanus, cui primis ferme quingentis an-
 nis sinceri & fideles Episcopi, imò constan-
 tissimi martyres Ecclesiae DEI praesuerunt;
 qui, tantum abest, ut imperarent DEO vel
 divino loco constitutis, ut ne quidem tugu-
 riola semper habuerint in Ecclesia, quam us-
 que ad sanguinem inter tot tyrannorum cru-
 delitatem fortissimè defenderunt. Reli-
 quum pontificatus tempus ad hanc nostram
 desperatissimam aetatem non nisi à savissi-
 mis lupis & ursis vineam Domini misere
 devastantibus occupatur: Non Episcopis sed
 tyrannis res Romana ad Ecclesiam Christi
 pertinens, gubernatur, ambitione fraude, &
 superbia propagatur. Qui odit Pontificem
 N fere

ferè cogitur metuere: quin & si penes papā
 esset optare, jam pridem unicā cervicē to-
 tum Ecclesiæ corpus abscissum esset tru-
 culenta rabie pontificis, qui in medio DEI
 templo verè Latialis Iupiter sedens impu-
 rissimos suos pedes principibus regibusq; de-
 osculandos præbet. Neq; hoc duntaxat:
 quid unquam uspiā in hoc orbe creditur aut
 cernitur, quod vel DEVS est, vel divino
 honore nomineq; honoratur, cui se pontificius
 hic Abbadon nō præponat? quis angelus? quis
 spiritus? cui non luteum illud numen impe-
 ritare audeat? quis magistratus? quis prin-
 ceptus? quis imperator, quem non satanicus iste
 Rex vel pro scabello vel pro satellite habeat?
 Testantur id omnes cordati, testatur tyran-
 nicus ille primatus & monarchia ista,
 quam sibi in Ecclesia pariter & Repu-
 blica sceleratè vendicat. Pueris in trivio
 ferè notum est, quo astu, qua malitiā, cor-
 ruptis Nicenæ synodi actis, sese non modo
 Constantinopolitana Ecclesiæ, sed & Antio-
 chene omnium antiquissima, Alexandrinæ
 & Hierosolymitanæ, atq; adeo omnibus
 in orbe

in orbe terrarum Ecclesiis insolenter prae-
 fuerit. Hinc illae succenturiatae voces: Pon-
 tificem Romanum omnia jura, divina hu-
 manaque in scrinio pectoris sui habere: pa-
 pam imperare angelis caelorum, regibus ter-
 ra & diabolis inferni: papam haereticum
 fieri non posse: de omni Ecclesia jus habere
 judicandi: sicut cardine ostium regitur, ita
 sedis Romana auctoritate omnes Ecclesias
 regi: papam esse magistrum fidei: papam
 esse pastorem universalem, fundamentum
 Ecclesiae, sponsum Ecclesiae: Papam, etsi in-
 numerabiles populos (horrendum dictu)
 catervatim secum ducat primo mancipio
 gehennae, hujus tamen culpa à nemine mor-
 talium redarguendum esse; quia cuncta ju-
 dicaturus à nemine sit judicandus. Horre-
 scit animus haec tam nefaria tam scelerata
 cogitans pontificum dictoria, quibus omni-
 bus accensendis hic totus dies non suffice-
 ret: & hisce sibi primas in Ecclesia violen-
 ter adsignat papa Romanus, quod ipsum prae-
 cipuum Antichristi nomen esse Gregori-
 us Magnus ipse quoque pontifex constan-

Decc. 1.
 part.
 dist. 40.
 c. 6.

lib. 1. ep. 1.

ter adseruit, in primo pullulantis Antichristiani regni paroxismo. Exaltatio enim & inflammatio & arrogans ac superba jactatio non de Christi Magisterio, qui humilitatem docet, sed de Antichristi spiritu nascitur, inquit Cyprianus. In politici verò regni administratione Deum immortalem, quanta audacia, quanta etiam astutia, quanta vi, quanta crudelitate sibi summos imperatores & monarchas totius orbis terrarum subjugavit! quos ipse DEI spiritus propter divinum, quod gerunt, officium, deos appellare aliquoties voluit: quorum dignitatem scelesti ista meretrix præripuit, seque numen terrestre domi forisque propalam ostentavit. Nolo jam quidquam de octopedali isto Constantiniana donationis mendacio memorare, quo unico satis lubrico & arenoso fundamento tanta pontificatus Romani molis fulcitur atque sustentatur. Illud non potest non esse quam notissimum, quanta fraude Stephanus II. Pontifex ultra ducentos annos ab imperio Constantini Magni omnem Ravennæ exarchatum, aliasque complures

Philip.
in chrō
lib. 3. f.
159.

plures Italiae terras Romana sedi subjece-
 rit, astute contra exarchum Astolphum
 Longobardorum regem, Pipino Francorum
 rege evocato. Qua plane insperata fortuna
 cristas tollens impurissimus Papa Stepha-
 nus, Pipinum tantum regem humi prostra-
 tum ad sandalia sua deosculanda coegit, sta-
 pedes apprehendere, frena manu accipere,
 stratoris officia adimplere iussit. Hec opum,
 fastus, tyrannidisq; pontificiae primordia
 fuere: hinc ista bestia, velut alter Alexan-
 der aut ipse Iulius Caesar ad Lateranensem
 basilicam humeris se gestare permisit. Qua
 plusquam beluinâ ferocia & satanica pla-
 ne impudentia Papa in posterum majesta-
 tem omnem (ut ut divinam ordinationem)
 non saltem ledere, sed & plane conculcare
 ausus est, omnesq; ferè Europæ principes &
 summos Imperatores non modò pro vasallis,
 sed & pro vilissimis mancipijs habere cœ-
 pit. Quid enim est, quod de magnanimo
 principe Friderico Barbarossa historici com-
 plures memoria prodiderunt? Hic cum ab
 Hadriano quarto Pontifice Romano jure

N. 3

genti-

Naocl.
 gen. 39.
 Baleus
 lib. 5. act.
 pontif.

gentium imperiale diadema peteret, prius
 obtinere non potuit, quam Apuliam
 pontifici concederet: quin & inhibere Im-
 peratori bestia non erubuit, ne homagium
 à Germania episcopis sibi subiectis sumeret,
 & quod magis est, ipsum per literas gravi-
 ter increpavit, quod Imperator suae maje-
 statis nomen Pontificia beluae praeponeret,
 quasi hoc facto beato Petro, sanctaeque Roma-
 nae Ecclesiae non, quantam debeat, Reue-
 rentiam exhibuisset, ideoque per legatos su-
 os defectionem ab illo per Italiam finiti-
 masque regiones procuravit: quin & publi-
 cè certis ceremonijs ipsum excommunica-
 vit, & venenum insuper sapientissimo im-
 peratori propinare molitus est. Sed cum
 tam funestis conatibus Romana bestia even-
 tus non responderet, successor Alexander
 tertius, istam perfidia telam summo studio
 pertexens, extremum & nunquam inter-
 moriturum papalis superbiae, & oppressae con-
 culcataeque Imperatoriae majestatis specimen
 edidit. Is cum bonum Imperatorem Frideri-
 cum in istis plusquam Aegyptiacis Reipub.
 Christia-

Christiane tenebris usitata excommunicazione terruisset: Fridericus autem, pro temporum istorum superstitione, fulmine isto tatus se absolvi postulasset, non prius ejus proscriptionis gratiam obtinere potuit, quam se certo quodā die Venetijs in templo D. Marci sisteret. Vbi in magno Cardinalium & Episcoporum conventu, ad crudelissimi Papae pedes provolutus, supplex veniam petere coactus est tantus Imperator. Quo facto, immanissima bestia Papa prostrati imperatoris collū pedibus conculcans, illud ex Psalmo sibi à sacerdotibus cani jussit: super aspidem & basilicum ambulabis, & conculcabis leonē & draconē. Quam cyclopica crudelitatē tanto modestius tulit tā potens monarcha, quanto profundius fatalis tēporū istorū superstitio animū ipsius invaserat. Hominū fidem! quid est supra omne, quod DEVS est, extolli, si hoc non est? quid est, sibi divina humanaq; jura omnia vendicare, si neq; hoc? quod est Antichristū notare, si hac Pontificia immanitas, Christo ejusq; ordinationi sacrosanctæ cōtraria Antichristū nō designat? Hinc pra-

toria ista Canonistarum decreta: Impera-
 torem esse papæ vasallum, & imperium ab
 eo feudi nomine teneri: jus eligendi impe-
 ratorem ad principes Germaniæ ab Aposto-
 licâ sede pervenisse: Imperatorem posse à
 Papa deponi: Papam vacante imperio, im-
 peratorem esse; super gentes & regna pon-
 tificem Romanum constitutum esse; Papam
 posse transferre imperium de gente in gen-
 tem, principem civitatis, quam papa intrat,
 etiamsi esset rex, equum pontificis freno du-
 cere debere, vel si pontifex vehitur sellâ,
 subire sellam cum suis proceribus digniori-
 bus per aliquot passus &c. Imperatorem in
 convivio aquam Papæ manibus ad lotionem
 præbere debere, Papam cum Turcico tyran-
 no impunè conspirare posse; id quod satis
 luculento exemplo prædictus Alexander
 III. comprobavit, quando clandestinis con-
 spirationibus fortissimū Imperatorem Fri-
 dericum Solimanno Turcico fraudulenter
 tradi curavit; Imperatorem teneri præsta-
 re Papæ juramentum fidelitatis ac obedi-
 entia; quin imò hæc omnem suam tyranni-
 dem

dem uno quasi fasciculo complexus est blasphemio isto & intolerabili decreto; De necessitate salutis credendum esse, Papæ Romano creaturam omnem subesse; ad quam blasphemam vocem vel cælum disrumpi medium, vel terram dehiscere, admirationem non admitteret. Videt in ergo auditores humanissimi, grandiloquum illum regem super omne numen elevatum? audit in, sceleratam istam bestiam sub agninis carnibus draconis ructus evomentem? Videtis ista, auditis hac tanta cotidie, vos o Romani prostibuli scortatores Pontificij, quin & maxima tante tyrannidis pars estis; & Antichristum nondum, vel si caci essetis, palpare potestis? Sed quàm graphicè hunc vobis depingere pergit Propheta: Non erit rex (inquit) in concupiscentiâ fæminarum, nec quenquam deorum curabit, quia adversus universa consurget. Deum autem Mauzim in loco suo venerabitur; & Deum, quem ignorarunt patres ejus, colet auro & argento, & gemmis & lapidibus preciosis &c. Scilicet, quanto supercilio sese adversus omnem principatum,

N s

in c. u-
nâ sãct.
extra
vag de
major.
& obed.

Dan.
vers.
37, 38.
Scorta-
tio An-
tichristi
corpo-
ralis &
spiritua-
lis.

cipatum, adversus Deum hominesq; extu-
 lerit Pontifex Romanus, nemo credo ve-
 strum est, Auditores, qui non cum stoma-
 cho haecenus preceperit. Eundem verò mu-
 lierum amorem respucere, incredibile videri
 potest huic, qui vel nepotes Pontificios igno-
 rat, vel cinadum in Italia collegia nun-
 quam vidit, vel Sodomitica & plusquam
 beluina Pontificis Romani libidinem ne-
 scit, quam dum infando & plane cyni-
 co furore explet, mulierum facile oblivisci
 potest. Mirè quidem hoc nomine commen-
 dat, Petrus de Vineis Iulium tertium pa-
 trum nostrorum memoria pontificem, quod
 is contentus fuerit scortis & pellicibus,
 non verò cinadis & praternaturalibus a-
 moribus inhiarit: quasi egregiè sic com-
 mendasset, attamen hunc ipsum Iulium
 spurcissimum non modò scortatorem; sed &
 cum sui similibus egregium Sodomi-
 tam fuisse accepimus: qui, ut de semet-
 ipso aliquando jocus, lascivus & im-
 portunus adolescens in illam pestilen-
 tia cathedram evectus, nullos ad Ecclesia-
 sticas

sticas dignitates promovit, quàm adoleſcentes turpes, spurcos & lascivos, quos Ganymedes vocare solent, uti patet in quodam Innocentio, ad nullam omninò virtutem neque nato neq; educato, quem cum diu in delitijs habuisset, jam propter summam impuritatem planè infamem, omnibus reclamantibus Cardinalem creavit, ita ut totius urbis fabula fieret, à Iove Ganymedem foveri, licet deformem. Nihil dicam hoc loco de liciti conjugij & casti amoris prohibitione, quam ipsam D. Paulus Antichristi notam esse disertè adfirmavit: sub quibus ficus folijs nulla non incestuum scelera in papatu latuerunt, sicut eo quoq; nomine Gregorius VII. pontifex propter adulteria & fornicationes nimias planè infamis, pro Antichristo tum temporis passim habebatur: quo etiam impietatis pallio quavis sacrificulorum scortationes tegebantur, modò legitimas nuptias aspernarentur. Hoc opinor est, ut levissimè dicam, mulierum amorem contemnere, hoc est non scortatorem agere, non adulterum, sed sodomitam.

1. Tim.

4.

tam. Quid verò de Pontificiorum deo di-
 cam? hoc est de tetro illo & execrando Ido-
 lo Missæ, quam multis retro seculis incogni-
 tam pontifices Romani magnifico splendi-
 doq; apparatu celebrant: qua, ridiculo si-
 mul & impio peregrinarum vocum mur-
 mure, creare sese creatorem blasphemè glo-
 riantur: cui salutem & justiciam eternam
 (solius Christi meritum) impie acceptam
 ferunt: qua sacrosanctum CHRISTI sa-
 cramentum, præter naturam suam, in sacri-
 ficiū sceleratè transformant: qua impu-
 rus sacrificul⁹ intercessor intercessoris illius
 unici & æterni filij DEI fingitur: qua nō
 sine grādi sacrilegio panis in furno coctus pro
 hostia verè placatoria venditur: qua idem,
 idolomaniā quibusvis Ethnicorum super-
 stitionibus horribiliore, spectatoribus ado-
 randus præbetur: qua damnatis etiam in
 medijs inferni & purgatorij ignibus ali-
 quod cruciatuum levamen comparatur:
 qua, ut verbo concludam, abominanda idolo-
 latriæ & impietatis lerna ac sentina conti-
 netur. Hoc novitium idolum qui muniunt,
 proq;

Concil.
 Tridēt.
 sess. 22.
 can. 1. &
 3. Sept.
 17. an.
 62.

proq̃ illo, tanquam pro aris & focis, voce
 calamoq̃ fortiter depugnant, gloria & ho-
 nore cumulantur, potentiâ & opibus præ
 multis alijs augentur, splendidissima sacer-
 dotia præbendas longè pinguiſſimas; the-
 ſauros quamplurimos, quin & integrare-
 gionum regnorumq̃ territoria gratuito ſor-
 tiuntur. Ejusmodi idolum, tanta profani-
 tate & ſuperſtitione refertum, majores no-
 ſtri à primâ mundi origine usq̃ ad Apoſto-
 lorum tempora, ultra quater mille annos in
 Eccleſiâ non viderunt; donec tandem, ſucce-
 dentibus ætatibus, adventante perditionis
 filio, hic quoq̃ verè ignotus deus Antichri-
 ſtum toti mundo penitiſſimè repræſentavit.
 Quæ quidem omnia conſideranti mihi
 venit in mentem illud Gregorij noni Pon-
 tificis longè peſſimi optimum ſtatutum, quo
 ſanxit, nullam valere conſuetudinem,
 per quam quis inducitur ad peccandum.
 At verò hoc ipſo ediçto jugulari debebat
 Miſſa illa papistica, quæ ſuis Idoloma-
 nijs horribiles in D E V M blaſphemias
 peperit. Sed enim ne Babylonica meretricis
 fœtus

fœtus iste longè perniciosissimus interci-
 deret, miraculis illum & à Satana profe-
 ctis prodigijs stabilire conati sunt. Cum
 enim prædicti pontificis Gregorij pontifica-
 tu circa annum Christi 1234. non pauci es-
 sent principes, penes quos & imperij pote-
 stas, & pietatis zelus erat vehementior,
 quibus non modo vilescere ceperat idolum
 istud Missaticum, sed qui etiam summo
 studio elaborabant, ut insipida ista sacra ex
 Ecclesiæ pomerijs exterminarentur; ponti-
 fices Romani, revelationum prætextu, &
 fanaticarum visionum superstitione huic suo
 fictitio deo auctoritatem conciliare non
 erubuerunt. Repugnantibus enim quam-
 plurimis in tota passim Europâ, qui tan-
 tam papicolarum idolomaniam non appro-
 babant, siquidem ex illa, ut & ex alijs
 notis ductu Apocalypsis D. Ioannis, Anti-
 christum cominus agnoscebant, & Romanam
 Babylonem & meretricem illam magnam
 esse credebant: non veriti sunt perdi-
 tissimæ causæ scelerati patroni, substituere
 nescio quem succenturiatum, Cyrillum præ-
 sidem

sedem Carmelitanum, quem Moſis & Ioannis exemplo novam Apocalypſin è cælis accepiſſe, DE I ipſius digito in argenteis tabulis græcè ſcriptam ſuper futuro Eccleſiæ ſtatu, circa annum CHRISTI 1192. nefariè & impudenter commenti ſunt: quo poſtmodum ſuppoſititio revelationum libro illa Ioanni divinitus inſpirata vaticinia, in iſtâ ſeculi cecitate funditus delere voluerunt. Hoc ipſo ſatis evidenter ſibi ſuoq; pontifici ingnem illam Antichriſti notam propriam fecere, de qua D. Apoſtolus loquitur: Antichriſtum venturum ſecundum omnem operationem Satanae, in ſignis & prodigijs mendacibus, & in omni ſeductione iniquitatis. Et quid enim unquam prodigioſioris mendacij ſpeciem vel prætextum habeat, quàm Spiritus Sancti dictamini humanius excogitatas apparitiones anteferre? ecqua Satanae operatio ad ſeducendos infideles poſſit eſſe efficacior, quam quæ poſt habito verbo, quaſi myſtico & mendaci enthuſiaſmo, deterrimâ idolomania ſimplici plebecula obtrudit? Hæ ſunt artes & molitiones, Auditores, hæc

Miracula Anti-
chriſti.

res, hæc fulcra basesq; totius sella pontificia,
 qua partim ex effictis fraudibus & menda-
 cijs compacta, partim miraculis & nescia
 quibus portentis cōagmentata est, quibus
 Romana meretrix etiam num toti mundo
 illudit, seq; divino numini hisce prodigijs
 non dicam impiè adequat, sed sceleratè præ-
 fert. Quid enim de vivo isto Satana organo
 Gregorio VII. Pontifice dicam? quem mul-
 tis post mortem clare miraculis papicolæ
 jactitant: qui cum impostor & prestigator
 planè diabolicus inauditâ tyrannide papa-
 tum invasisset; palam DEI nomen & offi-
 cium, virtutesq; CHRISTI veri DEI
 ac hominis vendicare ausus est, propter in-
 cantationes maximas, quibus imperitiorum
 oculos magus iste præstrinxerat, animos
 satellitum suorum penitus fascinarat. Quid
 de Urbano IV. memorem? qui ex supersti-
 tiosa visione diaboli fœmina cuidam Leodi-
 ensi factâ, festo suo Eucharistici panis, quod
 CORPORIS CHRISTI nominant,
 quintâ post Trinitatem feriâ celebrando o-
 riginem dedit, idemq; bullâ suâ ad prædi-
 ctam

Etiam feminam datâ confirmavit Vnde
 horribilium idololatriarum & superstitionum
 pelagus totum orbem Christianum inquinavit : unde Missaticæ solennitates auctæ,
 indulgentiarum numerus succrevit, præ cæterisq; omnibus deus ille Mauzim
 multo splendidius & magnificentius coli cepit. Quid de Dominicanarum corruga Dominico dicam? quem impietas pontificia non
 modo Apostolis & Prophetis, sed & (horrendum dictu) ipsi Christo longo intervallo præponere non erubescit. Quid de Franciscanorum
 monachorum parente? quem è latere Christi, quinque stigmatibus notatum cum
 vexillo crucis in manibus explicito exiisse, suaviter nugantur : quem plus miraculorum
 quam Apostolos edidisse blasphemè contendunt: quid de miraculis ad sanctorum sepulcra, cadavera, reliquias? quid de portentis
 & prestigijs ad ipsam pontificis Romani sedem & contactum? quæ partim DEO sic permittente veri
 quandam speciem habebant, partim manifestè falsa, & ridicula, diabolo hominum animos excæcante, ab imperitis pro divinis mysterijs accepta sunt :

O

qui,

Anton.
 histori-
 al. part.
 3. tit. 23.
 & 24

lib. con-
 for. f. 66.
 & 39.

2. Thes-
sal. 2.

qui, quia dilectum veritatis amorem non receperunt, ut salvi fierent, ideò hac erroris efficacitate decepti credidere mendacio, juxta manifestum Apostoli vaticinium. Et profectò si singulas Antichristiani regni prestigias & à Satana profecta portenta accensere vellem, non tam exitus quam principium narrationis hujus mihi inquirendum esset. Sed quia instituti mei est, ostendere, quid miraculorum non collusoribus, sed ipsi Antichristo Spiritus S. attribuat, placet D. Ioannem hac de re graphicè loquentem audire: qui in suo visionum libro in spiritu prædixit, tanta fore Antichristi signa, quibus seducturus sit terram, ut & ignem faciat de cælo descendere in conspectum hominum. Quis verò ille ignis? tantamne vim penes Romanam esse bestiam, ut & cæli virtutibus imperare possit? certè si paulò penitius animi nostri aciem intendamus in tyrannidem istam & planè inauditam Pontificū Romanorum ferociam; hunc ipsum ignem papisticum oculos nostros præstringere videbimus. Quid enim sunt illæ excommunicationum minæ, quibus, tanquam inferorum supero-

Apocal.
13. vers.
13.

superorumq; flammis in unum congestis, omnes illos tanquam cœlitus tactos ad orcum proscribunt, quicunq; contra blasphemata ista, & tantum non Epicurea dogmata & decreta vel hiscere ausint? Etsi enim revera fulgetra & tonitrua illa Romani vejovis bruta sint & ex pelvi sonora, quin & instar terriculamentorum puerilium ridicula: tamen in istis seculorum tenebris & primâ lactescentis Ecclesia juventute nescio qua superstitione tantî habita sunt, ut unicum ejusmodi anathematis verbum, veluti ipsam DEI vocem fulmine flammisq; divinitus promulgatam extimerint. A quo primum enim die tanta Romane meretricis rabies sedi Antichristianæ auctoritatem comparavit; ipsi etiam pontificiæ dignitatis competitores in se invicem arma convertere, istoq; anathematum fulmine concertantes semper unus alterum, throno isto deturbare inceperunt, ut arrogantia pariter & superbiæ suæ libidinē hac intempestivâ potentiâ contumaciâq; nequiter explerent. Hinc ad summa Monarcharum principumq; capita digressi, ea quoq;

immmani ausu proscribere non sunt veriti: in
 tantum, ut quo quisque maiorem orbis
 principem sibi non saltem subjugaret,
 non saltem pedibus conculcaret, sed
 & bruto excommunicationis suae fulmi-
 ne feriret, eò firmiores pontificia auctoritati
 bases columnasq; subtravisse videretur. Hoc
 pacto Henricus IV. Imp. Ecclesiae subditisq;
 suis valedicere; Fridericus Barbarossa sum-
 ma (uti habebatur) ignomina extra imperi-
 um exulare; Gulielmus Siculorum rex per
 fas nefasq; Apulia secedere jubebantur: illū
 Gregorio VII, istum Alexandro II, hunc Ha-
 driano IV. plusquam diabolicā tyrannide
 proscribentibus. Hoc pacto Benedictus XII.
 Ludovicum IV. Bavaram Romanum Impe-
 ratorem: Sixtus V. patrum nostrorum me-
 moriā Henricum Navarream, & Henri-
 cum principem Condum: Gregorius IX.
 Fridericum II. Imp. non semel, non iterum,
 sed tertio pontificio anathemate tetigit.
 Hoc demum pacto horribile (ni fallor) ex-
 communicationis fulmen hodieq; evibratur
 in omnium eorum cervices, qui sacerrimae
 sedis Romanae constituta, sacra & edicta re-
 cusant,

cūsant, hoc est, quicunq; cum Babylonicā illā meretrice scortari erubescunt.

Obsecro vos, Auditores, per DEVM immortalem, quid convenientius, quid aptius in Romanum Antichristum dici unquam possit, quā quod de hoc excommunicationis igne à Spiritu Sancto præmonstrato eventus tandem comprobavit? Quot vos putatis hodie Ecclesias, quæ sub vexillo Christi strenuè militantes in tota passim non dicam Europa, sed universo mundi ambitu, quibus non perpetua tempestas exauditur fulminum tonitruumq; Pontificij anathematis? quo veluti alter Iupiter è Capitolio suo cotidie fulgurat, fulminat, intonat; nec tamen unquam adhuc inermis visus est, nec vicissim uspiam repertus est, quem violenta tot fulgetrornū strages vel exusserit, vel insuſcarit, nedum dissiparit. Hæc me hercle non exigua pars esse videtur illius tyrannidis, qua Antichristum potestatem prioris bestię, Cæsarum videlicet Romanorum, facturum Spiritus Sanctus prædixit. Ut enim silentio præteream immanem istam Pontificis Romani audaciam, qua Imperato-

Potestas
prioris
bestię à
papa u-
surpata.

res etiam prepotentes sibi subjugare audet,
 & in ipsorummet conspectu horribiliter in
 regna mundi grassatur: plura sunt adhuc,
 quibus horrenda Romanorum Imperato-
 rum latrocinia Pontifices in Ecclesia studio-
 se emulantur. Omnis autem ratio, qua & i-
 psi olim Cæsares Ethnici, & hodie Pontifi-
 ces Romani Christianam perturbant Rem-
 pub. duum videtur esse generum, quorum u-
 num in idololatrica veri D E I abnegatione,
 alterum in hostili confessorum persecutione
 consistit. Vtriusq; sectatores tam indu-
 strij semper fuerunt nostri pontifices, ut
 & maximis illis tyrannis & infamibus ido-
 lolatris in medio paganismo palmam præ-
 ripuisse videantur. Quod enim de fictitijs
 gentium idolis, hominum videlicet simula-
 cris ad divinos honores evectis, de q; eorum-
 dem cultu literis proditum est, hoc velut
 ad exemplar & umbratilem imaginem in
 ipso demum pontificatu ad unguem repræ-
 sentatur vivis coloribus expressum. Quis
 enim olim summus ille Iupiter, ille termi-
 ximus, cui soli fulminis trisulci potestas e-
 rat? nonne papa noster ter optimus à suis
 procla-

proclamatus, ille tergemino suo diademate
 & execrabili excommunicationis fulmine
 insignis? quæ prima dearum Iuno? nisi quæ
 hodie paganis nostris, sacrosancta virgo Di-
 va Maria fingitur? quis ille deum formi-
 dulosissimus Mars? quàm qui hodiè sub pa-
 patu S. Georgij equitis nomine colitur? quis
 priscis illis Romanis Hercules? quàm qui
 modernis Romani Iovis sacerdotibus Leon-
 hardus, cui equorum cura tutelaq; commit-
 titur? Quis nautis olim Neptunus, nisi
 qui papicolis naucleris S. Nicolaus? Et quis
 idolorum monstra omnia recenseat? Triginta
 deorum millia super terram versari, inquit
 Hesiodus, hominum custodes:

Τεῖς δ' μύριοι εἰσὶν Ἰπὶ χθονὶ παλαιοτέρη.

Αθάνατοι ζήντες δούλακες θνητῶν ἀνθρώπων.
 Sexcenta sanctorum millia apud pontificios
 reperiri possunt, mortalium precatore. Tre-
 centos Ioves antiquitatem veneratam esse
 Varro auctor est, & trecenti ferè Roma-
 norum pontifices hodiè numerantur; quis
 non Idolomaniam Pontificiam tam cras-
 sam tam palpabilem deteriorem dicat illà

Ethnicorum simplicitate, qui seculi quodam errore sub idolis illis verum D E V M, quem naturali luce agnoverant, quasi verunt? Iam quod ad Christianorum persecutiones sub regno pontificio attinet; D E V M immortalem, quanta hic seditio lerna, quanta pontificiorum carnificum laniena aperitur! Iulianus Imperator in scholis curabat pueris proponi scripta, quæ insignes in C H R I S T V M blasphemias & contumelias complectebantur: Antichristus Romanus non modo purum putum illud Evangelij lac impiarum suarum superstitionum veneno adulteratum, tenellæ juventuti propinari curat, sed & bibere renuentes ad ignem, ad aquas, ad laqueos ablegat. Nero, prodigium istud generis humani, electa D E I organa Petrum & Paulum, pro suo in Christianos odio tragicè sustulit, hoc ferro, illo cruce condemnato: Synodus Constantiensis à Ioanne XIII. collecta fideles illos & magnos D E I viros, Ioannem Hussum & Hieronymum Pragensem flammis addixit. Idem Romani imperij monstrum Nero divinum Evangelij praconem Marcum per urbem crudelissimè ra-

Euseb.
lib. 2.
cap. 25.
Sleid.
lib. 3.

Euseb.
lib. 2.
cap. 16.

mè raptatum, saxis q̃ illisum tam diu cruciari jussit, donec animam efflaret: circa Alexandri Sexti pontificatum sanctus ille propheta, qui papam jam ante multos annos Antichristum esse dixit, Hieronymus Savonarola diu multumq̃ per varia tormenta examinatus, miserè comburitur. Herodes Galilaus Iacobum, Hirtacus Aegyptius Matthaeum, magnos illos Christi Apostolos gladio percusserunt: quos hodie filius iste perditionis veri Evangelij confessores non percutit & horribiliter è medio tollit? D. Ioannes dilectus ille Christi discipulus Domitiani tempestate ob Evangelij confessionem exilio damnatus & in Patmum insulam relegatus esse scribitur: Divus Lutherus, magnus ille Germaniae Evangelista, Christo suæq̃ Ecclesiae verè dilectus, ante tempora exhibitæ confessionis Augustanae, à Leone X. proscriptus VVitebergâ secedere cōactus est in locum à turba remotum, quem non abs re patmum suam appellare voluit. Et quid verbis opus est? quæ unquam uspiam in orbe regio, quæ urbs, qui fermè pagus oculis obtingere potest, qui non sanguinolentâ

L. Rab.
4. part.
de mar-
tyr.

Euseb. l.
3. c. 24.

Sleid.
lib. 3.

*Antichristi Romani lanienda turpissime sit
 fœdatus, qui non cruore sanctissimorum
 martyrum caleat, qui non cineribus & fa-
 villis combustorum corporum puluerulen-
 tus videatur? Testatur Gallia, loquitur
 Hispania, fatetur Italia, nostra quoq; Ger-
 mania, hanc tantam crudelitatem experta,
 non potest non ingemiscere. Quæ verò un-
 quam, tam dira, tam inhumana, tam inaudi-
 ta mortis species priori illi bestie Casarea
 Monarchiæ in mentem venire potuit, in
 qua non Italicum illud acumen Pontificis
 Romani omnes tyrannos superavit? ut jam
 revera Romana ista meretrix sanguine
 martyrum non modo ebria, sed ferè suffocata
 planè videatur. Hoc est profectò, hoc est
 prioris bestie virtutem potentiamq; amu-
 lari: quod qui non videat, hunc ego credo
 extremè cæcum, summeq; dementatum esse
 oportere.*

*Quod ergò est fascinum illud, quod adu-
 latorum Ramanensium oculos adeò hebeta-
 vit, ut Antichristum agnoscere neque-
 ant? Nimirum vinculis immota veritatis
 constricti nullas non elabendi rimas inda-
 gant.*

gant. Et primum quidem infallibile Danielis vaticinium à suis cervicibus hac ratione propulsare nituntur, ut dicant, Antiochum Epiphanem esse regem illum magnum, contra DEVM elevatum: Antiochum pro lubitu suo tyrannicè omnia egisse: Antichristi notationem Danieli hinc in mentem non venisse. Mira interpretandi felicitas, summa cum stoliditate iuncta! Quod enim de magno illo rege predicit Propheta, ecquis unquam Antiocho convenire dicat? quis adfirmare ausit, mulierum amorem spreuisse Antiochum, qui & uxorem & filium habuit Alexandrum? quem unquam Deum patribus suis incognitum coluit Antiochus, quem Iovem illum Olympicum, maioribus suis satis notum, in templum Hierosolymitanum collocasse, & religiosè veneratum esse constat? quis magnam illam persecutionem ultimum diem novissimè precedentem, de qua Daniel agit, referat ad Antiochum, quem longè ante Christi adventum in carnem Ecclesiam DEI impugnasse patet? Quis ergo magnus ille Rex, qui contra omnem Deum effertur?

ponti-

pontifex Romanus : quis ille *ἀνὰ* & pu-
 dici amoris osor ? Pontifex Romanus : quis
 ille ultimus Ecclesie DEI insectator ? Pon-
 tifex Romanus : magnus ille Antichristus ,
 rex regum & dominus dominantium à suis
 jam pridem salutus. At verò continua jam
 (inquiunt) succedentium Pontificum est se-
 ries : qua ergò vi & injuriâ omnibus hisce
 tribuitur , quod uni personæ tam Propheta
 quàm Apostoli adsignant ? num unum ali-
 quem ex toto pontificum Catalogo eligen-
 dum censeas , quem dicas Antichristum ? quo
 privilegio alios præteris , hunc sortiris ? hor-
 ribilis oratio ; quam scriptura , mores , etas
 nostra , ipsa deniq; hætenus jactata pontifi-
 cum Romanorum successio refellit. Neq; ve-
 rò Spiritus S. glossæ hujus autor est : qui
 dum Episcopum unius uxoris maritum esse
 dicit ; dum regem Israël legere jubet in le-
 ge Domini ; dum septies cadere justum &
 resurgere adserit ; vel unum aliquem ex
 grege Episcoporum maritatum cupit ; vel u-
 ni saltem regi lectionem bibliorum com-
 mendat ; vel certam justorum personam ca-
 dere , innuit : sed quod in individuo uni ad-
 signat ,

1. Tim 3
 Deuter.

17.
 Prov.

24.

signat, de omnibus omnino ejus ordinis ho-
 minibus accipi oportere manifestum est: æ-
 què ac cum Imperatorem Romanum caput
 imperij familiari sermonis genere dicimus,
 non hunc saltem, qui jam rerum potitur sed
 & quicunq; hoc officio unquam aut functi
 sunt, aut acinceps fungentur, accipientes:
 perinde ac ipsimet Pontificij S. D. Suum pa-
 pam non errare posse adfirmant, non judi-
 candum esse, etsi mille animas orco æternum
 manciparit; non saltem Clementem hodi-
 ernum sedis Antichristianæ Monarcham in-
 telligentes, sed quotquot uspiam papali di-
 gnitate tituloq; claruerunt, & in posterum
 eminebunt. Desinant igitur adulatores Je-
 suæstri Spiritus Sancti stilum glossâ suâ cor-
 rigere, desinant illis contradicere, quæ jam o-
 mnium temporum mores, quæ linguarum
 consuetudo, quæ ipsorummet Romanensium
 temeritas & audacia jampridem compro-
 bavit. Quod si verò neq; sic satisfactum est,
 cedo, quid Monarchiæ papali magis adver-
 satur, quam si plures simul dominantur?
 quod si ergò unicum saltem uno tempore
 agnoscitis pontificem: qui sit, quod plures il-
 los lon-

los longa Cathalogi serie sibi succedentes, hinc cum de Antichristo agitur, praten-
ditis? Sed è Iudæorum gente oriundus erat Antichristus, circumcidetur à Iudæis pro-
pter quos & veniet, pro Messia recipie-
tur, instaurabit templum Hierosolymita-
num, & in eo sedebit, Eliam & Enochum
interficiet. Pergitisne, Romana meretricis
scortatores, tanquam ex syngraphâ nobiscum
agere? quo dictante Spiritu hac loquimi-
ni? quis vobis isthac mysteria revelavit?
soline vos tantâ sapientiâ turgetis, qua tam
egregias Antichristi notas profertis, quas
Christianorum nemo, tot abhinc annis,
subodorari potuit? cui igitur fundamento
has superstruitis machinas? vestro nempè
cerebello, puræ putæ isti fraudum menda-
ciorumq; scaturigini. Quare nos, priora
illa sine scripturarum auctoritate efficta,
eâdem facilitate contemnimus, quâ à
vobis afferuntur: posterius verò illud e-
gregiè ex scripturis extorsisse videmini.
Quid enim de hoc Spiritus S? Dabo duo-
bus testibus meis, inquit, & Propheta-
bunt diebus mille ducentis sexaginta, ami-
Et i sac-

Apocal.
13. vers.
3. ver. 7.

Et i saccis: & cum finierint testimonium suum; bestia quæ ascendit de abyssu, faciet adversum eos bellum, & vincet illos, & occidet illos: de Elia & Enocho ne gry quidem: qui verò illi testes? à me vos queritis? qui doctores Evangelicos divinitus excitatos, fideles illos veritatis testes, ferro & igni quotidie persequimini: qui omnes pios Legis Evangelijq; præcones, in sacco & pulvere pœnitentiam mundo annunciantes, & fraude passim interimitis: in quibus tamen subinde Spiritus Domini reviviscit.

Neg, enim ulla unquam regio tam sterilis fuit, quæ non fidelem verbi divini præconem aluerit, qui quamvis continuâ pontificis Romani rabie vita officioq; exueretur, alios tamen post se non interrupta serie reliquit, qui prioris vestigijs, sanguine pontificiæ tyrannidis adhuc ferventibus, insistentes, Antichristi regnum cade latrocinijq; stabilitum, gladio verbi divini intrepide & cum vitæ discrimine impugnare non timuerunt.

Multa sunt alia, quæ pro insano planè blasphemæ

blasphemandi pruritu, pro pontificis sui a-
 stimulatione Romani gnathones afferre co-
 nantur, sed & sexcenta sunt, quæ pro verita-
 te tuenda Spiritus Sancti digito monstrata,
 hac luce clarius possent pontificem Roma-
 num Antichristiana tyrannidis convincere
 Quæ quidem omnia quo minus in presentia
 referam, ipsa me temporis angustia prohi-
 bet, prohibet & in primis vestra, Audito-
 res, plusquam humana benevolentia, & ad
 hoc usque momentum constans attentio; pro-
 hibet insuper rei per se satis clara eviden-
 tia. Ecquis enim est in hac nobilissima coro-
 na, qui Antichristum adhuc expectet?
 Ecquis vestrum est, quem superba illa papæ
 arrogantia & ambitio, inconcessa illa domi-
 nandi libido, isti idolomaniarum cumuli,
 illa crudelitatum & persecutionum exa-
 mina, illi denique mendacissimorum miracu-
 lorum & prodigiorum centones non move-
 ant, convincant & planè indubium red-
 dant, Antichristum illum magnum sub me-
 dio dominari papatu, & nusquam alibi,
 quam in sede pontificiâ inveniri? Quæ cum
 ita sint, Deum immortalcm, quantam pon-
 tificij

tificij cleri vel cecitatem vel hypocrisin esse
 oportet, qui tantâ vaticiniorum evidentiam,
 præsentissimo rerum eventu comprobata,
 conscientiam suam constrictus & convictus,
 Antichristum nondum vult agnoscere:
 aut certe agnito diabolica malitia & hypo-
 crisi adhuc abblanditur; & quod sceleratè
 nefarium est, ipsi linguas calamosq; suos co-
 tidie adversus CHRISTVM & sanctum
 ipsius Spiritum venales exponit! O vos æ-
 ternum miseros, qui tantorum hypocritarum
 informatione cura tutelaq; uti cogimini! O
 vos æternum felices, & verè DEI filios,
 quos extra Antichristiani regni sepimenta,
 intra veram DEI Ecclesiam, salutari
 CHRISTI Spiritu duci, atq; eminus dun-
 taxat immanitatem tantam Romani Anti-
 christi cernere & execrari licet! Profecto
 illis in ipso meridiano clarescentis Evange-
 lij sole ipsissima nox, & tantum non AEgy-
 ptiaæ oriuntur tenebrae: His vero, tanquã
 in ipso Dei gremio, merus splendor, mera
 dies, mera lux, & nunquam obitu-
 ra claritas enitefit.



Oratio posterior.

DE PONTIFICE
ROMANO;

*Quod is sit magnus ille Anti-
christus: ex Antichristiani regni notis, cum
regno Pontificio convenientibus. Publicè
habita, VVitebergæ anno Christi
1598. a. d. 5 Febr.*



*I MIHI IIS TEMPO-
ribus & moribus dicendum es-
set, Auditores, Viri Reverendi,
Clarissimi, Humanissimi, juve-
nes lectissimi, ubi, præter Pontificem Roma-
num, nemo esset alius, qui pertinacissimis
suis opinionibus Rempub. Christianam tur-
baret & impugnaret: possem utiq; hac al-
terâ de Antichristo oratione supersedere,
vel certe minus pertimescerem, ne non satis
exquisito penicillo Antichristum Romanum
vobis*

vobis depinxerim. In tanta enim (si qua esset) rerum Christianarum felicitate nemo forte inveniretur, cui non vel digito monstrari posset Antichristus; qui doctrinam nostram, non à natura nobis ingeneratam, non à maioribus saltem acceptam & ad nos saluberrimè propagatam, sed divinitus inspiratam, & Apostolorum voce literisq; per manus quasi ad nos translata, immani ausu pervertere omnibus remis & velis elaborat. Sed ea jam (proh dolor) est Reipub. Christianæ facies, tam miserè distorta, tam variè tracta & dilacerata, ut quocunq; oculos convertas, tot ferè hæreses monstræ videas, quot veros CHRISTI socios & civitatis DEI inquilinos. Gemitum profecto universæ naturæ exaudire mihi videor, tam miserā & miserādam Ecclesiæ vicē dolentis, quæ multifarijs hæreticorum ictibus undiquaq; saucia in ipsis venis & visceribus suis extrema quæq; penitissimè experitur. Hæc tanta perturbatio, tam varia corporis Christiani divulsio, sub multiplici prophanitatum clypeo mag-

num illum Antichristum occultare videtur: ita ut inter tot diversos Christi adversarios verendum sit, ne vel in sinu nostro ipsum foveamus, vel alibi difficilius reperiamus. Quemadmodum enim incautis & imperitis nautis usu venire solet, ut, dum perniciosos Sirenum scopulos prænavigant, nihil minus quàm periculum ibi metuentes, & suavitate cantus blanditiarumq; meretricum sopiti, se suosq; violento raptu in extremam maris voraginem precipitant: Ita qui in vasto hoc mundi pelago naviculam Christi incautius promovent, suavissimis illis hereticorum blandimentis, veluti soporiferâ quadam potione sepulti, & in primis magnæ meretricis, novæ Babylonis delicijs fascinati, nihil minus quàm Antichristum se videre cogitant: donec tandem perniciosâ hac securitate suam multorumq; animas Babylonicæ hujus Sirenis voragini & infernalibus undis absorbendas offerunt. Sed enim, ut de Ulyssse refertur, eum illac navigaturum, sociorum suorum aures cerâ clausisse, ne Sirenum cantus audirent: seipsum autem ad

Serv. in
5. l. Æ-
neid.

tem ad malum navis alligari curasse, & sic evasisse, Sirenas q̃ mortuas esse: ita magnus ille Theander LVTHE RV S Romana meretricis fraudes & astutiam singulari DE I gratiâ & prudentiâ planè divinâ quasi de longo prospiciens, ipse non solum princeps navigationis hujus nauclerus, illam evitavit: sed & omnes fideles in hoc CHRISTI navigio remiges & vau^{ti}m^{ti}catas suos cerâ verbi divini pramunitos ab hisce meretricum blandimentis immunes reddidit: quin & potenti spiritu multa Sirenum Romanensium ganea & lupanaria infregit, & verbo veritatis meretricum quam plures efficaciter enecavit. Ab hoc primum tempore quamvis plurimorum saniorum animi planè indubij redditi sint de Antichristi adventu: tamen non desunt ad hunc usq; diem bene multi, qui partim propter tantum hæresum cumulum, partim propter insanum in meretricem suam amorem, manifestam lucem nolunt agnoscere. At q̃ hoc ipsum est, quod præter alia omnia, quæ mihi singula omnem in dicendo adimunt audaciam, mi-

rificè me perturbat. Nam cum neq; tanta sit
 in me ingenij acies, aut judicij sagacitas, ut
 absq; pralucente verbi divini pharo in tan-
 to hereticorum pelago verum Antichri-
 stum queam dignoscere; neq; verò tanta in
 me vel doctrinae vel eloquentiae sit copia, ut
 ea, quae ab alijs hoc ingenere inventa sunt, e-
 rudite & ornatè proferre possim; duo ta-
 men sunt potissimum, quae in summâ pertur-
 batione & molestia me recreare possunt: caus-
 sa nimirum bonitas, & vestra, Auditores,
 humanitas: quarum illa vel infantiliter de
 rebus non tanti momenti qualiter qualiter
 balbutientem tolerare solet. Pergam itaq; a-
 lacriter inceptam telam pertexere: & quia
 priori oratione infallibiles Antichristi notas
 in ipsa Pontificis Romani personâ recenscen-
 tem me audivistis: date mihi, quaeso, hanc
 quoq; horulam, de reliquis argumentis, in re-
 gno pontificio Antichristum representanti-
 bus, differenti. Moveat vos Materia, quàm
 tracto, dignitas, quos omnes Antichristum
 intimè odisse scio: flectat veritatis studium,
 ad quod omnes vos sponte vestrà incitados
 esse

esse novi: urgeat denique vel ipsa mea in vos pietas & amor planè singularis: qui favorem benevolentiamque vestram, antehac mihi satis perspectam, jam quoque vehementer exopto.

Qui prepotentis cujusdam tyranni vitam moresque describere animum inducunt, non saltem rerum gestarum ordinem persequuntur: sed & quam sedem facinorum suorum testem consciamque habeat, diligenter annotant. Idem Spiritus S. in depingendis magni Antichristi moribus studiosissime observat: ideoque in notatione urbis illius magna, quæ Antichristiano imperio superbiat, mysterium in fronte mulieris (quam civitatem nominat) scriptum esse dicit, Babylonem videlicet magnam, matrem scortationum & abominationum terræ. Hanc vivis coloribus ita depingit, ut septicollem esse dicat, & uti Daniel addit, inter duo maria sitam, ubi figat Antichristus tabernaculum suum, super montem inclytum & sanctum: quod spiritualis Sodoma sit & Aegyptus, in qua cruci-

Sedes
regni
Anti-
christi-
ani R O-
M A.

Apoc.
17, vers.
5.
Dan.
11. vers.
45. A-
poc. 11.
Apoc.
18.

fixus sit Dominus noster, quæ aliquando sit
 casura, & habitatio demonum futura. Hoc
 theatrum est, hæc officina omnis illius tyrannidis
 & crudelitatis, quæ veluti ex illustri
 quadam & præcelsâ arce in omnes totius
 orbis terrarum convalles longè lateq; est
 diffusa. Quæ quidem Antichristiana sedis
 notatio cuinam urbium convenientius adsi-
 gnetur, quàm cui insignes hæ loci hujus de-
 scriptiones competunt? Ea inter omnes est
 urbium regina illa, imperij potestate super-
 ba, provincijs populisq; potentissima,
 Terrarum dea, gentiumq; Roma,
 Cui par est nihil, & nihil secundum:
 Illa quarta Monarchiæ metropolis,
 Septem quæ una sibi muro circumdedit ar-
 ces, — — — illa inclyta Roma,
 Imperium Oceano, famam quæ terminat
 astris: quæ — — — tantum alias inter caput
 extulit urbes,
 Quantum lenta solent inter viburna cu-
 pressi.
 quæ Tyrreno Adriaticoq; mari est circum-
 flua? quæ verè mater fornicationum & a-
 bominationum terræ est, quæ cum omnes re-
 ges prin-

Virg. 2.
 Georg.
 & 6.
 Æn.
 Eclog. 1.

ges principes q̄, ceu philtro quodam insani amoris inebriati, scortantur, hoc est, quasvis ejus abominationes idolomanias q̄, recipiunt, & quasi de cælo delapsa dogmata mordicus amplexantur. Qui enim Epicureismum & plusquam Ethnicam scelerum licentiam videre volet, Romam profiscatur, & videbit Christianos sub vexillo CHRISTI contra CHRISTVM militantes, ut Franciscus Petrarcha Italus ante annos quam plures scripsit. Hæc enim in sublimi posita instar amplissimæ cujusdam scaturiginis est, unde per infinitos canales suus venenum istud multiplicis idololatriæ, abominationis, depravationis in omnes mundi angulos pleno impetu derivatur. Hæc omnium confusionum & errorum parens est: in hac pistrina, carcer & numella, qua constringuntur omnes simpliciorum animi, qui hisce durissimis novæ Babylonis vinculis captivati multò plus torquentur, quàm qui corporalem illam Chaldaicæ Babylonis captivitatem persenserunt. Hæc illa Sodoma, omniumq̄ scelerum & inauditarum libidinum

gymnasium, hoc scortatorum lustrum atque
 ganeum, hac Aegyptus illa omnium durissi-
 ma, quae omnes Evangelij confessores in lon-
 gè tristissimam servitutem adigit, & profa-
 nis decretorum suorum superstitionibus cru-
 deliter mancipat: quae annihilatione crucis
 I E S U C H R I S T I longè immanius
 C H R I S T V M de novo crucifigit, quàm
 unquam olim Iudei in omnipotentem Ser-
 vatores nostrum servare potuerunt, quae
 gloriatur sese montem sanctum & inclytum
 esse, matrem magnam Ecclesiarum orbis,
 quae sola sit domina rerum, & Lucifer Chri-
 stianae Reipub. cum tamen sit revera habit a-
 tio demonum, fex & pestis civitatis D E I.
 Quae enim unquam tyrannis & immanitas
 in primâ illa Babylonis Catholica captivita-
 te cogitari potuit, quàm non mystica, moder-
 na Babylon, longissime excedat? quae non
 contenta misero Christianorum sanguine,
 diabolico insuper sarcasmo Christianis civi-
 tatibus nulla non dira & crudelia passis ho-
 stiliter illudit. Prima illa Roma, cum jam
 sub consulum fascibus insigniter floreret, re-
 ferunt

ferunt historici divinos honores collatos fu-
 isse à Smyrneis, Pergamensibus & Atheni-
 ensibus: quin & ipsi tanquam victricis deae,
 statuam triumphalem multi precij & orna-
 tus dedicarunt hac formâ: Roma sedens ju-
 venili habitu galeata, sinistra manu tenet
 pugionem, dextrâ coronam auream, desi-
 gnans indice mulierem sub basi sedentem,
 vultu mesto, vestitu lugubri, capillo per
 vittas passo, caput sinistrâ sustentantem,
 dextrâ super sinistrum femur positâ, proje-
 ctis ad idem latus armis atq; clypeis, cum
 hac inscriptione:

ROMA VICTRIX DE DACIA PRO-
 VINCIA SUBACTA TRI-
 UMPHANS VULTU
 AC HABITU
 BARBARORUMQ. SPOLIIS
 INLUSTRIS.

Quid de renovatâ jam, ab Ethnicorum
 tamen superstitione parùm differente Româ
 sentire papicolas arbitramini? haud certè
 minori cum reverentiâ ac cultu ipsos urbem
 suam,

Georg.
 Fabric.
 in lib.
 de Ro-
 na.

suam, veluti divam quandam venerari, re-
 stantur ille misellorum Papæ mancipiorum
 profectiones & itinera, quæ nullâ obstante
 aeris inclementiâ Romam versus suscipi-
 unt, ubi solum tanquam in sanctiss. divæ ali-
 cujus sacello peccatorum veniam sese inve-
 nire fortiter imaginantur. Triumphalem
 quoq. statutam priori isti non absimilem jam
 pridem sese huic divæ suæ posuisse, factò de-
 clarant, quando soli Romæ pugionem & lau-
 rum, hoc est, in omnes totius mundi princi-
 pes & monarchas potestatem victoriæq.
 impudenter vendicant: reliquas v. Chri-
 stiani orbis civitates populosq. squalore
 luctuq. sordidatos huic unice urbium regi-
 ne subjugare moliuntur: inprimis v. barba-
 ris Americanorum spolijs illustres trium-
 phare sese jam gloriantur. Hunc tantum fa-
 stum, hanc, quamvis imaginariam, præ reli-
 quis urbibus præeminentiam exactè com-
 munem habet Roma cum Babylone illâ ma-
 gnâ, quam ipsemet Spiritus S. civitatem for-
 tem nominat, quam erudita antiquitas
 Chaldaicarum gentium caput indigitavit;
 quin

quin & propter admirabilem ejus clarita-
 tem inter septem mundi spectacula referre
 non dubitavit. Sed quemadmodum angelus
 Domini hanc quamvis splendidam & ma-
 gnā civitatem cecidisse, subrutam & va-
 statam, draconum cubile, & struthionum
 pascua factam esse dicit, eò quod usq; ad cæ-
 los pervenerit, & usq; ad nubes elevatum
 sit judicium ejus: ita & mystica hac Baby-
 lon, fursur & fex Christiani orbis, Roma, ju-
 sto Dei judicio relictā, partim jam ruinam
 minitatur, & ad interitum tendit, partim
 succedentibus seculis irā divinā succensa
 conflabit. Quem fatalem Urbis interi-
 tum multis retrò seculis etiam Sibyllam
 quandam comprobasse, auctor est Lactanti-
 us, quæ Romanam interituram prædixit, &
 quidem judicio Dei, quod nomen ejus habu-
 erit invisum, & inimica justitiæ, alumnū
 veritatis populum trucidavit. Hæc omnia,
 quā eleganter inter se conveniunt! audi-
 tores; quā omnino nihil est, quod de Ba-
 bylone primā DEI Spiritus annotavit, quod
 nō in mysticā hac & Romanā Babylone ad li-
 teram

in. l.
 nat.
 hist. cap.
 26.
 Apoc. 18.
 Isa. 34.
 v. 14.

n. l. de
 divino
 premio.

in l. cōt.
Jud. & l.
3. advers.
Marc.

ep. 17. ad
Marcel-
lam.
18 de
civ. Dei
c. 22.

teram sit expletum! Id quod adeo verum
est, ut & patres non pauci, qui alioquin re-
rum eventu destituti, de Antichristo opinio-
nes suas dubitanter adstruxerunt, per Baby-
lonem hanc mysticam, Romam constanter ac-
cipiant. Vnde Tertullianus latinorum pa-
trum antiquissimus, luculenter indicat, Ba-
ylonem apud Ioannem Romana urbis figu-
ram portare, quæ & magna sit, & regno su-
perba, & Sanctorum debellatrix. Et D. Hie-
ronymus omnia, quæ de Babylone mysticâ
scribit Ioannes in 17. cap. Apocal de Româ
disertè interpretatur. Ita Augustinus Baby-
lonem vocat primam Romam, & Romam
secundam Babylonem. Idem omninò sentit
Lactantius, Oecumenius & alij. Et inprimis
Chrysostomus elegantissimè se declaravit,
quando inquit: Quemadmodum regna illa
destructa sunt, quæ ante Romanum imperi-
um fuerunt, utpote regnum Medorum à Ba-
bylonijs, Babyloniorum à Persis, Persarum à
Macedonibus, Macedonum à Romanis: Ita
& regnum Romanorum ab Antichristo, &
ille à CHRISTO, & postea non amplius
obtime-

obtinebit. Ita igitur omnino extra omnem dubitationis aleam est, Antichristum non alibi quam Romæ quarendum esse; ipsis etiam Pontificijs interdum non obscure suffragantibus. Iam, qui sunt incola & subditi mystica hujus Babylonis, sedis Antichristiane? mercatores terræ, inquit D. Ioannes, quibus datum est emere aut vendere. Ecquis verò Romæ Cardinalium, quis Episcoporum est, quis sacrificulorum, quis monachorum, quis denique omnium, qui aliquo officio Pontifici Romano sunt obnoxij, qui non per avaritiam fictis sermonibus negotietur, uti Petrus de Antichristi ministris scripsit, qui non nundinatione plane intolerabili curiam Romanam, suasque ciuitas locupletet?

Quemadmodum enim Roma ab initio prædonibus fundata, avaritiâ aucta fuit: ita de ejusdem primordijs etiamnum retinet, ut omnem jam Romæ vim ac potentiam non nisi spolijs & rapinis stabilitam videamus, ut Ioannes quidam Monachus conquiritur.

Fellar.
lib. 3. de
. R. c.
3.
Apoc. 13.
17. &
8. v. 3.
2 Pet. 2.

Nundi-
natio-
nes re-
ni An-
tichri-
stiani.

1. Sam.
6.

ritur. Non ego referam, quanto studio & curâ planè indefessâ auro inhiant negotiatores pontificij, quàm nulla omnino sacrificia, præter aurea, & argentea DEO offerant, sacra sua non nisi gemmis & auro exornata DEO placere putantes, non secus ac Philistinorum sacerdotes olim DEVM aureis muribus placari posse existimabant: hoc saltem dicam, quod omnibus est obvium, quanto cum furto pariter & fraude tam civilibus in rebus, quàm Ecclesiasticis, subditi Romani pontificis cotidie exhauriantur. Vero enim verius est, Romam negotiationum tam spiritualium quàm corporalium receptaculum esse. De politicis ut brevi dicam, quanti latrocinij est, quod Romanus Episcopus pro plenitudine potestatis suæ ministris Ecclesiæ testamentum concedere sine suâ veniâ, interdixit, qui secus fecerint, aut qui intestati sint, horum bona ad suam sedem immediate devolvit? quanta impietatis dicam an avaritiæ, quod ad pias causas testamento legata, pro tyrannico suo in omnes dominio, sibi suæq; curiæ adscribit? Et
hac

hac ratione jam pridem politias turbavit
 magnus ille mercator, divitijs totus adflu-
 ens & diffluens, qui opulentissima mundi
 regna & provincias omnes sibi sub patri-
 monij Petri specie violenter vendicat. In
 foro vero Ecclesiastico usq; adeo sacra cul-
 tusq; divinos omnes verū exposuit, ut jā ni-
 hil tā splendidū aut difficile sit, in reb. divinis,
 quin auro argento q; in regno Pontificio com-
 parari queat. Opera & precium non est hoc loco
 repetere, quanta cum avaritiā in istis Anti-
 christiana monarchia tenebris nundinae fue-
 rint instituta, quae interventu nummi omni-
 um peccatorum expiationes pollicebantur,
 ita ut Raimund. pecunias animarum reme-
 dia vocare non erubesceret: unde postea ani-
 marū cistarumq; spoliationes velut ex equo
 Trojano infinitae prodierunt. Notissima di-
 cā, quo astu etiam nū aula pontificia thesauri
 in tantā immensitatē excreverint, ut omnes
 jam regū principumq; gazas superent. Non
 enim vel hereditario jure, vel virtutum
 præmijs, vel laborum meritis tantas sibi o-
 pes acquisivit aula Romana: sed merā simo-
 niā, merā aruscatione & latrocinio illas

Sleid l.
4.

compilavit. Neq; enim veriti sunt pontificij monarcha rerum Ecclesiasticarum proventum omnem, Evangelij ministris detractum, manifesto furto sibi attribucere, omnium functionum ecclesiasticarum redditus illius anni, quo vacant ministro, arario suo adsciscere: quin & si Episcopi proventibus & redditibus frui vellent, certâ pecuniâ summâ pro magnitudine ac modo annui proventus redimere cogeantur: ipsas quoq; vestes & sacerdotale pallium à pontifice archiepiscopus non nisi magnâ argenti copiâ recuperabat. Hinc tot & tanta pontificum aruscatorum tributa: tributa ex annatis seu vacantibus: tributa ex præventionibus, commendationibus, dispensationibus: tributa ex gratiis, expectativis, beneficiis vacaturis: tributa ex privilegiis, bullis, sigillis, tributa ex coronatione & confirmatione Imperatorum & regum: tributa pro non obstantibus, annulationibus, absolutionibus: tributa pro laicis, pro clericis: tributa pro exemptionibus, protonotariatibus, promotionibus: tributa pro concubinarum tolerantibus: tributa ex indulgentiis pro esu carniû, pro monacho portan-

portante sotulares rostratos & tunicas nodatas; pro laico sacrilego, pro incestuoso, pro scortatore & adultero, pro periuro, pro homicidâ & parricidâ. Et quis omnia aruscationum genera verbis saltem enumerare posset, quibus omnia scelera quantumvis grandia & dictu quoque horribilia vili precio expiabantur: omnia verò officia Ecclesiastica & politica, quantumvis vilia, magno auri pondere vendebantur? hasce enim gratias & dispensationes pauperibus non concedi taxa cancellaria Apostolica aperte profitetur. Hinc omnes regnorum thesauri exhausti: misera quoque plebecula his tot rapinis & latrocinijis ad extremam paupertatem redacta est. Testantur id frequentes omnium temporum querela: fatentur tot diversis aetatibus hanc ob causam coacta concilia: loquitur inprimis omnium instar satis lacerta Gallia, quæ præter exactiones infinitas alias, ex solis vacantijis (uti vocant) olim, cum adhuc in flore esset regnum pontificium, quotannis ad novem auri tonnas (uti nos loquimur) Romanæ curiæ tributum numeravit. Quin & hæc ipsa Gallia, sub Marti-

Hothō.
in ful.
br. f. 59.

ni quinti pontificatu, cum in Saxoniā Marcellus quidam Minorita indulgentias papales magno cum favore venderet, eo angustiarum pervenit, ut interdum ad usum plebis Gallicæ pecuniam arcam pro argenteâ cudi necessum fuerit. idem de omnibus Europæ partibus pari cum evidentiâ ostendi posset, quarum omnium miseriam, ex Pontificio latrocinio oriundam, consideranti mihi & tempus simul & animus deficit. Interim succrescit camera Romana, ditefcunt monasteria, retia illa ad capiendâ laicorum bona contexta, ipsa quoq; privata Pontificum bona in tantum locupletantur, ut de Ioanne XII. (quem Ludovicus IV. publico edicto Antichristū declaravit) Francisc. Petrarca scripserit, in ejus mortui arario ab heredibus reperta fuisse nō minus vicies quinquies millena aureorum milia, seu 250. auri ton-
tas. DEVM immortalem! quis animi tam modesti? quis tantæ patientiæ & facilitatis est, ut tanta pontificum furta & rapinas summis diris non excretur? Exhauriuntur sacra, spoliantur prophana: populantur templa, devastantur aule: vulgus
stipem

stipem colligendo; sacerdotes stipem ad usus
 pios conferendo, sacra sua peragunt: Ro-
 manenses interim negotiatores magno cum
 fastu & splendore inter tot auri argentiq;
 cumulos superbientes, argentariam faciunt,
 & velut in abominandam Scyllam aut Cha-
 rybdin omnes mundi thesauros impudenter
 corradunt. Hanc tantam sedis Antichristia-
 nae injuriam aut avaritiam nunquam non
 pii & fideles omnes graviter detestati sunt;
 & è multis alijs Marsilius Patavinus ante
 274. annos non sine insigni animi consterna-
 tione condemnavit, qui & urbem Romam
 domum negotiationis & speluncam latro-
 num appellare non dubitavit, & de incredi-
 bili ista mundinatione in regno Antichri-
 sti, ita scriptum reliquit: Quid, inquit,
 aliud ibi (Romæ) quàm Simoniacorum undi-
 quaq; concursus? quid aliud, quàm causidi-
 corum strepitus & calumniatorum insul-
 tus, & justorum impulsus? ibi periclitatur
 innocentum justitia, vel in tantum differ-
 tur, si eam precio redimere nequeant, ut tan-
 dem exhausti innumeris fatigati laboribus,
 justas & miserabiles ipsorum causas cogantur de-

1. part.
 defen.
 pac. c. 1 p.
 24.

tur deferere. Ibi namq; altè intonant leges humana, silent aut rarius resonant divina doctrina, ibi tractatus & scrutinia invadendi provincias Christianorum, & per armatam & violentam potentiam obtinendi & eripiendi ab his, quorum custodia licite sunt commissæ: acquirendarum animarum nulla consilia nec sollicitudo &c. Hæc ille iustissimè conqueritur, cui multi alij unanimi consensu suffragantur. Valde longum foret, si omnes mancipiorum Pontificiorum nundinationes accensere vellem, quas exercuerunt in vendendis sanctorum reliquijs, in ostendendis Apostolorum ossibus, craneo Petri, caligis Andrea, tunica CHRISTI, baculo Iacobi, lacte Maria, capillis Catharina, et sexcentis alijs, quæ omnia ipso saltem nomine execrabilem negotiationem mercatorum Romanensium præseferunt. Miramini, Auditores, hæc omnia tam pulchrè convenire cum notis Antichristi: sed vos non abs remirari cognoscetis, si, quæ de charactere Antichristi subjungit Apocalypsis Ioannis, cum Pontificio chrismate conferetis. De bestia enim Antichristum notante refertur, quod
omnes

Chara-
cter fa-
tellitum
pontifi-
ciorum.

omnes pusillos & magnos, & divites, & pauperes, & liberos & servos faciat habere characterem in manu dextrâ, aut in frontibus suis. Idem omnino facit Romana ista bestia devotorijs suis, quos non nisi diabolico chrismatis asterismo insignitos pro suis agnoscit: quo characterē dignoscuntur ij, quibus solis emendi vendendiq; sacra pontificia, potestas data est. Nundinationes enim Missaticæ, quibus putida Missarum merita, & rancida indulgentiarum merces vendebantur, tantum sacerdotibus concedebantur, qui ex reliqua hominum multitudine certis gradibus, certis ritibus & characteribus sequestrabantur. Nam missificatori seu sacerdoti Pontificio, post præstita ostiarij, lectoris, exorcistæ, acolythi, diaconi & subdiaconi munia, Antichristiana belua character manibus q. inscribebatur, unctione factâ per execrabile illud, & multis incantationibus præparatum chrisma, quo ungebantur à pollice dextræ manus versus sinistra digitum indicem, & à sinistro pollice versus indicem dextrum: atque sic imprimebatur character indelebilis, quem

Trid.
concil.
sess. 23.
cap. 4.

auferri nunquam posse superbe gloriabantur. Tradebatur insuper ordinando poculum meretricis Babylonice, cum impiâ verborum appendice: Accipe potestatem sacrificandi Deo & celebrandi missam pro vivis & defunctis in nomine Domini. Quo Character insignitus referebatur jã ordinatus sacerdos in album missificatorum, hoc est, negotiatorum papalium, qui posset præ multis alijs putidissimas Pontificia mercatura merces toti mundo obtrudere. Inde factum, ut nullus omnino sacerdotum eligeretur, sine Papæ confirmatione, sicuti hoc ipsum Leo II. peculiari edicto stabilivit: qui cum antea Exarchi Ravennates Italarum Episcopos, ipsum etiam Papam confirmarent, postea electionis potestatem omnem sacro ordini adscripsit, ne quis sine illo Antichristi characterẽ ad mercatorum Romanensium emporia admitteretur. Quod ad illos attinet, qui publicis officijs Ecclesiæ Romanæ non erant obnoxij, hi quoq, si feudorum, præbendarum, aut ullo-
rum beneficiorum participes fieri volebant, characterem prius in manu dextra accipiebant, dum certâ juramenti formulâ omnes
fidei

fidei Romanæ articulos stipulatâ manu recipere cogeantur, eoq; fidelitatis & obedientie juramento præstito, veluti infallibili charactere, Babylonica belua sese obstringebant, reges & principes, magni & pusilli, & summam omnes, qui pontificia præbende desiderio tenebantur. In fronte etiam character imprimebatur cujusvis ordinis & conditionis hominibus, in confirmatione papistica: ubi eodem magico chrismate illinebantur frontes baptisatorum, & aliquò ætatis jam progressorum, ut hac ipsa unctio- nis notâ in modum crucis factâ, sciret baptisatus se contra Satanâ fortius, scilicet, pugnare posse, h. e. se verû Antichristiani regni civem & vasallum esse. Et quid verbis opus est? Auditores, ipsimet mihi taciti adsentiri videmini, vix inter ovum & ovum, lac & lac tantam esse similitudinem, quanta Pontifici Romano cum hac Antichristi notâ intercedit. Nolo equidem in re tam evidente vestrâ benevolentiam & favore diutius abuti: ad ea igitur quæ restant, progredior. Atq; hic quidem occurrit illud, quod de numero bestiae seu Antichristi annotavit D.

Nume-
rus An-
tichri-
sti.

Bellar.
lib. 3. de
P. R. c.
10.

Ioannes, quem dicit esse numerum hominis, & quidem sexcentorum sexaginta sex. Hic numerus ut cum Antichristo conveniat, non necesse est, ut de certâ quadam persona in individuo accipiatur; vel ut proprium quoddam nomen sit alicujus Pontificis Romani, quod exacte numerum hunc representet; quorum utrumq; Iesuastri ad palliandam deploratam suam causam pretendere non verentur: sufficit totam aliquam gentem & membrum corporis Pontificij hunc in se numerum complecti: Etsi vero aliorum interpretationes de tempore, vel mortis Antichristi, vel ortus ejusdem in Ecclesia, non plane sunt rejiciendæ: tamē si omnino de certo quodam nomine dicendum est, quod hunc Antichristi numerum in se contineat, (eò quod textus Evangelista non loquatur de numero temporis, sed nominis) valde conveniens est Irenæi explicatio, qui in voce λατρεύ & mysticum Antichristi regnum numerumq; denotari opinatur. Nam & ea ipsa vox 666. in se complectitur, & in Latio, & hujus acropoli Româ papa dominatur: quod ipsum alij non minus benè Hebræâ dictione

רוֹמִיָּת

רומיות exprimere volunt. Neque verò
 obstat Bellarmini κρησφύγετον, quo nume-
 rum bestiae in hisce duabus vocibus insuffi-
 cientia arguere audent. Vocem enim λατεῖν
 non per diphthongum ei, sed per vocalem
 ε, scribi adserit: & terminationem in τ a-
 pud Hebraeos non masculi sed feminei gene-
 ris notam esse contendit: at q̃ ita hic subla-
 tā litera τ quadraginta, ibi expunctā diph-
 tongo, quinque de 666. deficere subinnuit.
 At quis ista sciret, Iesuita non monente?
 quasi verò hoc in questione sit, an רומיות
 masculam personam notet, cum nemo sit,
 qui hoc in genere per illam vocem, certam a-
 liquam personam intellexerit, sed potius sub
 ipso substantivum femininum aliud, Eccle-
 siam videlicet, ut dicatur רומיות Romana,
 scilicet Ecclesia, in qua dominatur pontifex,
 & quam tyrannidis suae sedem & arcem u-
 nicè elegit. Deinde verò Irenaeum erudi-
 tissimum patrem, inter graecos natum atque
 educatum, vocula λατεῖν & orthographiam
 ignorasse, summa temeritatis est adfere-
 re. Neque enim ipsi animus fuit
 hoc loco ostendere, quibus literis pin-
 gatur

veteres
 scripsis-
 se i lon-
 gum per
 ei, vide
 Quintil.
 lib. 1. in-
 stit. cap.

gatur ista dictio, sed quo pacto illa ad numerum Babylonicæ meretricis convenienter reduci queat, cum jam ante in ipsâ re pulcerrimam harmoniam esse videret. Multò minus causa nostra quidquam detrahit, quod & multa alia vocabula eundem numerum constituent: satis est hanc ipsam vocem, quæ & sedem & gentem Pontificis Romani notat, numerum hunc expressisse. Non enim propter inopiam nominum, eundem habentium numerum nominis ejus, dicimus hac, sed propter timorem & zelum veritatis, ut inquit Irenæus. Inanis igitur opera est, ut levissimè dicam, qua nonnulli pontificum adulescentes orthodoxorum quorundam nomina ad hac 666. violenter detorquent. Cujus vanitatis illustre exemplum est nescio quis Guliel. Lindanus, qui ex istis corruptis vocalibus Martin Lauter eundem mysticum numerum deducit: item Gilbertus Genebrardus quidam, qui nescio quod Hebraum Lutheri nomen לִיּוּתֵר idem efficere observavit. Quasi verò tanta artis esset depravata & tertiata nomina eorum, qui nobis sunt invisi, eò detorquere, ubi ad quasvis calumnias bipaten-

lib. 3.
Dubi-
tantij.

lib. ult.
chronol

bipatentes fores aperiuntur. Quid enim ob-
 sit, quò minus eadem licentiâ, qua in divino
 Lutheri nomine abusi sunt papicolæ, ex in-
 famis illius Papæ, Guidonis Burgundi nomi-
 ne idem ostenderẽ, qui Calixtus 11. postmo-
 dum dictus, facili unius literæ T. mutatione
 CALIXDV S istum 666. numerum com-
 plectitur, præsertim cum hic ipse rem vi-
 tamq; Antichristi toto pontificatus sui tem-
 pore ad unguem expresserit. Hic enim Ca-
 lixtus sese & ipsi Deo & divino loco positus
 sceleratè opposuit, quando Ecclesiam Roma-
 nam, cui præsidebat, magnam Christianorum
 matrem appellabat, varias idolomanias vo-
 ce literisq; stabiliebat: Evangelium nun-
 quam prædicabat: hic pontificum decreta
 contra Imperatorem confirmabat, & ipsius
 Henrici Imperatoris excommunicationem
 adjuvabat: hic execrabili anathematum
 fulmine omnibus horrorem & timorem in-
 cutiebat, atq; ita omnia exactissimè repræ-
 sentabat, quæ in Antichristi personâ conside-
 randa esse Spiritus S. annotavit. Cum igitur
 hæc realia Antichristi tam appri-
 mè cum hoc Calixto congruant, non video
 (si nomi-

(si nomina pro lubitu immutare libeat) qui fiat , quod Antichristi numerus ad huius pontificis Calixti nomen unicâ saltem literâ mutatum , non quàm aptissimè conveniat . Sed enim nobis integrum non est , in rebus tanti momenti cum numeris ludere , ut numerorum calculis (sicuti Democritus atomorum) audaci licentiâ ad nihil non abutamur , & ex quovis quidvis effingamus . Hæc duntaxat in gratiam Esauitarum de Calixto adferre libuit , quibus pudor non est , nescio quæ non absurda pro suo calumniandi pruritu ad exagitandos nos & Evangelium nostrum , excogitare .

Neq; enim mihi in mentem venit , huic unico Calixto Antichristi titulum adsignare : multo enim sunt illustriora & planè à perântioribus & perniciosioribus , quæ pontificem Romanum , cuiuscunq; ille nominis sit , vivis Antichristi coloribus ad oculum depingunt . Horum aliqua jam bono numero recensita sunt : restat unicum (quantum ad institutum meum attinet) de quo quid Spiritus S. moneat , Auditores , quæso , ut facitis , attendite . Id verò est , quod de interitu & destru-

Excidi-
um re-
gni An-
hri-
stiani.

destructione Antichristi notavit Apostolus Paulus, qui interficiendum esse dicit Antichristum spiritu oris Christi, & destruendum illustratione adventus ejus. Regnum enim Pontificium plenarie destructioni proximum jam fathiscere & ruinas minitari in propatulo est, nulla vi, nullis armis quassatum, sed solo spiritu oris CHRISTI, hoc est, Evangelij prædicatione, instar valentissimi arietis oppugnatum & expugnatum. Etsi enim omnibus ætatibus non defuerunt Casares & monarchæ, qui tyrannicum pontificis Romani jugum à cervicibus suis armis excutere ausi sunt: tamen tantam stragem cedere nunquam potuerunt, omnibus suis viribus in unum congestis, quantam divini verbi prædicationem gladium illum ancipitem edidisse, nobis omnibus, quibus Evangelij prædicatio curæ est, merito gratulamur. Enervare quidem studuit robur pontificium Henricus octavus Hadriani II. Pontificatu, qui omnes monachorū sectas è regno suo deturbavit, & cenobia evertit. Philipp. etiā Galliarū rex legatos papæ Bonifacij VIII. ad excommunicandum regem missos, sordi-

sordidatos & omni dedecore infamiaq; adfectos è regno suo exterminari iussit: alij aperta bella pontificibus indixerunt, quin & ipsas bestias carceribus incluserunt: eo usq; tamen omni suâ vi & potentiâ pervenire haud potuerunt, ut hanc papalis Monarchiæ machinam disjcerent, quæ non vi & ferro, sed spiritu & verbo è fundamentis diruenda erat. Hoc igitur extremo mundi senio, ubi iubar lucidissimi illius Luciferi clarius splendescere capit, discussis Pōtificij ergastuli tenebris, virtute quidē DEI, operâ tamen laboreq; magni illius Reformatoris & Theandri LVTHERI, validissimi bestię Tarpeiæ nervi præcisi, roboriq; pontificio omnes sublicæ præfractæ, omnes bases labefactæ, omnia juga imminuta sunt, ut jam non nisi præsentissimæ ruina Pontificatus Romani videantur, & quò prior est adventus Domini, cò velocior interitus excidiumq; fatale & perpetuum regno Pontificio imminet. Ita non armis aut manu Caesarum, sed juxta præpotentem DEI virtutem, spiritu & ope LVTHERI conteri debebat belua Romana. Hic est, quem DEVS pestem & pernici-

perniciem sedi Antichristiana divinitus excitavit: hic est angelus ille, quem per medium cæli volantem vidit D. Ioannes, habentem Evangelium æternum, & prædicantem habitantibus super terram & omni tribui & linguæ & populo: cuius divinam concionem sequitur ruina Babylonis Romæ, & cælitus vox exauditur: cecidit cecidit Babylon civitas illa magna. A quo primum enim die D. Lutherus in summo Antichristiani regni flore fulmina sibi divinitus subministrata in sedem pontificiam evibravit: tota passim Europa q. cælitus tacta contremuit, & operante DOMINO, magno numero à pontificio alastore defecit, ut jam urbs non una atq. altera, non hac vel illa regio, sed integra regna & principatus ex abominabili istâ Babylone egressi veræq. Ecclesiæ cives facti, tam execrabilis tyranni Pontificis Romani plenariam internecionem desiderent, quam junctis votis omnes toto pectore exoptamus, patienter q. speramus.

Profectò gestit mihi animus hoc loco in amanissimum illum campum liberius excurrere, ubi succedaneas illas Pontificij re-

R

gni rui-

Apoc.
14.

gni ruinas presentissimè cernere licet; cuius interitum multi sanctissimi viri prioribus seculis, veluti è speculâ præviderunt, quem nos domi nostræ, quocunq; oculos convertimus, & acie mentis penetramus, cominus intuemur. Sed enim & ipsa meclepsydra, & papicolarum obmurmurationes invitum revocant: quorum illi nimium indulgere nolo; hisce verò breviter occurrere, vestrâ, Auditores, pace veniaq; liceat. Quid ergo primum audio? Sedes Antichristi non Roma erit, inquiunt, Sed Hierosolyma: templum Solomonis ac solium Davidis, non templum S. Petri aut sedes Apostolica. Et quis Iesuita isthac adfirmanti non credat? At verò diabolus nunquam vera de suo locutus est, & qui ex patre diabolo sunt, etiam cum vero similia loquuntur, mentiuntur, Vbi enim sunt isti septem colles & decem cornua Hierosolymis, quibus sedem Antichristi describit Ioannes? Atqui Roma & septem colles habet, & sibi jam olim decem illa cornua seu regna subegit, Græciam, Asiam, Aphricam, Italiam, Hispaniam, Galliam, Britanniam, Germaniam, Poloniam, & Hungariam,

Bellar. l.
3. de pōt
Rom.
cap. 13.

gariam, quorum neutrum in civitate Soly-
morum reperiri potest. Porro quis unquam
Hierosolymam sanguine martyrum ebriam
dixerit? sed Romam sanguine occisorum
pro Christi nomine calere & planè suffoca-
tam esse pueris etiam constat. Adhuc nemo
Solomonis in templum Antichristum colloca-
bit, nisi planè stupidus & fatuus sit, qui ne-
sciat, templum illud à D E O jam pridem ab-
jectum esse, atq; ita abjectum, ut instaurari,
ex interdicto D E I, nunquam debeat: An-
tichristus autem in templo D E I sedebit, id
est, in Ecclesia novi testamenti, quæ verè est
D E I domus, in qua populum peculiarem &
regale sacerdotium habet D O M I N U S: in
cujus medio Papa Romanus tyrannidem su-
am exercet, & insolenter dominatur. Qua
de causa etiam Chrysostomus per templum
D E I, in quo Antichristum sedere dicit A-
postolus, non Hierosolymitanum templum,
sed Ecclesiam Christi intelligendam esse, &
Hieronimus non Hierosolymam sed Romam
esse spirituales Sodomam disertis verbis ad-
seruit. Sed enim, sit sanè Roma, inquiunt, mysti-
ca illa Babylon & sedes Antichristi: quis un-

hom. 3. in
2. Thess.
ep. 11. ad
Algas-
ian.

Bellar. 1.
3. de P.
R. cap. 11.

quam pontificum aut episcoporum negotia-
 tionem ulli hominum in ditione Romanâ in-
 terdixit? quot emunt & vendunt inibi, qui
 necdum chrismate sunt inuncti, nec jura-
 mentum præstiterunt fidelitatis, nec sunt sa-
 cerdotes? nonne in ipsâ urbe Româ ubi Ro-
 manus pontifex sedem suam habet, plurimi
 Iudæi publicè negociantur, emunt & ven-
 dunt? cum tamen nullum habeant eorum si-
 gnorum? Admodum belle per Deum im-
 mortalem; vix dignius tali patellâ inve-
 niatur operculum. Negotiantur Romæ Iu-
 dæi. Maeste Iesuita: hoc ipso te Antichristi
 satellitem, soricis instar turpissimè prodis,
 qui tuo instinctu & ad sensu, auctoritate Pa-
 pæ, tantis Christiani nominis hostibus &
 execrandis blasphemijs fomenta suppeditas:
 qui in proprio sinu serpentem tam pestilen-
 tem foves, qui te tuamq; religionem satagit
 evertere: qui cotidie tantos Iudæorum fu-
 rores audis, adjuvas, confirmas: modò aula
 pontificia opibus excrescat, modò civium ve-
 strorum bona locupletentur: modò ipsimet
 nulla non hæreticorum portenta in medio
 vestrum patiamini. Sed quid merces ista
 ad nun

ad nundinas Babylonicas? Eccui ignotus esse potest longus ille mercium catalogus à Spiritu S. in bonum publicum divulgatus? ubi post multa mercimoniorum genera, post aurum, argentum, gemmas, post margaritas, byssum, purpuram, post vinum, oleum, triticum, post oves, equos, jumenta, subiicit, in emtionis & venditionis contractum quoque venturas animas hominum: animas videlicet tam vivorum quam defunctorum, animas jam pridem corporis carcere solutas, & irrevocabili sententia gaudijs, miserijsve æternis adjudicatas, quæ interventu certi precij per missas, indulgentias, sacrificia, non nisi à sacerdotibus redimi fingeantur à purgatorio & æterna condemnatione. Hasce nundinationes veluti indice digito notat Ioannes, quas & vaticinia & horum subsequuti eventus liquidissimè jam comprobarunt.

Apoc. 18.
ver. 13.

Clara hæc sunt, & profectò clara, & ad verbum, ad syllabam, ac literam eventui jam undiquaque respondent: quæ si pluribus argumentis, quorum adhuc multa restant, alijsque adversariorum cothurnis, quorum etiam non pauci adferri possent, illustrare vel-

lem, profectò & ego dicendo, & vos, Audito-
 res, auscultando miris modis utring, defati-
 garemur. Sed quorsum opus est coacervatione
 multorum, quæ singula firmitate suâ ad-
 versarijs etiam, quamvis invitis, ad sensum
 extorquere possunt? Quæmadmodum enim
 Pontificijs gnathonibus, quia non semel men-
 titi sunt, etiamsi vero consentanea nonnun-
 quam dicant, non nisi suspecta fides habetur:
 ita Christiano homini, veritatis studioso, ex
 tot Antichristi notis vix unam ad rerum e-
 ventum conferenti, dextrè judicantes facili-
 mē ad stipulantur, Papam Romanum revera
 magnum illum Antichristum esse. Quis e-
 nim septicollem Antichristi sedem oculis con-
 tueatur, & Antichristum Romanum non
 conspiciat? quis nundinationes papales ani-
 mo complectatur, & regnum Antichristi
 non agnoscat? quis characterem illum valde
 insignem fronte dexteraq, sacrificulorum
 pontificis videat, & Antichristi satellites,
 clausis etiam oculis palpare nequeat? quis
 deniq, iam fathiscentem & nutantem Papæ
 Romani thronum, operante LUTHERO,
 fulmine divini verbi labefactatum, eminus
 saltem


saltem prospiciat, & imminentem Antichristiani regni interitum excidiumq; divinare non ausit? Vestra certè, Auditores humanissimi, frontium vultusq; tam alacris hilaritas in me conversa, bene ominari jubet, quos ipsos & Antichristum tacitè execrari, & ipsius penitissimam internecionem serio desiderare, videre videor.

Et herclè macti estote animo, optate, quin & sperate: erit, erit, Auditores, ubi jam quantumvis instauratum, probè tamen quassatum & enervatum regnum Antichristianum rudera colligere, fulcra ruderibus substernere videbitis: erit, erit, ubi sincera doctorum voce calamoq;, veluti divino tactum fulmine discindetur & dissipabitur: erit, erit, ubi tandem illustri & glorioso illo Salvatoris adventu penitus conteretur & absorbebitur. Vos instate mecum precibus, urgete thronum divinae majestatis, sollicitate unicum illum καὶ θεὸς ὡς ἑστίν, ut is multorum animos illustret, oculos aperiat, ut Antichristū, ipsiusq; abominaciones intimè cognoscāt, ut ex pestilentiss. istā Babelone secedant, ut

divina veritatis immotam firmitatem propugnare pergant, & istos tetros, horrendos, abominandos Antichristi Romani furores toto pectore devoveant & execrentur.

Apoc.
14.
Apoc.
18.

Dabitur & nobis, & profecto dabitur occasio exultandi & tripudiandi super interitum magni hujus regni, super eradicationem potentis hujus filij perditionis. Cecidit enim cecidit Babylon illa magna, quæ à vino iræ fornicationis suæ potavit omnes gentes: quæ facta est habitatio demonum, & custodia omnis spiritus immundi. Exite de illâ, Christiani: exite populi Domini: instat finalis interitus; imminet totalis abolitio: exite, ô boni: ruinam fugite, Dominum metuite, qui tantam pestilentia cathedram, tam prophanam Antichristi sedem, cum rege pariter & grege pro justissimo ira suæ zelo jam judicat, & potenter judicabit.



INDEX



LOCA SS. SCRIPTU-
ra, quæ à Papicolis in controver-
sia de Antichristo depravari solent; &
in hoc Tractatu in integrum
restituuntur.

G En. 14, vers. 18. At verò Melchisedech
rex Salem, proferens panem & vinum &c.
pag. 143.

49. vers. 17. Fiat Dan coluber in via &c. p. 54.
seqq.

Numer. 2, vers. 25, Ad Aquilonis partem castra mea ta-
ti sunt filij Dan. p. 57.

1. Sam. 27, vers. 7. Fuit numerus dierum, quibus habi-
tavit David in regione Philistinorum, dies &
menses quatuor, p. 18.

Esa. 14. vers. 13. sedebo in monte testamenti, in lateri-
bus Aquilonis. p. 57.

16. vers. 4. absconde fugientes & vagos ne pro-
das &c. p. 133. 134.

Jerem. 18. vers. 10. A Dan auditus est fremitus. p. 60. 61.

Ezech. 4. vers. 6. diem pro anno dedi tibi. p. 18. 19.

34, vers. 25. cessare faciam bestias &c. p. 151.

39. vers. 28. & scient quia ego Dominus &c.
p. 152.

Daniel. 2, vers. 41. quia vidi sti pedum & digitorum
partem testæ figuli. p. 31.

7, vers. 8. ecce cornu aliud parvulum &c. p. 10 68

vers. 24. & 25. cornua decem ipsius regni &c.

usq;

usq; ad tempus & tempora & dimidium tempo-
ris. p. 12.

8. vers. 23. consurget rex impudens facie. p. 68.

9. vers. 27. in dimidia hebdomadis deficiet hostia
&c. p. 136. seqq.

11. vers. 21. & stabit in loco ejus despectus. p. 68.

22. insuper & dux foederis. p. 80 81. 88. 89.

36. faciet secundum voluntatem Rex. p. 168. 169.

41. introibit in terram gloriosam. p. 132.

42. & mittet manum suam in terras. p. 68. 75.

12. vers. 1. in tempore illo salvabitur populus tuus
&c. p. 128.

11. à tempore, quo ablatum fuerit jure sacrifici-
um. p. 137. 138. 158.

Oseæ 3. vers. 4. dies multos sedebunt sine rege filij Is-
raël. p. 127. 128.

Zachar. 5. vers. 6. hæc est amphora egrediens &c. p. 64.

14. vers. 3. & egredietur Dominus, præliabitur con-
tra gentes illas &c. pag. 157.

Malach. 1. vers. 11. ab ortu solis usq; ad occasum ma-
gnum est nomen meum in gentibus, & in omni lo-
co sacrificatur. p. 144.

4. caput totum. pag. 118.

Ecclesiastici 48. vers. 9. Elias receptus est in turbine
ignis &c. p. 117. & seqq.

2. Macchab. 2. vers. 4. erat in ipsa scriptura, quomodo
tabernaculum & arcam jussit Propheta divino re-
sponso ad se facto comitari secum &c. p. 145.

Matth. 24. vers. 14. &c. Et prædicabitur hoc Evangeli-
um regni in universo orbe &c. pag. 21.

Lucæ 21. vers. 24. Jerusalem calcabitur à gentibus &c.
p. 129.

Joh. 5. vers. 43. Ego veni in nomine patris mei & non
recipitis me: si alius venerit in nomine suo, illum
accipietis. pag. 84.

2. Thessalon. 2. vers. mysterium jam operatur iniqui-
tatis &c. pag. 34 35. seqq. 1. Johan.

1. Johan. 2. vers. 22. hic est Antichristus, qui negat patrem & filium. pag. 5. 6. 7. 82.
4. vers. 3. hic est Antichristus de quo audistis. p. 82.
Apocalyp. 7. vers. 4. & audiui numerum Signatorum centum quadraginta quatuor millia. p. 130.
9. vers. 14. solve quatuor angelos &c. p. 63. 64.
11. vers. 3. & dabo duobus testibus meis &c. p. 122.
8. & corpora eorum jacebunt in plateis p. 88.
19. & opertum est templum Dei in caelo, & visa est arca testamenti ejus in templo. p. 148. 149.
12. vers. 12. diabolus modicum tempus habet. pag. 15. 16.
13. vers. 2. bestia quam vidi similis erat pardo &c. p. 103.
11. vidi aliam bestiam adscendentem &c. p. 105.
17. à vers. 3. ad fin. cap. pag. 89. & 42. seqq.
20. vers. 7. & cum consummati fuerint mille anni &c. pag. 15. 99. 100. 154. 155.



INDEX



INDEX RERUM MEMORABILIU; JUXTA ORDINEM ALPHABETI.

- A** Rufcationes Romanorum Pontificū. pag. 220. 221.
Ambrosij testimonium de universali prædicatione Evangelij. 27.
Amphora impietatis Romæ. p. 65.
Angelus Apocalypticus per medium cœli volans. 26.
Anni tres cum dimidio in Apocalypsi quomodo accipiendi. 13. seqq.
Annus Hebræorum. 14.
Anni angelici. 15.
ἀντί quid significet. 2.
Antichristus Pontificius. 6.
Antichristus orientalis & occidentalis. 6. 7. 163.
Antichristus in fine mundi revelabitur. 8.
Antichristus durabit usq; ad extremum judicium. 10.
Antichristus non potest esse Judæus. 62.
Antichristus juxta nonnullos scriptores Pontificios colet clam occultum quendam dæmonem. 90.
quæ opinio refutatur. 91.
Antichristus non est nomen singulare. 198.
Antichristi descriptio Scioppiana ad Pontificem R. accommodata. I. 2. seqq.
Antichristi dominium quomodo breve sit futurum. 15. 16.
Antichristi orientalis & occidentalis unus idemque ortus. 29. 163.
Antichristi præcursor. 29.
Antichristi revelatio. 39.
Antichristi sedes. 46. 209. seqq.
de An-

I N D E X.

de Antichristi ortu & progressu fabulæ Scioppij.	53.
Antichristi palatium.	77.
Antichristi Papistici doctrina.	80.
Antichristi character.	111. 112.
Antichristi numerus mysticus.	114. 115.
Antichristi conatus in persequenda Ecclesia irritus.	152.
Antichristi scortatio corporalis & spiritualis.	179.
Antichristi ignis de coelo delatus.	81. 82.
Antiochus Antichristi typus.	81. 82.
Antiochus Pontificis Romani typus.	4. 68. seqq.
Antiochus non est rex ille magnus de quo cap. 12. Dan agitur.	197.
Apadno.	76.
Apocalypsis capite 7. tribum Dan omittit.	58.
Apocalypsis nova cuditur.	185.
Apostoli omnibus gentibus prædicarunt Evangelium.	22. seqq.
Apostolorum divisio.	22.
Apostolorum studium in prædicando Evangelio.	23.
Apostasia apud Paulum in 2. Thessal. 2. est recessus à fide Catholica.	35.
Arca fœderis defuit in templo secundo.	147.
Arca fœderis mystica in coelo aperta.	149.

B.

Babylon inter septem mundi miracula refertur.	215.
Babylonis & Romæ collatio.	215.
Bellarminus refutat Scioppium.	55. 155. 156.
Bencotbah & Bencochab.	84.
Bestiæ duæ ex mari & terra in Apocal. pag.	105.
Bonifacius III. Papa transtulit sedem Imperij Romani.	39.
Bonifacius III. Papa universalis Episcopi titulum sibi arrogat.	29.
	Caligulæ

I N D E X.

C.

Caligulae Imperatoris tyrannis.	170.
Calixtus I I. Pontifex.	231.
Carolus Romam expugnavit.	52.
Canus Scriptor Pontificius de miraculis Papisticis.	99.
Castra Sanctorum.	155.
Cerinthus & Ebion Pontificis R. prodromi.	5.
Character Antichristi.	111. 112. 225.
Christus non potuit sapius se offerre hostiam.	138.
Christiano condemnato Christus ipse condemnatur.	79.
Chrysostomi testimonium de universali prædicatione Evangelij.	25.
Coloniae Ecclesiae primitivæ.	23.
Corniculum apud Daniele cap. 7. non est Antichristus.	10.
Cornua decem Papatus.	43.
Conjugij prohibitio in Papatu est multorum scortationum occasio.	181.
Cyrillus præses Carmelitanus cudit novam Apocalypsin.	185.

D.

Dan ubi sita sit.	61.
Dan tribus præclara.	59. 60.
Dan omittitur in Apocalypso.	60.
Diabolus seducit gentes.	155.
Diaboli solutio locum habet in Papatu.	100.
Diaboli prælium quotidianum cum Christianis.	154.
Divisio Apostolorum.	22.
Dies incarnationis Christi salutaris & horribilis fuit diverso respectu.	120.
Dominicus Christo anteponitur	187.
Ebion	

I N D E X.

E.

Ebion & Cerinthus Pontificis R. prodromi.	5.
Ecclesia Romana tempore Apostolorum.	162.
Ecclesiæ græcæ dictærium in Pontificem R.	74.
Edom apud Danielelem.	cap. 12. pag. 132.
Electio-fidelium.	128.
Electi non excidunt finaliter gratia Dei.	129.
Elia & Enoch fabula Papistica refellitur.	117. seqq.
	201.
Emaus à Scioppio vocatur Nicopolis.	75.
Epistola posterior ad Theſſalon. quando fuerit scri- pta.	38.
Evangelium omnibus gentibus prædicatum fuit.	22.
Evētus Prophetiarū optimus est interpres.	11. 49. 168.
Excommunicationes Papisticae.	190.
Excidium regni Antichristiani.	232. seqq.
Expeditiones ad recuperandam Hierosolymam irri- tae.	30

F.

Facere quando idem sit ac sacrificare.	142.
Festum corporis Christi unde ortum.	186.
Franciscus Jesus typicus.	137.
Francisci Petrarchæ testimonium de Roma.	211.
Fridericus Barbarossa Romam expugnat. 52. à Pon- tifice Romano premitur. 176. pedibus conculca- tur.	177.

G.

Gallia à Pontificibus expilata cudit monetam æream pro argentea.	222.
Galliæ tributum Romano Pontifici annuatim pen- sum.	221
Gentiles multi cur destituantur Evangelio.	24 25
Gothorum in Romam irruptio.	31.
Granata Hispaniæ pars ad Christianismum converti tur.	47.

I N D E X.

Gregorij VII. Pontif. R. incantationes.	186.
Gregorij IX. Pontif. pessimi optimum statutum.	183.
Gregorij Magni vox de Antichristo.	68.

H.

Hæbreorum menses.	17.
Hegira Turcarum.	13.
Hierosolymæ instauratio impossibilis.	29.
Hieronymi Savanorolæ obitus.	195.
Hora novissima in Scriptura quid?	16.

I.

Idololatriæ Papisticæ & Ethnicæ collatio.	192. 193
seqq.	
Idololatria vocatur fornicatio.	44.
Ignis Antichristi.	188. 189. 106.
Italia quomodo Pontifici R. fuerit subjecta.	174. 175.
Imperium Romanum vulneratum & fauciatum.	103.
	(104.
Imperatoris nomen hodie per Pontificem titolare tantum factum est.	33.
Imperatores Pontifici R. restiterunt.	52.
Insulæ nobis ignotæ habuerunt olim Evangelium.	23.
Johannis Apostoli patmus.	195.
Johannis cujusdam Monachi diæterium in Romam.	217.
Judæus non potest dici Apostata.	63.
Judæi Romæ tolerantur, expulsis Christianis.	83. 165.
Judæi ad seducendum faciles.	3.
Judæi sæpè homines pro Messia receperunt.	84.
Judæorum conversio ante novissimum diem.	127.
Julius III. Pontifex Sodomita spurcissimus.	180.

L.

Lævi.	228.
Lutheri patmus.	195.
Lutherus Romam Babylonem conquassavit.	225.

Maccha.

I N D E X.

M.

- Macchabæorum liber secundus à quo conscriptus ,
 teste scriptore quodam Pontificio. 145.
- Mahomet abolevit festa Christianorum. 12. mutavit
 annos solares in Lunares. 13.
- Mahometi excusatio, cur nulla ederet miracula. 10.
- Maozim apud Danielelem est Missa Papistica. 19
- Marci Evangelistæ martyrium. 195.
- Marfilij Patavini querela de Roma. 223. 224.
- Mensis dupliciter considerari potest. 17.
- Menses Hebræorum ibid.
- Mensis apud Hebræos unde dictus. 18.
- Melchior Canus scriptor Papisticus de miraculis
 Pontificijs. 99
- Miracula Papæ. 2. 96. 97. 185. seqq.
- Miracula Papistica sunt mendacia , licet verè even-
 rint. 97. 98.
- Miraculis doctrinam Apostolicam confirmare pro
 nota Antichristi habuit Chrysostomus. 97.
- Missæ cor ac anima regni Papistici. 93.
- Missæ abominatio. 182.
- in Missa occurrunt quatuor patribus nostris igno-
 ra. 92.
- in Missa varia quæsitæ sunt pecuniarum aucupia.
 92. 93.
- Moab apud Danielelem. 132.
- Monarchiarum quatuor successio usque ad finem
 mundi. 28
- Moses Cretensis. 84.

N.

- Novissimus dies ignoratur. 124.
- Numerus Antichristi mysticus. 114. 115. 228. 229.
- Nundinæ Romanæ. 217. 220. 221.

S

Papatus

I N D E X.

P.

Papatus descriptio.	42. 43.
Papatus fuit & non est.	45
Papatus nō vi corporali, sed virtute verbi cecidit.	234
Papatus per fraudulentiam introductus & propagatus.	63. seqq.
Papatus idololatria.	192.
Passio Domini sacrificium Novi Testamenti.	139.
Patrum praesidium in controversia de Antichristo.	168.
Patres in interpretandis vaticinijs Prophetarum interdum hallucinati sunt, eventu destituti.	12. 56. 168.
Paulus in 2. Thess. cap. 2. loquitur non de Antichristo typico sed vero.	37
Pauli temporibus fuerunt Antichristi prodromi.	39.
Pauli Apostoli studium, in praedicando Evangelio.	23 24.
Pererij sententia de annis tribus cum dimidio.	19.
Petri & Pauli martyrium.	194.
Platinae testimonium de Pontificum Romanorum ambitione.	4.
Plenitudo temporis apud Paulum Gal. 4. pag.	128.
Pontifex Christi adversarius & aemulus.	1.
Pontifex seducit Judaeos.	3.
Pontifex suo modo negat patrem & filium.	6. 82.
Pontifex dat spiritum imagini bestiae.	32.
Pontifex vocatur à D. Johanne meretrix, quare.	44.
Pontifex Deo & Magistratui se opponit & antepo- nit.	87. 170. 172. 192.
Pontifex appellatur Deus.	88.
Pontifex extollit se super omnem Deum.	170. 172.
Pontifex mutavit tempora.	103.
Pontifex facit ignem de cœlo descendere.	106. 188.
Pontifex dat Spiritum imagini bestiae.	106. 107. 191.
Ponti-	

I N D E X.

Pontifex subiecit sibi Imperatorem.	107. 174. 33. 177. seqq.
Pontifex terram dividit gratuito.	109.
Pontifex tyrannicè grassatur in confessores veritatis.	110.
Pontifex mulierum amorem non spernit.	180.
Pontifex bella facit Sanctis.	83.
Pontificis & Mahometis unus idemq; ortus.	29. 163.
Pontificis Romani superbia.	173. 174. seqq.
Pontificis rapinæ, & æruscationes.	218. seqq.
Pontificatus Romani comparatio cum Caligulae imperio.	170. 171.
Principes Germani gaudent vocari Electores & principes Romani imperij.	34.
Principium filiorum Ammon apud Danielelem.	133.
Principes cogitant de collenda Missa.	184.
Pseudochristi.	84. 85.

Q.

Quæstiones impiæ de Papa.	169.
---------------------------	------

R.

Reges decem Romani imperij fore vix credibile.	41.
Rex Aquilonis apud Danielelem cur vocetur Antichristus.	58.
Roma ρώμη.	31.
Roma sedes Antichristi.	46. 109. seqq.
Roma expugnata.	52.
Roma à patribus vocatur Babylon.	216.
Roma in Apocalypsi cap. 17. non de imperio sed Vrbe intelligitur.	50.
Roma in Apocal. 11, 7. vocatur Sodoma & Ægyptus.	78.
Romæ Ethnicæ divini honores tributi.	213.
Romæ Ethnicæ & Papisticæ collatio.	210. seqq.
Romæ & Babylonis collatio.	215.

I N D E X.

Romæ crucifigitur Christus.	79.
Romana Ecclesia tempore Apostolorum.	162.
Romani imperij potentia imminuenda fuit, antequam veniret Antichristus.	38.
Romanum imperium sine urbe Roma non nisi titolare est.	33.
Romana Monarchia durabit usq; ad finem mundi.	28. 38. 73.
Ruina regni Antichristiani non ferro sed verbo fieri debuit.	228.

S.

Sacerdotes propriè sic dicti non sunt in Novo Testamento.	141.
Sacrificium jure duplex in Scriptura.	138.
Scioppius contradicit Apostolo Paulo.	8. 157. 158.
Scioppius Antichristi sui descriptione inscius delineavit Rom. Pontificem.	1. 2. seqq.
Scioppius non sine calumnia Rom. Imperium confert meretrici.	41.
Scioppius seipsum refutat.	50. 100. 108. 153. 154.
Scioppius fatetur Romam hodiernam nullum habere de jure imperium in reges terræ.	51.
Scioppius Prophetæ Malachiæ, Christo, Gabrieli archangelo data opera obloquitur.	118. 119.
Scioppius est Porphyrius noster.	76.
Scioppius nomen suum cum religione mutare solet.	113.
Scioppij ruditas in Scriptura.	36.
Scioppij ruditas in historia sacra.	145.
Scioppij crassa mendacia. 36 56. 71. 72 86 94. 105. 150 imò totum Syntagma unà cum Epistola est unum mendacium.	
Scioppij impia Theologia.	90.
Scioppij fraus notoria.	155.
Scioppia-	

I N D E X.

Scioppiana interpretatio locorum. 2. Theſſal. 2. pag.	
34. Apocal. 17. de Antichriſto. pag.	40.
Sedes Antichriſti.	46.
Septem montes Romæ.	46.
Septenarius numerus rebus innovandis deſtinatus.	18.
Signa duo adventantis Antichriſti.	20. 27. 28.
Simon Magus typus Pontificis Romani.	4.
Solomonis templum quanto labore extructum.	72.
Statua triumphalis Romæ.	213.
Stephani II. Pontificis inſolentia.	175.
Summa ſeptimi capitis Apocalypſici.	131.

T.

Tempus tempora & dimidium tempus, quid ſit?	13. ſeqq.
Terræ ſanctæ recuperatio impoſſibilis.	29.
Templum, in quo ſeſſurus Antichriſtus.	37.
Templi vocem in Scriptura Novi Teſtamenti nunquam aliter, quàm de templo Hieroſolymitano accipi ſingunt Scioppius & Bellarminus.	36.
Teſtes duo Apocalypſici.	125.
Totilas Gothorum rex.	31.
Tributa Pontificia variorum generum.	220.
Triginta millia deorum gentilium.	193.
Theodoreti teſtimonium de Apoſtolo Paulo.	24.
Turca parvulum cornu apud Daniele.	10. 11.
Turca ultimus hoſtis Chriſtianorum.	11. 29.
Turcici imperij initium.	29.
Tyrannidis Papifticæ & Ethnicæ collatio.	194.

V.

Vrbani IV. Pontificis ſuperſtitio.	186. &c.
------------------------------------	----------

F I N I S.




*Errata quæ inter imprimendum
irrepsere; benevolus Lector ita
corrigat.*

In epist. dedicat. A. 3. b. lin. 6. lege de monte. A. 6. a.
lin. 2. lege: Antichristi Papistici. A 7. b. lin. 18. lege: &
quidem. In ipso tractatu: pag. 2. lin. 18. lege: in mun-
dum. p. 22. lin. 8. Colossenses. pag. 39. lin. 16. jaciebant. p.
46. lin. 25. putat, pro potest. p. 104. lin. 23. ἀναγλῶστα.
p. 115. lin. 19. florentius. p. 127. lin. 4. de Eliæ &c. p. 161.
l. 22. Cæsares. p. 220. l. 1. Catalogi. p. 151. l. 13. lege 34, 25.
p. 129. l. 15, lege Lucæ 21. p. 129. l. 16. lege, ipsa
Cætera, si qua occurrunt, quisq; pro suo
candore in integrum resti-
tuet.







Balduin, Friedrich,

Diatribē theologica de Antichristo

Witteberga 1607

Polem. 150 a

urn:nbn:de:bvb:12-bsb10772181-9

VD17 12:110269F